

COMMENTARIO LUS DE STATU CONFOEDERAT ARUM...

Marcus Zuerius Boxhorn,
Paulus Merula



8

7-C

90



8-7.C.90.

COMMENTARIOLVS

De

STATU CONFOE-
DERATARVM PR
VINCIARVM
BELGII.

Editio tertia auctior & Emendatior

ACCESSIT

De eadem materia

PAVLI MERVLÆ

Diatriba :

· NEC NON ·

Decretum Ordd. Holland. & VVest-*Frifia*


De Antiquo Iure Reip. Batavicae



HAGÆ-COMITIS.

Apud IOHANNEM VERHOEVEN

Anno 1650.



28221



INDEX CAPITVM COMMENTARIO LI

De Statu Reipublicæ Fœderatorum Belgarum.

- CAP. I.** *Fœderati Belgii Provinciæ, earumque appendices; causa interior iniqui Hispanorum in Belgas Imperii, & horum defectionis. Fœdus Fœderatorum & fœderis istius leges. Pag. 1*
- CAP. II.** *De Fœderatorum Ordinum Imperiis ratione, & Supremo eorundem Senatu. Pag. 13*
- CAP. III.** *De cura rei maritimæ & Supremis Archithalassicis Conciliis, ejus tuendæ causa à Fœderatorum communitate institutis. Pag. 29*
- CAP. IV.** *De Supremo Gubernatore & militia Imperatore Fœderatarum Belgis Ditionum. Pag. 34*
- CAP. V.** *De opibus, quibus Fœderatorum Belgarum res sustentatur. Pag. 44*
- CAP. VI.** *De præcipuis munimentis, quibus domi aut foris Fœderatorum Respublica sustentatur. Pag. 49*
- CAP. VII.** *De fœderibus, quæ Fœderata Reipublicæ cum exteris Principibus aut populis intercedunt. Pag. 61*
- * 2
- CAP.**

INDEX CAPITVM.

- CAP. VIII.** *De Collegiis Societatum utriusque India, quibus in Orientem & Occidentem navigatur.* Pag. 70
- CAP. IX.** *Quid de perpetuitate aut duratione Fœderate hujus Reipubl. judicandum sperandumque sit.* Pag. 90
- CAP. X.** *De singularum Ditionum regimine, Hollandiæ inprimis, quæ cæterarum omnium loco adducitur in exemplum.* Pag. 96
- CAP. XI.** *De singulari Urbium Hollandicarum regimine.* Pag. 105
- CAP. XII.** *De Tributis ac Vectigalibus; quotuplicia illa sint; Denique de eorum colligendorum per universam Hollandiam ratione.* Pag. 111
-

QVIBVS SVBIVNCTA,


Pauli Merula de Statu Reipubl. Batavica Diatriba. Pag. 1

Item,

Decretum Ordinum Hollandiæ & West-Frisiæ De Antiquo Iure Reip. Batavica. Pag. 17

F I N I S.

COM-



C O M M E N T A R I O L V S

De

S T A T U C O N F O E D E -
R A T A R V M P R O V I N -
C I A R V M B E L G I I .

C A P . I .

*Fœderati Belgii Provincia, earundem appendices,
iniqui Hispanorum in Belgas Imperii, & ho-
rum defectionis interiores causæ, Fœdus Fœde-
ratorum & fœderis istius leges.*

BELGIUM septendecim ditioni-
bus complexum, post ejuratum à
nonnullis Hispanorum Imperium,
in Hispanicum & Fœderatum ho-
die dividitur. Decem earum hodie Hispano
parent; septem, sed situ, opibus, frequentia
hominum, longe cæteris superiores, à Fœde-
ratis possidentur: nempe Ducatus unus, Gel-
dria; Comitatus duo, Hollandia, Zelandia;
Dominia quatuor, Ultrajectum, Frisia, Trans-
isalaniam, & Groninga.

A

2. His

2. His accedunt in Flandria Brabantiaque & ipsis finibus, ipsoque fundo Germanici Imperii plurimæ validissimæ civitates, vi armorum expugnatae: alia etiam in Indorum orbe regna plurima (quorum nomine Oratores siue legati foederatorum iisdem honoribus, quibus regii afficiuntur, ad exemplum Venetæ Reipubl. Cypri quondam regno potitæ) quæ velut appendices Imperii vulgo appellantur.

3. Parent autem illæ, & eodem loco apud Foederatos habentur, quo Provinciæ olim apud Romanos. Summum enim caput, vis & auspiciū summi Imperii est penes illas Septem, quas diximus, ditiones, quæ tyrannidis sub Carolo V. Cæsare cœptæ, sub Filio ejus Philippo II. adultæ, & denique sub hujus Duce Albano, ultimum exitium rebus Belgicis minitantis pertæsæ, Philippi & simul omnium Principum Imperiū ejuravere.

4. Erat quippe harum ditionum easque incolentium libertas summa, & auctoritas Principum plurimis pro libertate repertis legibus definita: Contra Philippi absolutissima erat dominatio, contra leges usurpata, & contra fas omne iniquissima. Qui abdita principum consiliorum propius inspiciunt, causam atrocis adeo & perniciosi Belgis Imperii non aliam statuunt, quam quod hic sedem Monarchici illius Imperii promovendi, & bel-
lorum

lorum proinde ponere, Hispani Austriacique constituisſent, ob locorum inde in Galliam & Britanniam, hinc in Germaniam & Septentrionem; denique in omnem celebriorem Europæ oram excurrentium opportunitatem. Neque eam hic tueri poſſent ob ſummam à majoribus gentis acceptam libertatem, niſi eâ omni & natione pariter exciſâ.

5. Propterea natæ primo ſingularium aliquot civitatum, dein totarum provinciarum, Hollandiæ, Zelandiæque in primis ab Hiſpanis defectiones, quibus aliæ quinque ditio- nes mox ſeſe junxerunt. Sic factum eſt, ut Anno 1579. foedus inter eas iniretur Ultrajecti, & inde Ultrajectinum eſt appellatum, totius iſtius foederatæ ſocietatis columen unicum ac fundamentum. Ac proinde haud abs re fuerit foederis iſtius leges in medium hic proferre.

Fœdus Ultrajectinum, ejusque leges.



Eldria, Hollandia, & cæteræ ditio- nes æterno foedere ita ſibi invicem illigantur, ac ſi una omnium ditio foret: A foederatis ſive teſtamen- to, ſive codicillis, ſive donationibus, ſive ceſ- ſionibus, venditionibus, contractibus, pactis, matrimoniis Principum, aut aliâ aliquâ ratio- ne æternum non divelluntur.

II. Singularia tantum privilegia ſingula-

resque libertates, immunitates, jura, statuta, consuetudines à Majoribus accepta cuncta integra & illibata singulæ ditiones sibi conservanto, in iis conservandis tuendisque aliæ alias quavis ope adversus quosvis juvanto: Sin autem harum rerum causa controversiæ quædam litesque inter has & istas ditiones exortæ sint, aut exoriantur, eæ ordinaria Iudicum sententia, vel quorundam arbitrio, aut amico contractu deciduntur, sopiuntur: Quamdiu decisiæ illæ aut sopiæ non fuerint, nulla ditio alteri ditioni noxam aut damnum inferat.

III. Eædem ditiones invicem sese adversus quamvis vim ab Hispanis, aut eorum nomine ab aliis inferendam bonis ac sanguinis impensis juvare tenentur. Quicquid singulis ditionibus evenierit, omnes ad se pertinere arbitrantur.

IV. Eædem ditiones adversus quoscunque, siue indigenas siue externos Principes Dominosve, hostilia quocunque tandem nomine & ob singulares controversias, singulasque tantum ditiones spectantes, inferentes, invicem se optima fide defendere constrictæ sunt, iis copiis tantisque opibus, quantæ plurimum Fœderatorum consensu requiri videbuntur.

V. Quo eædem ditiones, urbes & membra hujus fœderis adversus vim omnem & irruptiones hostium tutiores sint, limitaneæ civitates,

tates, aliæque, ubi id consultum videbitur, communibus opibus, ex communi Fœderatorum arbitrio & consensu muniuntor, sumtusque in eam rem sufficiunt singulares illæ ditiones, quarum urbes arcesque muniendæ videbuntur. Sin vero cōsultum videbitur novas arces, novaque militiæ opera alia exstruere aut vetera demoliri, eorumve formam mutare, omnes fœderatæ ditiones, pariter impensas præstanto.

VI. Quo autem opus idoneæ præfatis aliisque belli sumptibus sufficiant, ad earundem ditionum defensionem, in singulis eadem formâ, iisdemque legibus vectigalia cuiusvis vini, cerevisiæ, frumenti, salis, pannij, serici, majorum jumentorum, confitorum agrorum, pascuorum, mercium in publicis libris expendendarum nomine, communi consilio & consensu exiguntor. Regalia quæ ad Hispaniarum Regem hætenus Ditionum harum Dominum pertinere, si opus, in eundem usum convertuntor. Æs ex præfatis vectigalibus collectum, in usum & defensionem communis causæ tantum destinatur. Eadem vectigalia prout minor aut major necessitas flagitabit, ex communi consilio minuuntor aut augentor.

VII. Limitanæ Civitates, quævis militum præsidia ex Fœderatorum jussu accipere & admittere tenentor, stipendia illis, commu-

nibus omnium sumptibus persolvuntor. Et quo earundem Urbium securitati magis provisum sit, præfidiarii illi milites, eorumque Præfecti fidelitatis juramentum non modo generatim omnibus fœderatis, sed etiam illarum Urbium Magistratibus singulatim dicuntor. Quo, ne oneri civibus iidem milites sint, disciplinæ militaris accuratissimæ quam primum conduntor leges. Præfidiarius miles à vestigalibus solvendis immunis non esto. Civibus hospitii nomine, quod militibus præbentur sunt, certa pecuniæ summa ex fœderatorum ærario persolvitor.

VIII. Quotquot ætatis annum 18 attigere & sexagesimum nondum emensi sunt, post exactum à condito hoc fœdere mensem unum in omnibus Fœderatorum ditionibus lustrantor, eorumque nomina & numerus Supremo Fœderatorum confessui exhibentor; quemcunq; autem illorum usum esse voluerint, Fœderati ex communi cōsensu statuuntor.

IX. Non nisi ex communi omnium assensu, & omnibus pariter probantibus, nemine refragante, pax, bellum, aut induciæ ineuntor, vestigalia, aut tributa indicuntor. Res cæteræ ad executionem & administrationem hujus fœderis spectantes, plurium inter Fœderatos suffragiis ineuntor aguntor & executioni mandantor. Si tamen belli aut pacis, aliarumve majorum rerum nomine inter se convenire

venire haud possint Fœderati, arbitrio, donec aliud statutum fuerit, Gubernatorum singularum ditionum res controversæ submittuntor, eorum arbitrium sequi fas omnes esto.

X. Singulæ prædictarum ditionum confœderationem, ligam aut unionem cum vicinis aliisque exteris Principibus aut populis incedendi propriâ auctoritate, sine omnium fœderatorum consensu potestatem non habento.

XI. Si qui vicini Principes, Domini aut populi huic etiam fœderi velint illigari, ad id ex communi consensu admittuntor.

XII. Eandem monetam probanto omnes, & eandem omnes improbanto. Quod monetariam rem spectat, de ea ex omnium consensu leges quam primum promulgantor, easque omnes sequuntor.

XIII. Quod publicum Religionis exercitium permittendum, vel non permittendum iis, qui à Reformata diversi sunt, spectat, singule ditiones de eo pro arbitrio & ex usu suo statuunto, inferint libertatem Religionis conscientiaque cuivis indulgere omnes tenentor, neminem ejus causa persequuntor, aut negotium facessuntor.

XIV. Si quæ, quod non favit Deus, inter quasdam ex ditionibus fœderatis controversiæ extiterint, ceteræ ditiones, quas controversiæ illæ non spectabunt, pacis publicæ causâ eas ex jure æquo & bono decidendi

potestatem habento. Sin vero omnes generatim ditiones oblatae controversiae spectaverint, ditionum singularum Gubernatores, eodem, quo supra dictum est, modo, sententiam pronunciant.

Decisio ejusmodi controversiarum ultra mensem non differatur, & quia interest hujus in primis Reipublicae, concordēs inter se agere has ditiones, ac idcirco ejusmodi lites non trahi aut proferri post sententiam, sive ab aliis ditionibus, sive à Gubernatoribus latam, appellationi, exceptioni, revisioni, nullitati locus non esto.

XV. Eadem ditiones, urbes & membra, ne exteris Principibus, populisve belli Foederatis inferendi occasionem praebeant, ante omnia cavento. Idcirco cum exteris aequae ac indigenis ex jure aequo & bono, & eodem modo agunto. Si quae ditio hanc legem infregerit, quovis pacto eam ad observationem ejus compellere cæterorum Foederatorum muneris, curae ac potestatis esto.

XVI. Singularum ditionum Ordines aut Praefecti aliarum ditionum, quae huic foederi se dederunt, dabuntve, subditos utroque citroque committentes, aliis aut majoribus oneribus, quam cives domesticos non premunt.

XVII. Quo autem communis Foederatorum Reipublicae administratio rectè instituitur, & consilia publica optimè ineantur, omni-

omnium Fœderatorum nomine Plenipoten-
 tiarii quidam constituuntur. Illi statum diem
 & locum conventui ordinum singularum di-
 tionum indicunt. Gravamina sive capita, de
 quibus agendum erit in tempore ad eos trans-
 mittunt, si quæ tamen ejusmodi sint, quæ ha-
 tenus tegi & clam haberi expediat, ipsis ma-
 joribus omnium Fœderatorum Comitibus &
 conventui servantur. Vocatæ & monitæ in
 hunc modum singulæ ditiones legatos suos
 idonea instructos autoritate, ad indictum
 diem & locum Comitibus, aut Conventui Fœ-
 deratorum omnium mittunt. In his Comitibus
 plurium sententiæ paucorum suffragiis præfe-
 runtur, iis exceptis majoribus rebus, de qui-
 bus modo dictum est. Quod si ditiones quæ-
 dam legatos suos idonea instructos authorita-
 te ad indictum diem & locum mittere negle-
 xerint, nihilominus reliquarum Legati, qui
 præsentibus se sistunt, quid agendum consulen-
 dumve videbitur, consulunt, decernunt, &
 decreta haud aliter, ac si omnes Comitibus in-
 terfuissent mandant. Sin verò res ejusmodi
 veniant in deliberationem, quæ moram pati
 posse videbuntur iterum atque tertio Ordines
 ditionum, quarum Legati abfuerunt, monen-
 tor & Legati evocantur; quibus verò inte-
 grum non erit, ad ea Comitibus Legatos suos
 amandare, scripto sententiam suam comple-
 cti, eamque transmittere liceto.

XVIII. Si quæ talia singularum ditionum Ordines cognoverint existimaverintque, de quibus omnium Fœderatorum consilia exquiri debeant ac expendi, eorum indicium Plenipotentariis, quibus evocandorum Ordinum potestas est, faciunto: Plenipotentarii autem eo nomine omnium Fœderatorum Conventum indicunto.

XIX. Si de mente aut interpretatione harum legum controversiæ quid obortum sit, aut in ea obscurum, sententia plurium ex Fœderatis ipsarum legum sententia & mens censetor.

XX. Si novas vero leges addere, aut receptas mutare vel augere pro occasione necessarium fuerit, de iis ex omnium suffragio & consensu statuunto.

XXI. Has leges omnes sancte observanto; in eam rem solenni juramento se obstringunto. Si quid in contrarium aut directe aut indirecte factum fuerit, nullum atque irritum censetor, eorumque qui contraverint, & contravenire perstiterint, bona, urbes, arces, agros, cæteris invadere licitum & justum erit. Si denique beneficio juris quid his legibus adversum sit, præsertim illius, quo statuitur, generalem renunciationem locum non habere, nisi specialis præcesserit, singuli Fœderati renuncianto.

6. Hæ sunt illæ leges, quæ ut initium huic
Reipu-

Reipubl. fecere, ita hodie omnes accuratissime adhuc observantur, nisi quod in modo convocandorum Ordinum, quemadmodum post videbimus, celebrandisque eorum Comitibus, nonnihil sit mutatum. Cæterum in easdem leges non nisi post multas gravesque controversias est conventum. Obiciebant enim alii veteres, & adhuc nondum decisas controversias singularum quarundam, inter se ditiorum, quibus haud sopitis, stare fœderis concordiam non posse videbatur. Verum exceptum ab aliis est, earum rerum cognitionem in meliora & opportuna magis tempora rejici oportere. Non enim litigandum nunc singulis de jure, quod in alterum prætenderent, sed communem adversus hostem conjunctis animis litigandum de juris omnium ac libertatis conservatione.

7. Quæ cæteris potentiores ditioresque erant ditiores, tanto infirmiores pauperioresque se futuras causabantur, si infirmioribus pauperioribusque juvandis ex fœdere obstringerentur. At vero contra ab aliis exceptum est, non jam considerandum venire, quæ ditio potentia & opibus major sit, quæ inferior, sed quam par, nisi mutuo se auxilio completerentur, futura esset singularum fortuna. Itaque animadverterent Potentiores, non tam se adjuturas infirmiores, quam infirmioribus se esse necessario juvandas. Denique ad

animum suum revocarent, non tam imminui potentiam suam & opes in subsidium infirmiorum collatas, quam qualicumque etiam opera & fide infirmiorū augeri & confirmari.

8. Nāta jam erat Respublica & saluberrimæ pro ea leges institutæ; verum deerant idoneæ opes, quibus eam tueri adversus hostem potentissimum liceret. Tantæ enim ea tempestate angustia rerum inter Fœderatos fuere, ut earum monimentum in æreo numismate tum expresserint, in quo non expressa modò pavis erat jactata inter fluctus ac remis velisque destituta, sed & legebantur illa desperantium Ordinum verba: *Incertum quo facta ferent.* Itaque tandem communi consilio placuit omissâ illo fœdere constitutâ administrandæ Reipubl. ratione omnium harum ditionum dominium, & quale in eas priorum Principum fuerat Imperium, Galliarum Regi aut Reginae Angliæ offerre. Verum oblatum amplissimum munus ob rerum angustias iidem abnuere, quod nempe crederent, nunquam fieri posse, ut illæ ditiones feliciter sese contra Hispanos tuerentur. Sola Regina Angliæ in partem curarum tum venit, ac missis militaribus copiis, creditaque Fœderatis ingenti pecuniæ summâ, afflictissimas eorundem res sic satis sustentavit, pro eo beneficio munatissimis civitatibus, Brilâ Hollandiæ, & Flisingâ Zelandiæ, eidem oppignoratis.

CAP.

C A P. II.

*De Fœderatorum Ordinum Imperii ratione, de
supremo eorundem Senatu.*

Igitur eo fœdere percusso Legati Ordinum singularum ditionum indictis Comitibus in unum aliquoties convenère, quibus Ordinum Generalium Fœderati Belgii titulus factus est. In his militiæ summum Imperatorem Provinciarum ditionumque omnium Gubernatorem Guilielmum Nassovium Arausionensem Principem, & suæ libertatis primum quasi auspicem creavère; condideruntque pariter accuratissimas, quantum fieri poterat, leges, secundum quas res fœderis domi militiæque in posterum gererentur.

2. At quia nondum status & continuus erat eorundem Ordinum Conventus, & vel maxime requiri videbatur ordinarius quidam & assiduus Senatus, à quo decreta & consulta Ordinum Generalium executioni darentur, & ad quem oblata omnia negotia statim possent referri, in primis curæ quoque fuit ordinarium Senatum instituere, quem Senatum sive Consilium Status, vulgo **den Raedt van Staten** dixerunt.

3. Hujus muneris erat Leges à Generalibus Ordinibus præscriptas observare, observandas aliis indicere, commune Fœderatorum ærarium curare, stipendia persolvere, providere, ne quid res Fœderis caperent detriment;

menti, denique de gravioribus omnibus negotiis, de quibus nihil dum ab Ordinibus Generalibus esset decretum, ad quæ proinde expedienda major & ipsa Generalium Ordinum auctoritas requirebatur, ad Ordines singulorum ditionum referre, & urgente necessitate Generalium Ordinum conventum indicere ac flagitare, adeo ut horum Senatorum auctoritas, quo ad capita rerum, non libera fuerit aut absoluta, sed cohibita intra certas leges, certosque limites mandatorum. In minoribus levioribusque pro arbitrio consulebant, decernebantque.

Si tamen res quædam majores oblatae, nullam omnino moram paterentur, de his quoque Generalium Ordinum non consultâ auctoritate, ipsi decernebant.

4. Senatus ille Ordinarius constabat ex Gubernatore Supremo & singulis singularum Foederatarum ditionum legatis, quibus additi Thesaurarius, sive custos ærarii, & qui à secretis essent, Secretarii tres.

5. Ad eundem Senatum Anglorum Oratori etiam tum aditus patebat ex lege Foederis, in quo Regina Angliæ Elisabetha, non sine gravi ratione, id sibi erat stipulata: quippe judicabat, se in primis gnaram esse debere rerum interiorumque consiliorum ejus Reipublicæ, cui tantam pecuniæ summam credidisset, tantasque suppetias tulisset.

6, Porro

6. Porro Consilarii sive membra hujus Senatus in solemne hoc juramentum adigebantur, se in hujus muneris administratione non singulis ditionibus, à quibus essent legati, sed vero omnibus foederatis ditionibus pariter addictos fore. Inter alias leges etiam hæc imprimis tum præscripta eis fuit, ut nimirum singulis ternis mensibus, rationem rerum à se gestarum, consiliorum omnium ac consultationum, ut & accepti & expensi ad singularum ditionum Ordines transmittere tenerentur, quo sic singulis constaret, recte atque ex ordine omnia pro communi libertate, communibusque commodis administrari.

Sed neq; illud hic omiserim, nullam fixam sedem huic Senatus aut Conventui tum fuisse assignatam: Enimvero longe consultius visum est, ut locum subinde ille mutaret, & nunc in has, nunc in illas foederatas ditiones raptim se transferret pro oblatâ aliâ atque aliâ alibi necessitate.

7. At vero invidendis successibus crescente jam Repub. & aliis atque aliis ideo majoribus negotiis continuo se offerentibus, & quod in angustiiori quodam nomine ac confesso augenda & repræsentanda non vistantum, sed species etiam Majestatis hujus Reip. videretur: placuit tandem Supremum Statum, & fixum Conventum sive Senatum constituere, qui proprio nomine *Ordinum Generalium Foederati Belgii* diceretur.

8. Su-

8. Susplicari etiam haud sine gravi causa libet, promovendo huic instituto accessisse quoque hanc interiorē & observatione cum primis dignam rationem, quod nempe viderent Foederati Consilio isti Status de quo jam dictum est, interesse Anglorum Legatum, qui sic & in arcana hujus Reipublicæ inspiciebat penitus, & præsentia sua ac auctoritate impediēbat, quo minus quid pro conservanda libertate proferri vel decerni posset adversus Anglorum crescentem tum Auctoritatem. Consultius igitur visum est, Consilio Status in posterum relinquere gerendas res leviores, res verò majores omnes Senatui huic novo & Supremo permittere, qua ratione factum est, ut neque in Legato foedus cum Anglis initum violaretur, & magis provisum esset libertati.

9. Ordines dicuntur singularum ditionum Legati, Generales, quia in Supremo Confessu conjuncti, non tam curant res ad singulas ditiones, quam ad omnes foederatas simul pertinentes. Ob auctoritatem, qua pollent, & Majestatem, quam conjuncti repræsentant, titulus illis tribuitur solennis *Hoorhoghende*/ quasi dicas, altipotentes, cum singularium ditionum Ordines tantum *Edele Hoghende* / & Hollandiæ VVest-Frisiæque *Edele Groot-mogende*/ appellentur.

10. Ex quibus autem membris conflatum, & quomodo constitutum sit tanti illius Confessus

sessus corpus, ex sigillo etiam apertum est, quo ad confirmandas vires Imperii Ordines Generales semper utuntur. In eo quippe Leo præter fasciculum Septem telorum arctissimè colligatorum eminet ac spectatur. Tela designant armis & consiliis pro iis foeliciter gerendis, his unitis tuendam esse hujus Reipublicæ libertatem. Septem tela totidem ditiones; colligata, eas ditiones arctissimè foederatas in hoc Senatu per Legatos suos coire & conjungi, ac pro æternitate suarum rerum ea vota ac consilia communicare, ex quibus omnium nomine decreta conficiuntur.

II. Supremus igitur Ordinum Generalium Senatus est, qui ex singularum foederatarum ditionum legatis constitutus, in iis, quæ commune foedus spectant, militaris imprimis rei ordinaria administratione, foederum cum exteris initorum cura & observatione, excipiendis & audiendis exterorum Legatis, ut & Singularum Foederatorum desideriiis querelisque, quatenus hæc etiam commune foedus concernunt, aliisque omnibus agendis & decernendis, quæ vel legibus foederis definita, vel speciali concessione attributa iis sunt, summa pollet Imperii potestate. In aliis vero omnibus gravioribus extraordinariisque negotiis non tam liberrimum jubendi, quam pro libertate reperta deliberandi, consulendi, de iis ad singu-

singularum ditionum Ordines referendi; & ex horum vel conspirantibus omnium vel plurium transmissis decretis, decretum omnium fœderatorum nomine faciendi ac promulgandi habent auctoritatem.

12. Adeo, ut qui ad Supremum hunc Senatum legantur, vicem sustineant ac tueantur eorum Fœderatorum, à quibus Legati sunt, idque duntaxat in rebus, quæ ex initi fœderis formula, aut post subsecuta speciali concessione omnium Supremo huic Senatui attribuntur, adstrictaque sit prope omnis eorum auctoritas legibus vel Fœderis vel specialium mandatorum. Ius igitur iis est ordinandi res, quæ fœdere aut consensu illo, quem dixi, huic Senatui sunt permixtæ; ita ut quæcunque permixta illis nominatim non inveniuntur, in iis summum maneat jus penes Ordines singularum Fœderatarum ditionum.

13. Cæterum cum plerosque, exterorum inprimis, ita sentire videamus, ac si Ordinibus Fœderatorum Generalibus creditum datumque esset supremum omne Imperium in singularum ditionum Ordines & subditos: error iste ante omnia amovendus, & res omnis, quo propius illucescat, uno alterove veteris vel recentis alterius Reipubl. exemplo illustranda videtur.

14. Polybius gravissimi auctor iudicii tradit, sua ætate Græcis aliisque externis gentibus

bus creditum, Romæ fuisse summam Senatus potestatem, quod apud Senatum audirentur Legati, atque ab eo responsa acciperent.

Quare mirandum non est, si jam ab extraneis quibusdam creditur, Foederatarum Belgii ditionum Legatos, ex quibus Ordinum Generalium Conventus constituitur, summo jure præesse, quod in eo Conventu audiantur Legati responsaque accipiant; quodque nomine Ordinum Generalium maxime ad Reges, Principes, populosque exteros literæ perscribantur. Sed quemadmodum ostendit idem Polybius, non penes Senatum fuisse summam Imp. Rom. dignitatem: ita apud nos vere dicitur, Summum Imperium non esse penes illos ditionum Legatos, qui Generales Ordines dicuntur, sed penes uniuscujusque ditionis Ordines, qui ad opem mutuam arctissimo foedere connectuntur: Adeo quidem, ut in Generalium Ordinum potestate ea sint omnia, quæ ad communem spectant defensionem, manentibus rebus cæteris penes Ordines singulorum ditionum. Sic multi de Helvetiis credere, omnes sub uno Imperio contineri. Verum enim vero docent rerum gnari, cuique pago jus in se suum esse, sed ipsos pagos arcto inter se foedere devinciri. Atque hoc discrimen est unius regionis, quæ sub se multas partes complectitur, ut Gallia Normandiam, Britanniam, Armericam; Campaniam; aliasque pluri-

plurimarum Civitatum inter se foederatarum, ut apprimè necessarium ad dijudicandum uniuscujusque Civitatis ac Imperii statum, commendatur ab iis omnibus, qui de Republica scripserunt. Itaque exemplo hic etiam sint magnæ illæ Græciæ Urbes, ut Athenæ, Thebæ, Corinthus: iis singulis in se plenum erat Imperium, neque tamen eo minus adversus vim Persarum inter sese colligabantur, atque ad communia foederis negotia institutus erat Amphyctionum conventus.

15. Non est igitur initium à foederatis Belgarum ditionibus foedus, ut jura Imperii singulorum populorum confunderentur, sed ut illa inviolata, melius communi auxilio defenderentur. Suntque Ordines Generales tantum primores & antistites foederis, & Ordines singularum ditionum non illorum subditi, sed socii sunt, eoque nomine in iis, quas ad illos perscribunt, literis, semetipsos solent appellare. Est in Ordinibus Generalibus non suprema omnium, sed suprema tantum foederis potestas. Nam ab Ordinibus uniuscujusque ditionis leges conduntur, & edicta super omninegocio civili, inconsultis Ordinibus Generalibus. At contra, quæ leges ab Ordinibus Generalibus procedunt, ad ditionum singularum Ordines diriguntur. non jure Imperii, sed omnium rogatu ut eas sinant publicari. Neque illæ Ordinum Generalium leges vim habent

bent obligandi , nisi à singularum ditionum Ordinibus sint approbatæ.

16. Multi quidem in hac Republica exposuere aliquando longè utilius fore , firmioremque futuram hanc Rempublicam , si omnes fœderatæ ditiones unius supremi Magistratus aut Senatus summo in omnibus Imperio subessent. At vero aliter morum harum gentium gnaris fuit visum semper, qui de constituenda summa aliqua potestate sentiunt judicandum , non ex eo , quod perfectissimum optimumque simplex ratio suppeditat ; sed verò ex legibus singularibus , moribusque & ingeniis diversis singulorum populorum.

Atque ita docent prudentiæ auctores , non facile mutandas esse leges, præsertim, quæ de Imperio sunt , etiamsi in melius itura sit mutatio.

Nec obstat, quod ea ratione perfectior futura hæc Respublica videatur. Perfectum quippe in re qualibet intelligi debet , non nuda contemplatione, sed inspecto, quid materia ferat aut recuset. Iam verò constat, singulis fœderatis ditionibus sub singulorum olim & divisorum Dominorum imperio constitutis diversas esse leges ac consuetudines, quæ diversis singulorum ingeniis accommodatæ, si confunderentur, non perfectior aliqua Respublica, sed confusa quædam diversarum rerum & vix inter sese coëuntium moles tandem extaret.

17. Fa-



17. Fateor equidem in ejusmodi fœderata Republica, in qua præter commune fœdus cætera suum singulare imperium singulis ditionibus relictum est, facile extare posse plurimas dissensiones, quibus commune fœderis bonum sistatur ac conturbetur, aliis atque aliis alia atque alia continuo de fœderatis fœderatorumque communi bono sentientibus. At vero, si quæ inter ditiones controversiæ hic extiterint, plurimæ offerunt sese componendi omnia rationes, siue judiciis ordinariis, siue compromisso facto in ditiones, quas controversum negotium non tangit, aut in Præfectos quoque & Gubernatores, si ipsi partes non fecerunt, siue denique in exteros fœderatosque ut communes amicos & focios, quorum quam maxime interest, fœderatam hanc Rempubl. pacatam atque salvam esse,

18. Cæterum descriptionem quam dedimus hujus Senatus, propius nunc inspiciamus. Diximus vero ante omnia, ex singulorum ditionum Legatis eum esse constitutum. Ergo in eo septem Ordines sunt Legatorum pro numero septem ditionum, qui ut ante expositum est, in unum idemque fœdus observandum juravêre.

Legati illi sunt: Geldriæ, qui primo; Hollandiæ, qui secundo; Zelandiæ qui tertio; Trajecti, qui quarto; Frisiæ, qui quinto; Transisulanæ, qui sexto sententiam dicunt loco; Groningæ

BELGII PROVINCIAE. *Cap. II.* 23
ningæ denique qui septimo. His additur
Actuarius seu Secretarius.

19. Civitates Brabantiae, aliaeque vi armorum à foederatis subactae ditiones, superioribus annis identidem petivere, ut sibi quoque suisque Legatis in supremo eo Senatu sententiae dicendae jus esset: at inconsultum id cæteris visum quatuor potissimum ob rationes: 1. Quod vi multisque foederatorum impensis essent subactae, ac provinciarum proinde loco haberi deberent. 2. Quod non sufficerent eae conferendis tantis opibus ad communis foederis defensionem necessariis, quantas pro sua quævis proportionem ac facultate conferrent reliquæ foederatae ditiones. Jam autem & iniquum & inconsultum est, ut summi sententiam Imperii illi cum cæteris obtineant, à quibus eadem cum exteris ad communis causae praesidium non conferuntur. 3. Quod in hunc Senatum pluribus admissis, plures graviioresque sententiarum dissensiones metuerentur: constat quippe in iis publicis consiliis cum modico Senatorum numero pauciores etiam concurrere rarioresque dissensiones. 4. Denique quod pro Majestate Reipublicae multo constantius videretur, si apud eos solos maneret supremi Imperii potestas, ex quibus prima Reipublicae auspicia erant enata.

20. Gubernator supremus ditionum & militiae terrarum marique Imperator non habet
in hoc

in hoc Senatu sententiæ dicendæ locum: Consilia modo ejus pro Republica & desideria vel ab hoc Senatu plerunque expetuntur, vel ab eo sponte oblata, audiuntur, quæ subinde per hujus Senatus Præsidem, à quo ferè consulitur, subinde præsens ipse factâ in eam rem potestate, exponit.

21. Præsēs verò Supremi hujus Senatus non unus idemque semper est, sed singulis octiduis mutatur, ejusque personam constituunt vicibus recurrentibus nunc Geldriæ, nunc Hollandiæ, tandem etiam aliarum omnium foederatarum ditionum Legati.

22. Porro quod horum Legatorum cernit creationem, singularum ditionum Ordines è suo corpore suos sibi deligunt, & ad hunc Senatum amandant, quidam tres numero, alii duos, nonnulli etiam unum: plures tamen unius Ditionis Legati unum tantum hic suffragium pariter conficiunt. Non enim viritim hic suffragia, sed per ditiones, ut sic dixerim, nationesque colliguntur; adeò ut omnium ditionum, sive unum sive plures Legatos huc mittentium par atque eadem hic auctoritas, atque conditio sit, nisi quod Hollandiæ Zelandiæque Legatorum consiliis votisque à cæteris sponte plusculum quid hic tribuatur, quia oppidorum, hominumque numero & tributorum modo hæ duæ ditiones cæteras universas vel æquent, vel superent.

Mirum

Mirum igitur non est, aliquid eximium hic illis dari, sine quorum presentibus opibus ceteri consilia sua ac vota dare non possent effecta.

23. Stipendia illis à sua cuique ditione persolvuntur.

24. Muneris hujus dignitatem plerarumque ditionum Ordines suis credunt in triennium modo, alii in sexennium; pauci cum vita patiuntur terminari, quod id & tutius sit libertati, & quod magnis & continuis eorundem Imperiis parum sibi putant provisum, & quod hac ratione tantæ hujus dignitatis vices identidem ad plures possint redire.

25. Addidi, summam iis Imperii potestatem in illis tributam esse, quæ commune fecus spectant, militiam in primis: quo nihil significatur aliud, quam ad horum curam pertinere, ea omnia statuere ordinarie ac per omne Fœderatum Belgium indicere, quæ aut legibus fœderis sunt definita; aut ejusmodi sunt, quibus intermissis institutum fœderis ac destinatio neutiquam potest obtineri; sicut & consiliis edictisque cavere isthæc omnia ac interdicerere, quæ ad turbandas res fœderis sunt comparata; quæ fere in rebus & disciplina militaribus ac observatione fœderum cum exteris initorum, & tutandis qua terrâ qua mari finibus omnia versantur.

26. Cura ordinaria fœderis facit, ut ipsi Generales Ordines eligendi Supremi terrâ

B

mari-

marique Imperatoris , eumque in juramentum adigendi habeant potestatem : facit & illa , ut ad horum curam pertineat effectum dare , ut fœderatæ ditiones maneant & continentur in mutua consensione , & amicitia , tam quo ad fœdus , quam res alias. In eo tamen jus imperandi ipsis non est , sed sola cura atque inspectio iis permittitur , quæ hortando , consulendo , suadendo sine ullo Imperii majoris jure expeditur. Interveniunt enim non ut imperantes , sed ut amici consulentes. Constat autem curam ipsi posse mandari , cui nulum Imperium conceditur. Si quid adversus fœdus actum sit , convenire illi quidem possunt Ordines singularum ditionum , sed non singulos cives.

Nam ab omni ævo hæ Belgii ditiones jus & privilegium de non evocandis subditorum causis habuêre ; Subinde quidem urgente necessitate factum est , ut singulorum civium causas judicio suo Ordines Generales subjecerint , verum id factum est ex Ordinum singularum ditionum consensu , atque eâ lege , ne res ad consequentias impofterum perduceretur , aut exemplum fieret in fraudem legum summique Imperii ac libertatis , atque eum in finem , ut cautio conciperetur , quæ esset optima & actis infereretur.

27. In exteros peregre adventantes , aut res eorum , qui communitati Fœderatorum
ope-

operam ac ministerium addixerunt, ut milites similesque alios, sicut & subditos partium Brabantiae & Flandriae, quae Foederatorum ditionis sunt, Ordines Generales omnes actus summi Imperii exercent, quemadmodum ditionum singularum Ordines in suas nationes tam in condendis legibus, quam in exigendis tributis.

28. Cura ordinariae militiae facit, ut in Ordinum Generalium Sacramentum miles adigatur, ut ex horum numero & Senatu delecti aliquot militiae Imperatorem in expeditionem abeuntem semper sequantur, sine quorum consilio nihil majoris operis in militia exequi potest Imperator.

29. Praeterea addidi in ceteris foedere non definitis, aut consensione particulari non indultis, hos Ordines habere tantum consulendi auctoritatem. Quod ut intelligatur promptius, sciendum est, ad hunc Supremum Senatam & externos Legatos vel Gubernatorem ditionum, vel singularum Ditionum Ordines, vel etiam quoslibet privatos omnia deferre, quae ad curam Foederatorum Reipublicae pertinere arbitrantur. De iis quae sic ad se delata sunt, consultant inter se Legati, ex quibus Senatus hic constitutus est: Dein singuli ad suae ditionis Ordines relata & deliberata omnia perscribunt, si nempe majoris illa sint momenti, & super his postulant eorum sententiam, & de-

cretum. Decretis illis acceptis, singuli Legati singula decreta à suis accepta in hoc Senatu promunt, ex quibus tandem omnium Fœderatorum nómine decretum unum conficitur, prævalente plurium assentientium consensu, exceptiis iis rebus, quæ tributa, aut insignem aliquam Reipublicæ mutationem spectant, in quibus unanimis omniumque consensus desideratur.

30. Socius huic Supremo Senatui additus est alius illo inferior, qui vulgo **den Haet van Staten**/ quasi consilium Status Fœderatorum Ordinum dixeris, appellatur: Constituitur ille ex talibus Legatis, ex quibus supremus, nisi quod in hoc perpetuum Præsidem agat, & sententiæ dicundæ jus habeat Supremus militiæ Imperator.

31. Ad hunc Ordinaria & extraordinaria omnia minora negotia, quæ commune fœdus & militiam spectant, referuntur, postquam ordinaria & extraordinaria majora ejus ingenii negotia cum Republica ita crevissent, ut omnibus expediendis par non esset Supremus Senatus, qui hujus instituti causa fuit. In hoc Consilium Status admitti quoque solent illi, qui Supremo Militiæ Imperatori Successores destinati sunt, quo sic in tempore assuescant, Reipublicæ curandisque Imperii rebus; sicuti hodie Principis Arausionensis filio, licet admodum adolēscēti, aditus huc factus est.

CAP.

C A P. III.

De cura rei maritimæ & supremis archithalassicis conciliis, ejus tuendæ causa à Fœderatorum Communitate institutis.

CVM iis rebus maxime conservetur Imperium, quibus partum est, maxima certe circa res maritimas cura esse debet penes Fœderatas nationes, quæ maris beneficio non modo opes omnes suas sibi peperere, sed veluti dato quodam à natura ipsa invicto præsidio adversus communem hostem sunt tutiores.

2. Vis quæ in maritimo Imperio conservando impenditur, versatur in idoneo armatarum navium numero, quarum aliæ publicæ sunt, aliæ privatorum.

Publicæ, quæ impensis publicis; Privatæ quæ auspiciis quidem publicis, sed privatorum tamen hominum impensis instruuntur atque adornantur. Nam statim ab initio hujus Reipublicæ consultissimum existimatum est, præter maritimam vim publicam, privatos etiam propositis præmiis publicis ad eam curam invitare, plurimiq; ei se dedere, partim ob spem prædæ amplissimæ, partim etiam ut propositis præmiis fruerentur, quæ majora vel minora sunt, prout ab iis hostium naves plurium aut pauciorum vehium (vulgo *lasten* vocant:) capiuntur, hi *Oxybupteræ* dicuntur.

3. Navium publicarum usus est in ultro citroq; mercatorum navigantium navibus adversus vim tuendis (quod vulgo **conboeren**/vocant,quasi comitari dixeris.) Præterea in ultro citroque navigando mari proximo, eoque adversus Flandrorum irruptiones tutiori reddendo, quod vulgo **Czupssen**/quasi dicas discurrere,vocant.Deniq; in obstruendo omni maritimo aditu, per quem hostes aliàs facile possunt erumpere, quod vulgo **wachten**/quasi dicas in statione esse,vocant.

4. Privatorum naves vel in bellicis hostium in proximo hoc mari persequendis, vel in capiendis diripiendisq; ditibus Hispanorum navibus ad Indiam imprimis Occidentalem occupantur.

5. Omnibus his maximo Imperio præest Archithalassus, vulgo **Admirael Generael**/ qui Supremus Foederatarum ditionum Gubernator aut Imperator est: neque tamen ille præsentem se sistit in maritimis expeditionibus, cum ejus præsentia res domi ac terrâ administrandæ haud possint carere: Itaque vices ejus hic explet Vicarius Supremus, qui vulgo **Luptenant Admirael**/ appellatur.

6. Cum vero Ordinum Generalium sit, eâdem cura invigilare maritimis rebus, quâ militiæ; quæ terrâ administratur, neque tamen omnibus his curis unus Senatus sufficiat
& ma-

& maritimæ rei Curatores in portibus potius, quam alibi muneris sedem habere debeant, ab iis electi sunt quidem alii, qui totius fœderatæ Communitatis nomine res maritimas tractarent. Constituunt autem illi non unum, sed diversa consilia in tribus potissimum maritimis ditionibus, Hollandia, Zelandia, Frisiaque. In Hollandia tria sunt, Amstelodamense, Roterodamense, & Hornanum; quod postremum aliquando Enchusam Borealis itidem Hollandiæ oppidum transferitur. Unum in Zelandia, Mittelburgense; unum etiam in Frisia, Doccumense, nunc Harlingam translatum.

7. Constant singula hæc Consilia ex septem Senatoribus: Hollandica ex quatuor Hollandis, & tribus aliis, Zelandica ex quatuor Zelandis, Frisica ex quatuor Frisiis, identidemque aliis tribus; qui è singularum ditionum membris electi, mox istarum Ordinibus accepti, ab Ordinibus generalibus delegantur & Sacramento adiguntur. His additur Secretarius unus, & itidem unus Fisco maritimo Præfectus.

8. Caput & Præses horum omnium Conciliorum est Supremus Gubernator, tanquam Supremus Archithalassus, cujus personam si absit, tueri potest Archithalassus vicarius.

9. Bis quotannis olim, nunc quoties res postulat, ex singulis his conciliis missi Legati

Hagæ Comitis conveniunt, ibique cum Ordinibus Generalibus & Gubernatore deliberant de maris & commerciorum præstanda securitate.

10. *Ærarium* illis proprium & suum est quod vulgo *nauticum* appellatur, cujus opes constant ex ære, quod pro tutela navium suarum ac mercium pendunt externi aut domestici mercatores, etiam ex his portoriis, quæ investarum & evectarum mercium nomine in portubus singulis persolvuntur, vulgo **Conboy-gelden** appellantur. In hoc ærarium etiam deferitur omnis illa pecuniæ vis, quæ pro mercibus in agrum hostilem aVectis persolvitur, vulgo **Licenten**/quasi licentiam dicas, vocant.

11. Verum accepti & expensi rationes horum conciliorum Legati Ordinum Generalium Commissariis singulis ternis mensibus reddere tenentur.

12. Capitaneos quos vocant seu Præfectos navium nominandi iidem habent potestatem, manente penes Archithalassum vi eligendi.

13. Cura & auctoritas horum in eo generatim versatur, ut tutæ sint adversus vim omnem hostilem navigationes, ut quivis jure liberi maris utatur, ut classes & naves bellicæ suo tempore & loco paratæ sint, omnibusque necessariis præsidiis instructæ, eas destinare in illa loca, in quibus navigantibus
maxime

maxime possint esse usui. Denique controversias omnes maritimæ rei causa inter nautas, socios navales, mercatoresque exortas cognoscere & decidere, à sententia autem ab his probata appellationi non est locus, si summa rei, de qua quid controversum est, florenos 600. non excefferit: si excefferit, revisioni datur & permittitur locus.

14. Hoc etiam singulatim in horum conciliorum judiciis ac tribunali observandum est, quod non permittantur longa litis sufflaminia, quemadmodum in aliis dicasteriis & Curiis judicialibus; Sola enim secunda replicatio quam vulgo duplicam vocant, litigantibus partibus est permissa: Neque id sine gravi ratione: Cum mare frequentantium ventisque commodis utentium intersit controversias suas non trahi aut proferri, sed quam fieri potest, celerrime expediri.

15. Nullæ naves privatorum, de quibus dictum est, sine horum impetrato consensu expressisque mandatis, mare aut hostem tentant. Sin contra evenerit, in Præfectos aut Piratas animadvertitur; imo harum navium Præfecti datis idoneis fidejussoribus in his conciliis cavere debent, nullis civibus aut amicorum populorum subditis damnum seculaturos.

16. Denique horum muneris est efficere, ut in illata omni maritima præda jure suo sibi que debitis Communitas Fœderatorum

fruat. Debetur autem huic quinta pars
 • omnis prædæ, decima pars Archithalasso,
 quod superest, in mercatores, qui suis expensis
 naves instruxere, navium Præfectos ac Clas-
 siarios ipsos distribuitur.

C A P. IV.

*De supremo Gubernatore & militia Imperatore
 Fœderatarum Belgii ditionum.*

CUm iterum iterumque redierit nobis
 Supremi Gubernatoris aut Imperatoris
 mentio, ut de eo quæ memoratu sunt dignio-
 ra dicamus, restat.

2. Est autem huic Præfecto duplex nomen
 vel titulus, pro duplici quâ utitur, militari aut
 togata, auctoritate. Dicitur quippe Supremus
 Gubernator, vulgo **Gouverneur Gene-
 rael** / respectu eorum, quæ domi ipsi in sin-
 gularum Fœderatarum ditionum rebus per-
 missa sunt & attributa. Dicitur itidem Impe-
 rator Supremus, vulgo **Capiteyn Gene-
 rael bande Vereenichde Nederlanden** /
 intuitu Majestatis, quâ militiæ pollet.

3. Hujus tam illustris præfecturæ dignitas
 in Illustrissimam Nassoviorum familiam in
 hunc usque diem ab Ordinibus est collata,
 primo Guilielmo, deinde Mauritio, nunc quo-
 que Friderico Henrico eo honore fungenti-
 bus, nisi quod inter Guilielmi & Mauriti Præ-
 fecturam intercefferit Robertus Dudleus An-
 glus,

glus, Lycestrix Comes, quod tum & adolescens admodum Mauritius esset & Anglorum Regina Elisabetha ingentes suppetias tulisset Fœderatis, ea lege, ut Anglorum aliquis summâ Præfecturâ ornaretur. Cæterum in familia Nassovica manere placuit, quod & illi libertatis suæ initia Respublica deberet, quod neque usui etiam in liberis Rebus publicis crebræ istiusmodi mutationes, & pro libertate repertis legibus astrictâ Præfectorum auctoritate, libertati satis provisum videretur.

4. Interim Guilielmo Nassovio summa quædam & exquisitissima, majorque quam cæteris successoribus auctoritas fuit, & quod ejus auspiciis enata esset hæc Respublica, & quod Conventus, res & consilia Ordinum turbata fuerint, nec adhuc satis constituta, deniq; quod illorum turbatissimorum temporum res imprimis requirerent unius eximiam auctoritatem. Imo Guilielmum tanti tum temporis Ordines fecêre, ut non Præfecturam modo, sed Dominium quoque harum ditionum offerendum ei judicaverint, quod tamen ipse munus prudenter repudiavit, cognito haud dubie Fœderatorum populorū ingenio, quos ad obsequia & gravia tributorum præstanda onera promptiores sub Supremo Ordinum, quam unius Comitis Imperio, in quo minus plerumq; est libertatis, futuros non ignorabat.

5. Verum qualis hodie ea potestas sit, nunc videamus. Remotiores Indorum nationes ac Reguli in literis, fœderibusque cum his Regionibus iniris, summam Præfecto huic & liberrimam auctoritatem, absolutumque in omnia dominium adscribunt, hujus Imperii penitus ignari: Formulas tamen illas Ordinibus non repudiantibus, quod illæ gentes summo unius Imperio uti assuetæ, nullas Respublicas æstiment, nisi in quibus penes unum est vis Majestatis.

6. Ergo quia Præfectus hic Militiæ Imperator est, in ejus Sacramentum miles omnis adigitur, non tamen solius, cum ipsa Iuramenti formula Fœderatorum Ordinum disertam præmittat mentionem. Neque tamen illi auctoritas est pro libitu vel novum militem conscribendi, vel eum, qui conscriptus est, exauctorandi. Conscribendorum & exauctorandorum militum penes solos Ordines Fœderatos liberrima manet potestas, agnito quidem Imperatoris consilio, sed non agnita ejus auctoritate.

7. Neque etiam huic Imperatori est distribuendorum militarium stipendiorum potestas, ejus rei omnimoda curatione penes Ordines manente.

8. Interim Gubernatores limitanearum Urbium constituendi, Centuriones, Tribunos, aliosque militiæ Duces creandi, ac reliquos castrenses honores conferendi hac lege
habet

habet potestatem, ut ex iis modo quos plures numero Ordines denominavere, eligat, quos functioni idoneos maxime arbitratur: Adeo ut potestas hæc eligendi plerumque constricta sit intra cancellos factæ ab Ordinibus denominationis. Dixi plerumque, quia nonnullæ dignitates militares sunt, quas illi pro arbitrio distribuere concessum est, nulla præcedente Ordinum denominatione. At illud inprimis magnificum est, quod ubi in castris agit, & in ipsa expeditione est, hic Imperator omnes tunc temporis vacuas factas militares dignitates, in quoscunque vult, conferendi liberrimam habeat & absolutissimam auctoritatem.

9. Cæterum suscipere expeditionem, castra movere, Urbes hostiles obsidere, vel in agrum hostilem irrumpere, aut tale quid majoris operis moliri, sine expresso Fœderatorum Ordinum consensu ei non licet. Qui consensus quomodo impetretur, clam interim manentibus in hostem destinationibus, nunc videndum est.

Quoties consultum judicat Imperator tale quid adversus hostem agendum suscipere, ingreditur Supremum Fœderatorum Ordinum Senatum, ac in eo destinationes suas generatim exponit, easque utiles & necessarias Reipublicæ generalibus etiam rationibus commendat, petitque Ordinum assensum, addito pariter, quantæ impensæ in futuram

turam expeditionem faciendæ sint, quo ejus etiam rei in deliberando Ordines possint habere rationes.

Eo facto duos tresve ex toto illo Fœderatorum Ordinum corpore dari sibi Imperator postulat, quibus speciatim omnis expeditionis interius & particularius consilium exponit; ii cognito eo, ad Fœderatos Ordines iterum referunt cognita sibi & ex Imperatore audita utilissima Reipublicæ fore; testis interim particularibus in hostem consiliis, quæ interest, non cum adeo multis communicare. Si isthæc omnia probent Ordines & admittant, parat se expeditioni Imperator, manente penes Ordines curâ necessariorum illorum mediorum, sine quibus perfici expeditio non potest.

10. Porro abeunti in expeditionem Imperatori comites adduntur tres quatuorve, aliquando plures ex Fœderatorum Ordinum Senatu, qui & in castris referant Reipublicæ Majestatem, & in arduis negotiis à Consiliis sint Imperatori, atque in iis in quibus id necesse est, decretis Imperatori concilient auctoritatem. Interim cogere militarem Senatum ex castrensibus Ducibus constantem, ibiq; in mediū consulere, & leges condere militares, quæ faciant ad meliorem castrorum & expeditionis disciplinam in Imperatoris arbitrio est.

11. Stipendium militare Supremi Præfecti,

Et, qua belli Imperator est, constat . . . mil-
 libus in menses singulos. Præterea cum in ex-
 peditione est, & castris, in quibus plurimæ ei
 tolerandæ sunt impensæ, honorarii loco cu-
 jusvis expeditionis majoris nomine in eum
 florenorum . . . millia conferuntur.

12. Sed & præter stipendium illud, ingens
 pecuniæ vis, quæ . . . plerumque excedit, ei-
 dem Imperatori traditur, quo eâ utatur, ad
 clam consilia hostium per hos aut illos explo-
 ratores, quorum ministerium expedit esse ar-
 canum, penitus cognoscenda & indaganda;
 neque proinde tenetur Imperator expensæ il-
 lius pecuniæ Fœderatis Ordinibus reddere
 rationem.

13. Qui idem etiam Fœderatarum Dition-
 um Gubernator curat ut Ordinum singularū
 Ditionum, ut & Generalium decreta atque
 jussa mandentur executioni, ac insuper ea om-
 nia administrat, quæ ei ut Gubernatori sunt
 attributa, quæ mox propius prosequemur.

14. Non tamen omnium Fœderatarum
 Ditionum unus & idem est Gubernator. Nam
 sub initium hujus Reipublicæ Supremi mili-
 tiæ Imperatores Præfecturam modo habue-
 runt ditionum Hollandiæ, Zelandiæque;
 aliarum ditionum aliis Gubernatoribus con-
 stitutis. Hodie penes militiæ Imperatorem
 sex ditionum præfectura est. Frisia enim
 suum & singularem agnoscit Gubernatorem,
 qui

qui hodieque Nassovii etiam sanguinis est.

Quemadmodum enim omnes Foederati Ordines agnoscere coguntur unum & eundem Militiæ Imperatorem, ita & in agnoscendo domi eodem Gubernatore necessarium non est, cum uniuscujusque ditionis disciplina non tam ad bonum communis foederis quam uniuscujusque singularis ditionis sit comparata.

15. Iuramentum in quod adigitur Gubernator, mentionem habet obsequii deferendi & Ordinibus Generalibus & Ordinibus singularum ditionum, quarum constituitur Gubernator, quibus omnibus parere ex amussi tenetur.

16. Neque in omnibus ditionibus, quarum delectus est Gubernator, eadem pollet auctoritate. Nam quædam ditiones plusculum, quædam minus Gubernatori permisere.

17. Auctoritas autem ejus generatim & nomine officii & nomine bonorum, quæ in hac aut illa ditione possidet, quorumque titulo jus aliquod majus & excellentius habet, venit expendenda.

18. Primo igitur competit ei officii nomine jus indulgentiæ criminum, sive potestas ignoscendi, quod vulgo *het recht van Pardonneren* vocant.

19. Præterea in omnibus prope Præfecturæ suæ Ditionibus potestatem habet conferenda-

rendarum majorum omnium dignitatum in aliquos ex iis, quos Ordines singularum ditionum denominavêre. Constat autem denominatio illa triplici numero, ex quo unum deligit Gubernator.

20. Quotquot ex nobilitate vocandi sunt ad constituendum equestrem Ordinem, qui primas partes facit in plurimarum ditionum Ordinum Conventu; ab eodem Gubernatore qui in Hollandia Equestris Ordinis princeps est cooptantur.

21. Neque minus illud est æstimandum, quod per Hollandiam omnem & Zelandiam inprimis, omnibus prope in civitatibus jus habeat quotannis statò tempore mutandi dimidiatam partem Urbani Magistratus. Nam Magistratus Urbanus duplicem numerum quotannis eorum repræsentat, qui in eorum locum suffici debeant, quorum per leges munus terminatur. Ex duplici illo numero denominatorum simplicem pro arbitrio suo deligit Gubernator.

22. Est idem Supremus Præses & caput Judicialium Curarium, sive ut vulgo loquuntur, *Het Hoofst vande Justitie* / adeo ut nomen ejus ac tituli in omnibus judicialibus mandatis ac decretis præmittantur.

23. Competit eidem etiam suprema saltuum præfectura, vulgo *den opper Houtvester* vocant.

24. Aca-

24. Academiae item Supremus est Curator, neque sine ejus arbitrio aut assensu novae in ea leges conduntur.

25. Ius illi est mittendorum ad externos Legatorum, sed in propriis tantum ac suis causis. Nihilominus jus est illi singulatim privatimque audiendorum Legatorum, qui ad Foederatos Reipublicae causam sunt destinati.

26. In Comitibus Ordinum vel Generalium vel Particularium nullam nisi consulendi habet auctoritatem, quare & receptum nunc moribus est, ut Ordinum, qui Hagae agunt, Syndici, Praesidesque quotidie ante horam Conventui indictam, conveniant Gubernatorem, ejusque sententiam perrogent, de iis, quae ventura sunt in deliberationem.

27. Est idem arbiter publicarum privatarumque controversiarum, quae vel inter singularum ditionum totos Ordines, vel inter Ordinum membra, vel inter Ordines & quosdam subditorum graves exoriuntur; quod & legibus foederis Ultrajectini sic satis est definitum.

28. Ratione bonorum, quae in possessione Gubernatoris sunt, major quaedam vis nonnullis in ditionibus ei competit; si Brabantia, Artesia & Hannonia foederatorum essent ditiones, in earum ditionum Conventibus, illius, qui hodie Foederatarum ditionum Gubernator

bernator est, præcipuæ essent partes, adeo, ut pleræque civitates in hujus peculio sint. At fisco Hispanico in eas nunc factus est locis, paucis exceptis, quæ in Brabantia sub Fœderatorum Imperio sunt.

29. In Hollandia aliquot etiam Gubernator nunc possidet Civitates, ut Leerdamum, Iselsteinium, Gertrudisbergam, aliasque: verum quia illis civitatibus nunquam jus fuit mittendi Legatos ad Ordinum Hollandiæ Comitiam, earum nomine in iisdem Comitibus nullam voti, aut suffragii ferendi habet potestatem.

30. At in Zelandia, quæ post Hollandiam potentissima est omnium fœderatarum ditiorum, res ac vis ejus longe aliter est comparata. Nam cum Zelandiæ Ordinum Comitiam absolvantur septem suffragiis, unum Gubernator, quia caput ibi est nobilitatis, totumque Equestrem Ordinem, reliquâ omni nobilitate exclusâ, solus vel ipse, vel per Legatum repræsentat, ipse fert; nec levis ipsius auctoritas circa duo alia, quia Marchio est Veriæ primariæ illic civitatis; & Vlissingæ, quæ civitas non minoris potentiæ est ac dignitatis: Duabus enim his Civitatibus jus est ad Comitiam Zelandiæ Ordinum destinandi Legatos. Igitur maximam circa suffragia in adeo potentis ditionis Comitibus Supremis Gubernator, qui nunc est, vim habet.

CAP.

CAP. V.

De opibus, quibus Fœderatorum Belgarum res sustentantur.

R Estat igitur nunc, ut de præcipuo hujus Imperii nervo, opibus nimirum dicamus. Illæ enim diversis in proventibus consistunt, exque iis colliguntur.

2. Primo in Canone, quem quotannis præstant pro communis causæ defensione singulæ ditiones fœderatæ, Quotam vulgo vocant. Statutum quidem erat Trajectino fœdere, cujus leges capite primo persequuti sumus, ut in omnibus ac singulis fœderatis ditionibus eadem tributorum ac vectigalium ratio iniretur: at vero experiundo cognitum est, rem eam factu inprimis difficilem atque etiam iniquam esse. Cum enim E. G. in Hollandia, quam in Geldria multo fœcundior sit ager, plusque ex eo Dominus aut Colonus reportet, iniquum visum est, ob totidem agri Geldrici jugera tantum quotannis conferre, quantum ob totidem agri Hollandici fœcundioris jugera persolvitur ac præstatur. Atque eam diversitatem aliis quoque in rebus observare fuit. Proinde æquius multo, utiliusque visum est, communi consensu singulis ditionibus indicere annum Canonem, majorem minoremve, prout majores minoresve singularum ditionum opes deprehenderentur, & prout
alia

alia atque alia necessitas Reipublicæ flagigaret. Ita V. G. ubi in commune singulis fœderatis ditionibus conferenda sunt centum florenorum millia ; Sola Hollandiæ ditio confert quinquaginta & octo florenorum millia , quoniam ea omnium est opulentissima. Zelandia novem & Frisia undecim florenorum millia, quoniam ad Hollandiæ opes illæ propius quam cæteræ ditiones accedunt, à quibus vilius aliquid minusve confertur. Canone isto semel præscripto, integrum est uniuscujusque ditionis Ordinibus pro arbitrio , & prout maxime ditioni suæ convenire existimant , inire rationem , quâ per tributa aut vectigalia , aut alios aliquos modos ex privatorum fortunis tantum æris colligatur , quantum sufficit ad annum Canonem persolvendum. Hæc est ipsissima ratio , ob quam tributorum ac publicorum onerum in singulis Fœderatorum provinciis tantam hodieque est observare diversitatem. Porro Canon ille non tam confertur in ærarium commune Fœderatorum , quam per assignationem, ut vulgo loquuntur, à singularum ditionum Ordinibus in eos distribuitur , quibus debet Respublica Fœderatorum ; Vtili sane instituto , cum pecunia omnis tanto magis decreseat , quanto sæpius aliorum atque aliorum quæstorum manus mutare necesse habet.

2. Secundo in Licentiis, sic enim vocant,
sive

sive in eo vectigali quod penditur mercium nomine, quæ in agrum Belgii Hispanici hostilem ex his ditionibus terra aut mari importantur. Consultum enim ab initio hujus Imperii visum est, ut id liceret, unde vectigal illud *Licenta*, quasi licitum dixeris, vocatur, idque ob ingentem pecuniæ vim, quæ hoc nomine refertur, dispositis in eam rem in portubus & civitatibus omnibus limitaneis Foederatorum singularibus publicanis, *Licentmeesters* / ac *Cherchers* vulgo appellantur, qui excussis ejusmodi mercibus eorum nomine tantum exigunt, quantum legibus publicis est definitum. Ne tamen ea res noxæ sit securitati, ac promovendis Foederatorum rebus, lege cautum est, indictâ capitis poenâ, ne quis arma aut alia, quæ eò ullatenus spectant aut faciunt, evehat in agrum hostilem. Moribus etiam receptum est, subinde licentiam illam in aliis quoque mercibus evehendis tollere, sive claudere, ut vulgo loquuntur : quoties nempe ex re Foederatorum est, augendi inter hostes pretium annonæ & venalium omnium necessariorum rerum caritatem intendi atque augeri. Ita admodum profunt, neque ullâ ratione noxia sunt commercia, quæ cum hostibus sic instituunt atque exercent Foederati.

4. Terriò in eo tributo, quod literarum Salvi Conductus, vulgo *Passpoorten* / nomine à Foederatis obtentatum illi persolvunt,

vunt, qui privatarum rerum causâ ex ditionibus atque urbibus Belgii Hispanici ad aliquod temporis spatium conferre se volunt in ditiones Fœderatorum. Hac ratione etiam magna pecuniæ vis colligitur pro quibuslibet ejusmodi literis, ab unoquoque Florenis triginta præterpropter solutis. Interim ne illa libertas hostibus concessa officiat securitati Reipublicæ, raro ea iis conceditur, qui militaribus aut togatis inter hostes dignitatibus utuntur: aliis vero omnibus conceditur, quæ sex mensium spatio definita atque coarctata est.

5. Quartò in contributionibus, quas vocant. Sunt autem hæ nihil aliud, quam annui Canones, quos pagi singuli, qui inter limitaneas hostium ac Fœderatorum Civitates medii ac cujusvis parti patentes positi sunt, solvere tenentur, quo eo nomine ab omnibus hostilibus injuriis agant ac sint immunes. Tantum autem pendunt Fœderatis, quantum ab iis exigit Rex Hispaniarum, & Belgii Hispanici Dominus. Recipiendi hujus canonis causâ in celebrioribus limitaneis Fœderatorum Civitatibus Quæstores singuli ac æraria sunt instituta.

6. Quintò in tributis, quæ in limitaneis Civitatibus Brabantiae & Flandriae sub ditionem Fœderatorum redactis, vini, cerevisiæ, salis, ædium denique ac fundorum singulorum nomine penduntur.

Sextò

Sexto in præda militari ab hostibus accepta, cujus portionem Reipublicæ Fœderatæ cedere supra diximus.

Septimo in auxiliari ære ; Auxiliare autem æs vocamus, quod Principes fœderati, Galli inprimis & Angli, quoties bello cum Hispanis illigati sunt, conferre in Fœderatorum ærarium ex legibus Fœderum consueverunt, ea conditione, ut eo ad conducendum majorem militum numerum Fœderati Ordines utantur. Ita enim & recte judicant illi Reges, quo majoribus viribus à Fœderatis Belgis Hispanorum res premuntur, eo adversus Hispanos sic distractos & distentos, faciliorem felicioremque sibi esse belli administrationem.

Ità Galli suo ære hodieque in Fœderato Belgio alunt quatuor peditum millia, equitum etiam 200. Serenissima etiam Venetorum Respublica ex inito fœdere anno hujus seculi vicesimo secundo Reipublicæ huic, quamdiu bello Hispanico ea est illigata, in menses singulos debet quinquaginta millia florenorum. Anglorum ejusmodi subsidia hodie nulla sunt, utpote pacatis inter eos & Hispanos nunc rebus.

7. Octavo in ære fœnebri ; Æs autem fœnebre nobis dicitur pecunia à privatis volentibus credita Reipublicæ, ea lege ut iis volentibus fors cum usuris reddatur. Usuræ autem, quas hoc nomine persolvit Respublica,

blica sunt floreni centum annui pro annuo usu sortis bis mille Florenorum.

8. Opibus his, exceptis iis, quæ ex Canone singularum ditionum resultant, recipiendis, asservandis, & ex decreto Fœderatorum Ordinum distribuendis, præpositus est singularis Senatus, qui Cameræ Rationum Generalium habet cognomentum. Constat autem Senatus ille ex singularum ditionum singulis Legatis.

C A P. VI.

De præcipuis munimentis, quibus domi aut foris Fœderatorum Respublica sustentatur.

MUnimenta præcipua hujus Reipublicæ domi quidem in situ locorum & beneficiis naturæ, in munitis Civitatibus, tanquam claustris Imperii, ac denique in militia; foris vero in fœderibus cum externis aut remotis, aut vicinis Regibus, aut populis, percussis posita sunt. De domesticis præsidiis nunc ante omnia dicendum est.

2. Situs ad tutelā adversus belli vim & exercenda commercia pro acquirendis opibus, inprimis comparatus est, maris ac amplissimorum fluminum circumfluentium beneficio, unde pene in proverbium abiit: ut tutandis Fœderatis Belgis natum est mare, ita tutando & possidendo mari natos esse Belgas Fœderatos. Quare quo in eo rerū potiantur,

C

quid-

quidvis iidem impendunt : Intelligentes verissimum esse illud Oraculum, quod sub initium Reipublicæ sœ in nummis publicis expresserunt: Imperator maris est terræ Dominus.

Hispani sub initium horum bellorum non satis animadvertisse videntur, erepto & clauso veluti foederatis mari, omnem eorum rem è vestigio pessum ituram. Hodie autem facti cautiores & experimentis edocti, vim præcipuam ad impediendas turbandasque Batavorum navigationes & negotiationes convertere videntur, non minus pro iis tutandis sollicitis Foederatis. Præter mare hujus Imperii ditiones nobilissimi amnes, Mosæ, Rhenus & Isala prope faciunt inaccessas, quo & confert plurimum Lex, quæ in Foederato Belgio accuratissime observatur, quâ placet, ut jus ac beneficium redimendorum captivorum non habeat locum in iis hostibus, qui in fluminibus illis publicis interioribusque eorum fluentis capiuntur. Enimvero in tales capitali supplicio è vestigio animadvertitur, & eo quidem injecto metu fit, ut flumina illa hostilibus excursionibus minus infestentur.

3. Munitæ Civitates positæ sunt in limite hujus Imperii, non in Brabantia modo, Flandria, Geldriaque & Frisia : sed in ipso etiam Germanici Imperii fundo, ut Rheno-berga, Vefalia, aliæque quæ in Cliviam ac
supra-

superiorem Rhenum excurrunt Fœderatorum arces ac civitates. Id autem quo minus mirum videatur, & ut quisque intelligat, amicitiam, quæ Reipublicæ Fœderatæ intercedit cum Cæsare & Principibus Germanici Imperii, sic non esse violatam, occasio ejus rei ac rationes paulo propius sunt aperiendæ.

4. Exorto igitur inter Hispanos & Fœderatos Belgas bello, plurimas Imperii, Clivensis Ducis, Electorisque Colonienfis civitates vi armorum aut occupatione sub ditionem suam redegerunt Fœderati, quin & in limitaneo earundem ditionum agro castella plurima, aliaque militiæ opera exstruxerunt. Itaque inter Imperatorem, Clivensem & Colonensem Principes, ipsosque Ordines Fœderatos multis & acerrimis disputationibus litigatum est: an id liceret aut æquum esset. Illi, quorum Civitates vel agri erant occupati contendebant, 1. Amicos sese esse Fœderatis Belgis, itaque hostilia sibi aut agro suo inferri non oportere, inter certamina Hispanorum ac Belgarum sibi saltem beneficium Neutralitatis, quod vocant, deberi. 2. Nemini esse, si æquus sit & bonus, invadere dominium rei alienæ; vacua tantum fieri occupantium. 3. Ex urbibus suis occupatis, suoque in agro exstructis arcibus merito se securitati suæ ac libertati metuere. 4. Hispanos quidem priores,

sed nullo jure id tentasse, ac proinde haud esse Fœderatorum, iniquissimum Hispanorum institutum imitari.

Contra vero Ordines Fœderati pro causa sua acriter contendebant; 1. Amicos se vicinos illos libenter agnoscere, sed nec amicitiam lædi, ubi à vicinis innoxium beneficium petitur & reportatur, arcibusque exstructis, occupatisque civitatibus nihil propositum sibi, nisi propriam securitatẽ, ab omni noxa in vicinos fuisse & futuros alienos. 2. Agnoscere se quidem Neutralitatis beneficio uti has Civitates oportere, sed aspectu hostium Hispanorum, qui eas aut priores invaserint, aut invadere constituent, easdem Civitates ut hostiles invadere sese atque occupare. 3. Non invadi à se dominium rei alienæ, omnia integra manere Dominis, Imperium, privilegium, jurisdictionem, & si quid ejus generis est; Præsidio tantum suo militari in iis Civitatibus se facere locum, & facere debere, cum adversus Hispanorum irruptiones, cum præsentissimo periculo Fœderatorum eas idoneis & suis præsidiis earum domini tueri vel non possint, vel non velint. Itaque non tam eripi eas Civitates Dominis, quam jure belli occupantibus aut occupaturis Hispanis.

5. Sed & juris pro se facere auctoritatem non vane contendebant. Quemadmodum enim in jure privato Romanorum Legis Aquiliæ

Aquilaæ actio cessat; dum quis arcendi ab ædibus suis incendii causâ ædes vicinas flammâ correptas destruit; ob justum nimirum metum, ne suas quoque ædes ignis invadat: ita multo majori jure in publica gentium ac Principum causa possunt illi, cum à potente hoste per latus alienum expectant præsentissimum discrimen vicinorum Principum vel Impotentium, vel merito suspectorum Vrbes arcesque invadere, suisque eas præsiidiis firmare.

6. Igitur frustra alia & contraria demonstrantibus vicinis Fœderati Ordines in cæpto consilio in hunc usque diem perrexêre. Atque ita factum est, ut per latus vel infirmiorum, vel negligenter agentium, vel sub larva ac titulo Neutralitatis, quam vocant, insidias clam meditantium Ditiones Fœderatorum, quæ in Superiorem Germaniam extenduntur, contra Hispanorum vota extiterint tutiores.

7. In munitis istis præsiidiariis Civitatibus præter idoneum militum præsidium, duo fere horrea sunt, alterum annonæ militaris, alterum illius speciei annonariæ, quæ ad vitam sustentandam necessario requiritur.

8. Præsidio militari præest aut Gubernator, aut ille, quem Commendatorem vulgo solent appellare. Commendatoris nomine utuntur Præfecti minoribus Civi-

tatibus limitaneis; Gubernatores vero dicuntur, qui majoribus gubernandis impositi sunt. Ad securitatem autem urbium ejusmodi institutum est, ut portarum claves partim sint in Præfectorum, partim in Urbanorum Consulium manu. Jurisdictio etiam in iis militaris & urbana plane est distincta, adeo ut neque Præfecti militares in cives, neque Urbani Iudices in milites juris dicundi habcant potestatem.

9. Militem Foederatorum quod spectat, partim ille externus est, partim domesticus. Sed longe major domestico externi militis numerus est, quia Foederatorum subditi, qui tenuioris sunt fortunæ, in remotis navigationibus potius sese occupant, quam in ea militia, quæ terrâ administratur. Neque facile quis ideo præsumat, minus tutum esse hoc Imperium, quod nempe insistas ac innitatur fidei militum externorum. Quippe externus miles non hic unius est, sed diversæ nationis, Germanus in primis, Gallus, Anglus atque Scotus; quæ nationes cum diversi plerumq; ingenii sint ac instituti, multisque inter se æmulationibus committantur, non facile futurum est, ut pariter conspirent ad evertendam hujus Reipublicæ securitatem. Hæc etiam ratio est, ob quam in singulis majoribus limitaneis Civitatibus præsidia militaria non unius, sed diversarum nationum disponantur atque jungantur.

10. Nu-

10. Numerus militum, qui Sacramentum dixerunt Fœderatis, hodie ferme ad centum millia excrefcere creditur. Centuriæ ac turmæ constant fere militibus centenis, paucis quibusdam exceptis, in quibus majorem minoremve etiam numerum invenire est. Ex decem, subinde & duodecim, sexdecim, septendecim vel octodecim centuriis aut turmis constituuntur legiones: quibus singulis Colonelli nomine unus præfectus est.

11. Miles partim eques, partim pedes est: sed eques numero multo minor quam pedes, quòd in hac militia, quæ in Poliorceticis, sive expugnatione Urbium potius quam præliis versatur, rarior sit equitum usus. Equitum porro duo sunt genera, quorum alii à diversa armatura Curassirii, alii Harquebusirii appellantur. Lancearius autem eques, utpote parum utilis aut habilis, jam pridem hic rejectus est. Singulis equitibus equi esse debent, non minoris altitudinis, quam quindecim ingentium virilium palmarum, factò mensuræ initio à calce pedis prioris obliquo flexu ad verticem usque scapulæ. Pedes alius hastatus, alius sclopis longioribus instructus est; plures tamen scloperatii quam hastati sunt, quod eorum in oppugnatione Urbium major frequentiorque sit usus.

12. Menstruum stipendium pediti est un-

decim nostratium florenorum, Equiti autem florenorum triginta. Pediti hebdomadis singulis pars stipendii persolvi, Equiti singulis mensibus consuevit. Stipendia porro prompte satis iis persolvuntur, qui ipso Foederatorum ære merent; minus prompte iis, qui merent auxiliari ære Gallorum, quod id æs tardius plerumque repræsentetur.

13. Notare autem convenerit morem in foederato Belgio receptum, quo etiam cum exhaustum prope sit aut inopiâ laboret publicum ærarium; sua tamen plerisque militibus stipendia septimanis ac mensibus singulis præstantur. Nimirum instituti ac recepti sunt homines quidam, qui à sollicitandis pecuniis militaribus atque decreto Ordinum obtinendis, Sollicitatores, vulgo **Solliciteurs** / solent appellari: singulæ centuriæ aut turmæ talem sibi eligunt, qui & sedulo instet, quo debitum stipendium ab Ordinibus obtineatur: & si ob inopiam ærarii statim obtineri non possit, aut suis privatis opibus, aut pecuniâ ab aliis mutuo acceptâ curet, ut hebdomadale aut menstruum stipendium continuo paratum sit; ad id agendum magni certique lucri spe ac causâ sollicitatores illi impelluntur: Nam pro expositis creditisque e. g. Florenis centum, sollicitatores (ejus quod interest nomine) subinde florenos decem, majorem subinde mino-

minoremve summā subtrahunt illi summæ ,
 quæ turmarum aut centuriarum præfectis
 ab Ordinibus debetur , tandemque certo
 persolvitur. Homines igitur opulenti pecu-
 nias suas Sollicitatoribus credunt ordinarias
 tantum usuras stipulati , & certi , futurum
 tandem ut ab Ordinibus , soluto stipendio
 sortem recipiant cum ingentibus illis usuris.
 Verum ut eâ re fit , ne militi stipendium de-
 sit, ita eâdem ratione contingit, ut turmarum
 & centuriarum Duces sub signis suis non
 habeant aut alant tantum militum nume-
 rum, quantum habere debent. Id enim quod
 usuræ nomine sollicitatoribus pendunt ,
 putant recuperare sese debere , acceptis ab
 Ordinibus stipendiis eorum militum nomi-
 ne, quos simulant sub signis sese habere, non
 autem habent. Præter ordinarium stipen-
 dium miles quoque fruitur in limitaneis ci-
 vitatibus immunitate conducendi hospitii :
 Id enim cives aut incolæ alii , pro Urbani
 Magistratus decreto aperire tenentur. His
 tamen eo nomine ex fœderatorum ærario
 asses sex singulis hebdomadibus , cujuscvis
 militis excepti titulo , persolvuntur. Hæc
 pecunia vulgo *Servijs - gelt* appella-
 tur.

14. Si forte ab hoste obsessæ sint Civita-
 tes , & ordinaria ac recepta pecunia desit ,
 quâ stipendium militi persolvatur , ænea ,
 aut stannæa , aut coriacea , subinde etiam

C 5 . char-

chartacea cudi consuevit, ejusque pretium constituitur ab urbano Magistratu, quod longe superat valorem materiæ, ex qua nova illa moneta constat. Interim sic sibi libenter satisfieri patitur miles, quia liberatâ civitate aut deditâ, à Fœderatis Ordinibus extraordinarius Quæstor constituitur, qui pro illa nova ac nullius prope valoris mox reddit currentem & justî pretii monetam.

15. In Castris ac expeditione in gratiam etiam militum receptum est, ut res omnes venales immunes sint à portoriis omnibus, vectigalibus & tributis.

16. In obsessis quoque civitatibus præter ordinarium stipendium, annona quoque ex horreis publicis gratis in militem distribuitur.

17. Capti milites gregarii, aut inferiores militum Ducès, lytro soluto, utrinque redimuntur. De lytro autem inter Hispanos Fœderatosque sic convenit, ut id non excedat menstruum uniuscujusque capti stipendium. Aliter profecto cum civibus agitur; hi enim tantum solvere tenentur, quantum hostes exigunt, aut in fœtore carceris commorari, donec generalis & mutua redemptio captivorum, quod semel atque iterum quotannis contingit, instituatur. A captivitatis tamen discrimine immunes in Belgica hac militia sunt scœminæ, ac pueri, qui ætatis duodecimum annum nondum excefferunt.

18. At-

18. Atque ita se habet ordinarius miles. Sed vero urgente necessitate & subito aliquo periculo ingruente, extraordinarius miles conscribitur, qui vulgo **Maert-gelders** solent appellari, plane iidem quos subitarios vocant veteres Romani. Hi ad tempus modo aliquod conducuntur, & quo promptiores sint ad dandum militiæ nomen, diurnum iis stipendium decem assium offertur. Verum quia multi spe tam ampli stipendii allekti deserere solent ordinarias centurias, & novarum signa libentius sequuntur, plerumque iudicatum potius civium cohortes, in quas multitudo civitatum passim hic est distributa, in subitariorum locum substituere, iisque, veterano atque exercito milite assumpto in expeditiones, curam ac præsidium limitanearum civitatum mandare.

19. Miles omnis & in castris & in limitaneis Urbibus subest Iurisdictioni militaris Senatus, qui in castris constat ex supremo Militiæ Imperatore, aut Præsidente, qui ejus locum tuetur, ac singularum legionum supremis Legatis; In limitaneis civitatibus, ex supremo earum Præfecto, cæterisque omnibus in præsidio agentibus Centurionibus. Hi jus dicunt ex præscripta à Fœderatis Ordinibus formula, quæ vulgo **Artijckels-brief** appellatur, ac publice typis descripta existat.

20. In ea pleraque delicta militaria capitalia censentur.

21. Classarii militis, cuius in mari usus est, stipendium in menses singulos octo est florenorum, atque insuper de victu ei est provisum. Præfectus enim navis alere milites classarios, sociosque navales cogitur, uniuscujusque nomine accepto ex ærario Fœderatorum in dies singulos sex assium pretio.

22. Porro jus ordinariæ redemptionis captivorum in militia hac maritima non habet locum; Imo sub initium horum bellorum ne quidem locum habuit beneficium captivitatis, & quotquot in hostium veniebant potestatem, manibus pedibusque colligatis statim in profundum mergebantur. At quia utrique parti id institutum crudelius inhumaniusque tandem visum fuit, placuit beneficio captivitatis facere locum, sed non ordinariæ redemptionis. Causa ejus moris inter Hispanos ista est, ut longæ ac duræ captivitatis metu Fœderatorum subditi à navigationibus & militia maritima, in quibus hic vis rerum est, deterrerentur. Causa vero cur id ipsum Fœderatis etiam placeat, ista est, quod judicant majori animo naves seque illos tutaturos, quibus tristis adeo captivitatis formido animis oculisque continue obversatur.

C A P.

C A P. VII.

De Fœderibus, quæ Fœderatæ Reipublicæ cum exteris Principibus aut populis intercedunt.

Proxime dictum est de iis munimentis, quibus Fœderatæ Respublica domi innititur. Restat jam ut externa videamus. Sunt autem illa non nisi fœdera cum aliis vicinis aut remotis inita, vel communis hostis, vel commerciorum causa.

2. Tuentur ea fœdera Belgæ Fœderati vel per Agentes in rebus, vel per Legatos ordinarios. Legatorum annuum stipendium est decem millium florenorum. Solo Legato, qui in aula Constantinopolitana apud Turcarum Imperatorem agit, utente stipendio duodecim millium florenorum, ob majorem pompam, quæ in sustinendo decore Legationis inter illas ambitiosas & externa maxime æstimantes nationes requiritur. Sed ipsa singulatim fœdera videamus.

3. Cum Germanici Imperii Cæsare non tam fœdus aliquod, quam observata hactenus amicitia intercedit. Sunt interim qui existimant, eam speciosam magis esse quam veram. Certe constat nostrâ & patrum memoriâ Cæsarem Hispanis in Belgio laborantibus sæpius militares suppetias tulisse quæ quam primum Hispanis erant junctæ, in speciem quasi Sacramenta & vexilla Cæsaris mutabant. Hac eadem arte Fœderati

Or-

Ordines in iuvandis Gallorum & Protestantium Principum in Germania laborantium rebus, usi dicuntur.

Neque mirum est, vel abs re suspicari luber, proximos omnes Austriaci sanguinis Cæsares meliora voluisse ac etiamnum velle ejusdem stirpis Hispanicæ Regibus, quam causæ Fœderatorum Belgarum; quanquam Cæsar non unâ hactenus legatione urserit Fœderati Belgii Ordines, ut quemadmodum ejus olim Principes, membra Imperii vasallique, ut vulgo vocant, esse velint: Vnde & in literis ad Fœderatos Ordines scriptis nonnunquam inter eorum titulos hac formulâ usus est: *Fidelibus nostris & Dilectis*.

Verum ab ea sententia hactenus adeo alieni sunt Ordines Fœderati, ut ejusmodi litteras sic inscriptas non apertas remittendas ad Cæsarem identidem judicarint, addentes suum sibi esse absolutissimum Imperium, nec Belgii Principes, in quorum illi successerunt locum, unquam Imperio aut Imperatoribus ut Vasallos & Clientes fidelitatis dixisse juramentum. Interim inter subditos Imperii ac Fœderatorum commercia, aliaque officia, quæ amicorum sunt, hactenus mutuo exercentur.

4. Cum Protestantibus Germaniæ Principibus inita à Fœderatis in mutuum auxilium fœdera narrant, ac publicis scriptis objecerunt hi, qui Cæsareanarum partium sunt,

sunt; & forsan vera sunt, quæ objiçuntur. Cum enim superioribus annis nihil æque Cæsari fuerit destinatum, quam acerrimo quodam Imperio opprimere omnem Germaniæ libertatem; Superiori autem Germaniâ sub miserrimæ servitutis jugum acta, facile invadi possit inferior & subjugari: non adeo inconsulte fecerint Fœderati, si intellexerint, per Protestantium Principum latus sensim ac clam suam etiam impeti libertatem, ac proinde illorum causam ad se quoque senserint pertinere.

5. Cum Hanseaticis civitatibus commerciorum communium causa jam olim ante duo præter propter secula Fœderati Belgii Ordines fœdus inière; Imo Hanseaticarum Civitatum celeberrimæ quoque Hollandiæ ac Zeelandiæ Civitates, membra ac partes factæ sunt, ut Amstelodamum, Middelburgum, Dordracum, aliæque. Hodie in eo adhuc fœdere utrinque persistitur: quin imo superioribus annis 1614, 1615 & 1616 longe actius initium est, quo ad tuendam æquam omnem Hanseaticarum Civitatum causam Fœderati Ordines sese obstrinxere. Quod factum adeo ægre interpretatus est Cæsar, ut conjurationis in Imperium ac perduellionis crimen Hanseaticis Civitatibus propterea objiçendum existimaret. Verum hæ multis Legationibus tandem probavère jam olim jus competiisse sibi incun-
dorum

dorum ejusmodi foederum, non agnita Cæsarium authoritate, eorumque assensu implorato.

6. Cum Daniæ Rege initum foedus vix quid aliud continet, quam mutuam commerciorum libertatem. Interim ob ingentia & superioribus annis nimium aucta portoria, quæ in freto Sundano à mercatoribus Belgis ac nautis exiguntur, missis sæpe legatis de eorum iniquitate Ordines Foederati queri necesse habuerunt. Utile tamen ac necessarium utrique parti hoc est foedus, cum Foederati Ordines carere haud possint freto Sundano, quo per omnem Septentrionem merces Belgarum distribuuntur, etiam ligni illius inprimis copia, quam ad naves aliaque ejusmodi exstruenda suppeditare uberimè Dania consuevit. Sed nec Dani à pluribus defecti, quorum in foederato Belgio copia est, carere possunt commercii Foederatorum.

7. Cum Poloniæ Rege ac Republica itidem commerciorum causa, frumenti inprimis (quod affatim ex ea advehitur) causâ, amicitia colitur, non tamen sine querelis multis, præsertim superioribus annis novis teloniis in Borussia ac alibi institutis, quæ adeo gravia mercatoribus Belgis visa sunt, ut de mutandis illis navigationibus ac frumento aliunde, ex Moscovia inprimis advehendo, seriò cœperint cogitare. Sed &

ca

ea occasione in Ordinum Hollandiæ Comitibus deliberatum quoque est, de incundo multorum annorum contractu cum Muscoviæ Duce ratione commercii frumentarii, conclusumque ut ea de re mitterentur Legati, cum potestate conveniendi cum ipso, nisi illud novum telonii institutum in Borussia tolleretur. Quod illorum institutum, ne vanum possit videri, sciendum est in Moscovia villicorum & ruricularum non differre à mancipiis conditionem, cum ipse Dux plenam sibi in suorum subditorum familiaribus bonis potestatem sumat, unde fit, ut fere nihil amplius acquirere studeant, quam ipsa vitæ necessitas flagitat; hinc agricultura hætenus ibi negligitur, ita ut largior seges, tametsi in spatiosissimis arvis non proveniat, quam incolarum usu quotannis consumitur. Hoc itaque est, quod Hollandi Moscoviæ Duci factâ spe ingentis proventus, persuasum voluerunt, ut vi potestatis suæ adigeret incolas ad diligentiorrem agriculturam, cujus operæ urgendæ ac promovendæ, si ex sua gente Præfectos certâ conventionis lege ibidem Hollandos constitutos habuerint, nihil certius sibi pollicentur, quam intra paucorum annorum intervallum tantam in illis oris frumenti copiam, quanta sibi ad proprios usus & continuationem ejus commercii cum aliis gentibus sufficeret. Inter dubia hujus deli-

deliberationis motum quidem fuit hujus Moscoviticæ negotiationis hanc esse rationem, quod ob distantiam horum locorum semel tantum, vel ad summum bis singulis annis naves redire possint. Verum ad resarciendum hoc incommòdum, ostensum est, naves ad illud iter adhibendas triplo capaciores esse istis, quæ in mari Balthico negotiantur, adeoque una vice tantum per eas advehi posse, quantum minores ter reiterata navigatione apportare solent, immunes interim à teloniis in mari Balthico institutis. Hujus rei metus effecit, ut illa telonia à Polonis vel imminuerentur vel tollerentur.

8. Cum Suecorum Rege olim scilicet annis 1614 & 1640 percussum fœdus est, commerciorum inprimis causa: paulo ante susceptam & adhuc continuatam in Germania expeditionem, arctius amicitia coaluit, atque inter partes convenit, ut Fœderatorum Belgarum Ordines durante in Austriacam Domum expeditione in Suecorum ærarium singulis mensibus millia florenorum inferrent. Res enim & institutum Belgarum ea expeditione cum primis juvari videbatur.

9. Cum Magno Moscoviæ Duce, commerciorum quoque gratia jam olim tractatum est, atque inter alia ei indulgum, ut conscribendi hic conducendique militis, atque hinc avehendæ militaris annonæ in posterum haberet potestatem.

10. Cum

10. Cum Magno Turcarum Imperatore haud minus amplissimum fœdus intercedit, commerciorum tutarumque navigationum causa maxime institutum. Quemadmodum & ea de causa singularibus concessionibus cum Persarum quoque Imperatore, Tunetanis & Mauritaniæ in Africa Regulis iidem fœderati convenère.

11. In Italia cum sola Serenissima Venetorum Republica fœdus hodieque colitur, quod splendoris partim causâ institutum est, partim quod duæ hæ prope solæ florentissimæ nunc Respublicæ essent, multisque iisdem institutis uterentur. Sed causæ aliquid datum est, quare illius fœderis legibus convenit, ut durante adversus Hispanos Belgarum bello, Veneti in menses singulos penderent florenorum millia, sicuti & Fœderati Ordines tum quoq; se obstrinxere ad idoneas suppetias ferendas Veneto nomini, si forte ea Respublica bello Hispanico aliquando illigaretur.

12. Lusitani hætenus hostes, superioribus annis, scilicet anno 1641, exuto Hispanorum Imperio Fœderatorum Belgarum fœdus & ambivère & accepère; quo duo imprimis cauta sunt: Primo futurum in posterum, ut in utraque India, & Orientali & Occidentali, abstineant ab oppugnatione Urbium earum, invadendis illis Ditionibus, quæ Lusitanis ibi adhuc supersunt. Sane
 suffla-

fulflamen magnum ac impedimentum promovendis rebus , prolatandoque Imperio utriusque Indiæ Societatis , quæ in Fœderato Belgio instituta est , & jam plerosque possessores exturbarat , injectum est. Verum æquius visum est , pro amicis eos in posterum habere , qui & hostilem simul exuissent animum cum Hispanorum Imperio , & defectione suâ res Hispanicas maxime debilitaturi videbantur. Quare & secundo convenit , ut in Lusitanico mari turbandis Hispanorum navigationibus naves aliquot bellicæ fœderatorum sumptibus se continerent.

13. Cum Anglis sub initium hujus Reipublicæ & utilissimum & necessarium maxime fœdus initum est , regnante nempe Elisabetha , quæ & causæ & religioni Reformatorum addicta , missis militaribus suppetiis donataque partim , partim ad tempus credita magna pecuniæ vi , dubias adhuc nutantesque Belgarum res sustentavit ; sic tamen ut Belgæ clientum prope more ejus Reginae Majestatem comiter observare tenerentur. Hodie Anglis cum Hispanis pax est , nihilque ex fœdere Belgis superest aut competit , quam libertas commerciorum , usus portuum ac potestas colligendorum supplementorum militarium per omnem Britanniae ditionem.

14. Cum Gallorum Rege omnium arctissimum hodie fœdus est atque observatur ,

tur, idque percussum est paulo ante quam à Gallis bellum Hispanis palam superioribus annis indiceretur. Eo placuit, ut pacem Galli Fœderative non facerent, aut inducias cum Hispanis pangerent sine mutuo consensu, donec rationi se subjiceret Hispanus, & quòtannis inde Galli, hinc Fœderati idoneum exercitum in agrum Belgii hostilem educent, & si fieri posset, copias conjungerent, copiisque utriusque gentis conjunctis, cum summo Imperio præesset Princeps Arausionensis. Etiam tum conventum de divisione Hispaniearum in Belgio Urbium ac ditiorum, quas conjunctis viribus forte essent expugnaturi: sicut & à Galliarum Rege promissa tum est Fœderatis ingens pecuniæ summa quorannis repræsentanda, qua conscriptæ novæ copię sub signis Fœderatorum militaturæ sustentarentur. Nempe finis illius fœderis fuit ac ratio, quod utrimque intelligeretur, non melius atteri in Belgio vires Hispanorum posse, quam ut conjunctis animis, pariterque in hostem eductis exercitibus illorum vires distraherentur. Atque hæc causa est illarum, quæ superioribus annis frequentatæ sunt & adhuc frequentantur Fœderatorum Gallorumque in Belgium Hispanicum felicissimæ expeditiones.

C A P. VIII.

De Collegiis Societatum Vtriusque Indiae, quibus in Orientem & Occidentem navigatur.

DE Collegiis utriusque hujus Societatis opportunus sese offert dicendi locus, partim quia inter hujus Imperii præcipua sunt munimenta, ut quibus immensæ opes in hanc Rempublicam derivantur; partim quia istæ societates non unius hic dirionis propriæ, sed omnibus fœderatis ditionibus sunt communes.

2. Collegia illa haud aliud sunt, quam quorundam privatorum societates, auspiciis publicis institutæ ac confirmatæ; quibus fit ut solis illis privatis, aliis omnibus exclusis, integrum sit suis sumptibus militem conducere, naves adornare, denique idoneas classes instituere, ad communem hostem Hispanum opibus Vtriusque Indiæ tot per annos incubantem possessionibus suis jure belli exturbandum, ac ex gentium insuper jure cum Indorum nationibus ab Hispanis nondum subjugatis, Fœdera incunda & commercia quælibet exercenda.

3. Occasionem huic instituto duos inprimis fecêre: 1. Decretum ab Hispaniæ Rege promulgatum, quo commercia & navigationes Fœderatorum in Hispaniam omnino vetabantur, ex qua sola Fœderatis Indicas & Exo-

& Exoticas illas merces petere tum licebat.

2. Ingens & enorme pretium, quod earundem mercium nomine Hispanici mercatores tunc temporis exigebant, utpote Regi suo earum nomine gravissima portoria pendere coacti, adeo, ut in unica prope Hispania monopolium esset opium universi ditioris orbis, quibus orbem reliquum iugo subiceret suæ dominationis.

4. Accedebat & causa, quæ tunc incidit, privata, memoratu imprimis digna; Nam eodem tempore Batavus quidam, qui per annos plurimos Hispanis & Lusitanis mercatoribus in Indiam navigantibus ministerium suum ac fidem probaverat, à Lusitanis, ætæ Turcis, tandem captus, è carcere liberari haud potuit, nisi immensi pretii lytro persoluto, ad quod cum non sufficerent privatae ejus opes, subsidium Amstelodamensium aliquot mercatorum & petiit & impetravit; eâ lege, ut in patriam reversus arcana omnia, leges & commoda Hispanicæ navigationis in Indiam aperiret ac revelaret. Vnde tum cognitum est, mercaturam in India exercentibus certum lucrum nomine expensorum quinque sexve Florenorum centum prope florenorum esse.

5. Vnum consiliis Batavorum tum adhuc obstare videbatur, nimirum Serenissima Venetorum Respublica, quæ commerciis in Persia exercitis hætenus Indicas etiam merces

ces ab Indis in Persiam delatas terrestri itinere per deserta Orientis Constantinopolim, ac dein domum referebat, quæ etiam causa est illius, quæ hodieque in ea Republica est, opulentia. At vero vanos imposteriorum futuros Venetorum conatus, Batavis ex eo colligere promptum fuit, quod Batavi maritimo & minus sumptuoso itinere negotia sua possent expedire, terrestribus illis Venetorum itineribus susceptis cum multo maioribus expensis conjunctis.

6. Sed modus ac forma institutæ curatæque hætenus utriusque Societatis propius nobis expendenda sunt.

7. Igitur ante ipsam Orientalis Indiæ institutam Societatem privati quidam commerciorum causâ adierant, visitaverantque illas Indiæ ditiones, quæ Hispanis aut Lusitanis non parebant. Sed vero cum singuli illi mercatores consilia illa non conjungerent aut communicarent, atque alii aliorum instituti ignari, eosdem Indiæ portus cum iisdem mercibus peterent, aliique aliis sic essent impedimento, pro lucro sæpe non nisi damnum reportabant. Præterea cum in ipsa navigatione ac itinere vires navesque non conjungerent, sæpius Hispanis ac Lusitanis in prædam cedebant. Horum malorum avertendorum causâ instituerunt Ordines Fœderati Belgii Generalem quandam Societatem, quæ ad certum annorum

spa-

spatium sola privilegio uteretur navigandi in Orientalem Indiam, secundum certos limites certasque leges præscriptas.

8. Decretum illud Ordinum mox promulgatum est, invitatiq; simul sunt omnes harum ditionum subditi ad certam pecuniæ summam, quantam quidem vellent singuli, conferendam, quâ hujus Societatis destinationes optatum ad effectum perducerentur. Sic factum est ut alii amore Reipublicæ capti, alii certissimâ spe lucri allekti, pro suis quivis opibus eam pecuniæ vim certatim contulerint, ex qua summa sexaginta quatuor tonnarum auri conficretur. Hæc enim prima Capitalis, ut vulgo loquuntur, summa hujus institutæ Societatis fuit.

9. Omnibus iis, qui aliquam pecuniæ summam in hanc rem contulerant, datum est Participantium cognomen, quod nimirum participes essent rerum, quas hæc Societas feliciter aut infeliciter esset gestura.

10. Iis vero qui contulerant eam pecuniæ summam, quæ excederet sex, vel in VVest-Frisia tria Florenorum millia, datum nomen est, quo capita participantium, vulgo **Hoofst participanten**/ dicebantur. Ex his solis, exclusis cæteris, qui minus contulerant & delecti tum sunt, & hodie etiamnum deliguntur illi, qui curandis Societatis rebus cum maxima auctoritate impositi Curato-

res Societatis, vulgo **Bewint-hebbers**/appellantur.

11. Capita illa participantium nominandi Curatores illos habent potestatem: Electio autem alibi Ditionis Ordinibus, alibi Urbano Magistratui competit, prout diversis hujus Societatis Collegiis in aliis atque aliis ditionibus institutis aliter atque aliter visum fuit.

12. Iisdem Capitibus Participantium Curatores Societatis quotannis administratæ rei & impensarum acceptarumque opum rationem reddere tenentur.

13. Cætera Curatores pro arbitrio & prout consultum est, expediunt, neque cura in iis nisi cum vita vel lapsu unius & viginti annorum finitur.

14. Curatores illi in singulis Ditionibus certo in loco ac navigationibus commodo conventus suos habent, qui Camerae vulgo solent appellari.

15. Sunt autem in Cameris singulis, Amstelodami 20, in Zelandia 12, ad Mosam 14, ut & in VVest-Frisia 14.

16. Præter hos ordinarios conventus in quavis ditione instituitur, urgente necessitate, Amstelodami in Hollandia, aut Middeburgi in Zelandia extraordinarius aliquis & supremus Conventus, ad quem singulorum ditionum Camerae suos mittunt Legatos. In eo de rebus arduis & extra ordinem obla-

oblatis, consilia ineuntur & decreta sanciuntur, quæ singulæ Camerae personæ probare ac sequi necesse habent.

17. Extraordinarius ille Supremus Conventus constat collegio Septendecim virorum, **de Vergaderinge van Seventhien** appellatur, certusque cuivis Camerae numerus præscriptus est, eorum, quos ad hunc Conventum debeant destinare, aliis major, aliis minor, quemadmodum Amstelodamensis Camera octo, Middelburgensis quatuor, reliquæ ditiones unius aut duorum Legatorum mittendorum habent potestatem, pro diversitate nimirum pecuniariæ summæ, quam alia Camera majorem, alia minorem contulit ad res hujus Societatis constituendas. Et sane æquum est, ut cuius res potissimum agitur, quique plus quam cæteri credidit Societati, plus etiam quam alii habeat auctoritatis.

18. Ita quidem instituta est forma regundæ domi hujus Societatis: inter cujus initas leges hæc præcipua fuit, ut Curatores collarâ pecuniæ summâ in adornandam classem idoneam, -ac comparanda arma necessaria ad Lusitanorum Hispanorumque ex India exturbationem, coëmendasque merces, quæ ad permutationem cum Indiæ quibusdam populis instituendam, quam primum uterentur, & quorannis expen-

farum ac illatarum opum accurata ratio redderetur, ut ex lucro quotannis facto ac reportato pars seponeretur ad res & commercia Societatis augenda & confirmanda; pars autem in usum participantium, quos vocant, pro rato & summa pecuniæ quam Societati quisque credidisset, distribueretur; quæ distributio *Oyndeelinghe* vulgo, appellatur.

19. Ita susceptum est tam illustre institutum, cui sub initium successus amplissimi non defuerunt. Nam partim permutatione mercium, quas Batavi vilissimas in Indiam deportabant, ut specula, plumas, orbis aut globulos vitreos, denique pupas aliasque ejusmodi quisquilias Norimbergæ potissimum in Germania ex cupro, ligno, aut aliâ vili materiâ affabre factas, quibus incredibile dictu est, quantum Barbari illi delectentur, reportatisque mercibus omnium pretiosissimis, ut serico, margaritis, nobilioribus aromatibus, & si quæ ejus generis alia sunt, partim castellis aliquot Lusitanorum Hispanorumque secure in primis tum agentium, feliciter expugnatis. In quo postremo Regulorum quorundam in India auxiliares manus iis haud defuere, nupote quibus Hispanici nominis incomparabilis ambitio ac avaritia jam pridem erat vehementer infensa & detestata.

20. His successibus factum est, ut primo
sex en-

sexennio ab instituta hac Societate exacto, ab anno nimirum 1602, usque ad annum ejusdem seculi octavum, Capitalis summa sexaginta, ut supra diximus, & sex tonnarum auri aucta sit, præter factam in participantes reportati lucri distributionem, ad plus quam trecentarum tonnarum auri summam. Sed & pomoeria diitionum ac limites Batavorum in India adeo mox sunt prolata, ut non unum sed plurima amplissima dirissimaque regna partim vi sub suam redigerent potestatem, commerciorum in iis exercendorum causâ, partim donis, fœderibusque sic sua facerent, ut exclusis Hispanis Lusitanisque sibi solis referrent potestatem commerciorum in iis exercendorum.

21. Ergo de ordinanda illic componendaque Republica quadam Batavica tandem est cogitatum. Placuit ut caput & Regia illius Imperii esset civitas, cui Bataviæ factum est cognomentum, adeo munita marisque lateritiis cincta, ut superioribus annis magni Javanensium Imperatoris, tunc hostis, nunc amici, insultus, sustinere potuerit, quanquam ab eo plus quam ducenta millia hominum tracta dicantur in eam expeditionem.

22. Placuit ut in ea Regia sedem haberet Supremus Gubernator totius Indiæ Bataviæ. Hujus tanta ibi est autoritas, quanta in Fœderato Belgio Gubernatoris Supremi & Imperatoris. Vitur autem pompa

longe majori quam Europæi fere Reges, qui mos datur ingenio illarum barbararum gentium, quæ externa illa specie potissimum capiuntur. Sub initium perpetua fere hæc dignitas fuit: sed, cum ea res plena magni periculi videretur, placuit, ut Hispanorum Lusitanorumque recepto in utraque India more, non nisi triennalis esset impofterum illa administratio.

23. Præterea in eadem Regia instituti sunt duo Supremi Senatus, in quorum altero res publicæ Societatis, quæ pacē, bella, fœdera ac commercia spectant, cum supremo Governatore pertractantur. In altero est ipsum justitiæ tribunal, in quo causæ privatorum ac lites & alia ejusmodi expediuntur.

24. Ad ista in singulis provinciis, ditionibus ac insulis, quæ huic Societati parent, constituti sunt duo Supremi quasi magistratus, quorum alter præest militiæ passim dispositæ, partim ad continendos in obsequio Barbaros, partim ad reprimendos vicinorum hostium insultus: alter iis curandis gerendisque rebus præest, quæ spectant communem commerciorum rationem; plane ut veteres Romani plerasque provincias per Legatum & Quæstorem administrabant. Ne autem in exercenda mercatura hi, qui ei curandæ præsunt, fraudulenter agant, sui que potius commodi, quam publici habeant rationem,

tionem, additi iis sunt Censores quidam, qui haud attendunt modo ad ea quæ geruntur, sed etiam eadem annotata ad Supremum Gubernatorem ac Senatum singulis trium mensium intercurrentium spatiis, transmittunt, ex quibus omnibus iidem Senatores conficiendum curant unâ Scripturâ totum Societatis illius statum, ex qua in Fœderatum Belgium transmissa, Curatores, qui domi agunt, continuo intelligunt, quomodo se habeat totum illud Imperii sui Corpus, quidque in eo se bene habeat, quidque sit vitiosum.

25. Sed & tum cogitatum est de propagando iis in locis Belgico aut Batavico sanguine, quo illo sensim aucto, Belgarum incolentium numerus par aut superior evaderet numero Barbarorum; Eo nempe consilio, quo Romani in Provincias ad provinciales in obsequio continendas transferebant Colonias, quæ ex solis Romanis civibus constarent. In eam rem, amplissimum aliquod Gynæceum publicum in Regia civitate erectum est, in quod tenuioris fortunæ virgines plurimæ, in Belgio ad eam rem pretio conductæ, delatæ sunt, quæ sumptibus Societatis alebantur, facta militibus sociisque navalibus Belgis aut aliis mercaturam ibi exercentibus potestate eas ambiendi atque in matrimonium accipiendi, quas amarent; Verum id consilium oprato

eventu caruit. Nam experiundo cognitum est, prolem ex patre & matre Belgis in Orientali India natam, haud esse vitalem, vitamque brevi cum morte commutare: Contra autem, quæ ex patre Belga & matre Indica proles ibidem prognascitur, vivax esse deprehenditur.

26. Nihilominus, quod per naturam ibi non licet, frequentia hominum in Belgio suppletur, quorum infinita quædam vis in navigationibus istisque in locis ab hac societate occupatur.

27. Porro mercatura in Orientali India vel præsentī pecunia, vel permutatione exercetur.

28. Præsentī pecunia inter paucas quasdam & callidiores gentes, ut Iaponenses, & quasdam alias, quæ cum pecuniæ usum, ante Hispanorum Lusitanorumque adventum ignorarent, ex horum avaritia pecuniam etiam æstimare didicerunt.

29. Permutationi tamen frequentior est locus, qua merces ex Belgio advectæ, cum mercibus Indicis permutantur, observato in eo antiquissimo hominum more, qui ante pecuniam inventam non nisi permutatione inter sese utebantur. Merces autem ex Belgio advectæ adeo nullius pretii sunt, quod & supra annotavimus, mercesque Indicæ adeo pretiosæ, ut plerisque in locis merx nostratum, quæ pretio florenorum e. g. quin-

quinque constat, redimatur merce Indica pretii centum pluriumque florenorum, certo argumento pretium rebus non naturam, sed uniuscuiusque populi aliam atque aliam libidinem posuisse.

30. Maximum tamen lucrum reportatur ex iis gentibus, quæ ex initi foederis legibus monopolii potestatem Societati huic fecere. Ita exempli gratia, piperis illic emendi soli fere Batavi jus habent, ac proinde ei merci adeo per universum orbem necessariae pretium constituere possunt quod volunt.

31. Merces illæ quotannis in Belgium advehuntur statim quodam tempore, quo ipso etiam quantum fieri potest, naves aliæ ex Belgio in Indiam destinantur.

32. Merces in Belgium delatæ auctione publica statim divenduntur, & pro maiore aut minore pecuniæ vi ex venditis mercibus accepta, decretum fit de facienda in participantibus distributione lucri quod factum est.

33. Ita fit, ut e. g. 100. florenorum nomine, quos quis ad Societatem hanc constituendam contulit, in eum conferantur raro 20. subinde 30. plerumque 40. præterpropter floreni, adeo ut redditus annuus propemodum exæquet sortis dimidiariam partem. Neque id mirum alicui videbitur, qui cognoverit quemadmodum id est certissimum, merces ex India huc quotannis advectas su-

perare hac ætate sex auri milliones, sive sexagies centum florenorum millia. Vnde etiam agnoscere proclive est, sortem sive capitalem summam, quâ hæc Societas primum instituta est, totam quotannis plerumque Societatem lucrari. Plerumque dixi, quia subinde tempestatibus, subinde dissensionibus, inter Batavos & Indos exortis, redditus annui aliquanto sunt minores.

34. Distributio illa vel præsentì pecuniâ, vel mercium in participantes distributione peragitur, cujus posterioris consilii hæc interior est ratio, quod superioribus annis vicini aliquot populi spe tanti lucri allekti, de ejusmodi Societate cœperint cogitare, instructisque aliquot navibus commerciorum causâ in Indiam Orientalem instituerint navigationes. Societas igitur Batavica, quo illuderet ejusmodi conatus, efficeretque ne sic lucri quid facerent vicini populi, consultissimum judicavit, pecuniæ loco in participantes suos distribuere ejusmodi merces, quales ex India vicini populi advexerant. Tanta enim copia ejusmodi mercium pariter distributa earum pretium vehementer decrevit, fitque ut pro lucro non nisi damnum reportetur. Est ea res Societati Batavicæ quidem etiam damnosa, sed pro lucro reputandum est, si minori damno majus aliquod præveniatur, quemadmodum nullum majus huic inferri potest, quam si
aliæ

BELGII PROVINCIAE. *Cap. VIII.* 83
aliæ gentes Indiana illa commercia etiam
invadant.

35. Id quoque observatione hic dignum
est, quod participantes non modo quotan-
nis fruuntur amplissimis illis redditibus, de
quibus jam diximus, sed etiam summa
capitalis, quam huic Societati constituendæ
singuli contulerunt, indies & pretio &
æstimatione crescat, hoc modo, e. g. Si quis
Societati crediderit quatuor florenorum
millia, si eam summam & actionem, quam
ejus nomine habet, alteri alicui vendere vo-
luerit, quod haud raro fit, facile reportat
18000. florenorum. Nam floreni centum
huic Societati sub initium crediti sive dati,
ad participandum si vendantur, valent pre-
tium plusquam 400 florenorum. Neque
id mirum videri debet; cum enim magis ma-
gisque indies res hujus Societatis efflore-
scat, nihil tandem aliud expectandum est,
quam ut progressu temporis annua distribu-
tio in Participantes faciendâ adæquet ipsam
summam capitalem.

36. Porro superioribus annis, exem-
plo, auspiciis & modo paribus Societas illa
quoque instituta est, quæ Indiæ Occidenta-
lis appellatur. Cui sub initium turbandæ,
duodecennales inducias Rex Hispanorum
à Fœderatis Belgis petiit & obtinuit, quod
nimirum intelligeret, Indici argenti ditis-
simis mercibus omnem rerum suarum car-

D 6 dinem

dinem versari. At elapsis illis induciis, quibus inter alia cautum erat, ne in Occidentalem Indiam à Batavis navigaretur, pulchrum adeo & necessarium institutum strenue ac serio est promotum.

37. Ad eam constituendam collata est summa septuaginta duarum tonnarum auri, qua pecunia cum adornata esset frequentissima ac instructissima classis, oppidum S. Salvatoris, quod vulgo Baja de todos los Santos Hispani vocant, caput rerum Hispanicarum in Brasilia feliciter est expugnatum: sed & mox infeliciter amissum. Interim ex direptis captisque iis in oris Hispanorum Lusitanorumque ditissimis navibus tanta collecta est præda, ut jam statim inter ipsa initia floreni e. g. viginti quinque in singulos participantes distribuerentur, qui constituendæ huic Societati florenos centum contulerant. Paulo post capta, argenteam messem ferente, Hispanorum classe, præda ad duodecim auri milliones & amplius æstimata est. Qua occasione dimidiata pars creditæ sortis sive summæ capitalis in participantes est distributa, adeo ut singulorum florenorum centum nomine, quisq; florenos quinquaginta reportarit.

38. At experiundo cognitum est, in ea distributione Curatores huius Societatis prodigos potius fuisse quam liberales; & incautos potius, quam prudentes. Cum enim

ea tempestate nullam adhuc fixam sedem Imperii rerumque suarum hæc Societas in Occidentali India haberet : potius fuisset , si ea præda ad res constituendas ac confirmandas fuisset collata , quam eam in participantes immaturis adhuc rebus distribuere. Nam huic Societati gravissimum gerendum bellum erat cum Hispanis Lusitanisque , quos acriter defensuros suas in India Occidentali sedes satis constabat.

39. Hæc est ratio cur absumpta jam illa capitali summa , octoginta tonnarum auri , de qua jam diximus, necesse habuerint hujus Societatis Curatores ex participantibus colligere novam quandam pecuniæ summam , dimidiam nimirum partem illius capitalis summæ, quam quisque sub initium contulerat ; cui mox imaginaria auctio accessit 18. tonnarum auri, ita ut tum fuerit summa capitalis 126. tonnarum, mox aucta 54. tonnis , & sic jam excrevit ad 180. tonnas auri. Quod quo facilius inter ancipites hujus Societatis res & prosperas nimis prodige curatas fieret, convenit inter Curatores & Participantes, ut novæ illis summæ collatæ nomine singulis quovis anno ordinariæ & receptæ hic usuræ persolverentur, hoc est , floreni sex, centum florenorum nomine.

40. Sic aucto hujus Societatis ærario expeditio iterum in Brasiliam est suscepta , ejusque maritima ora , & in ea munitissima & opu-

opulentissima Civitas Fernambucum est expugnata, ex qua sacchari inprimis immensa provenit copia: & mox in interiora limites magis magisque sunt porrecti. Dehinc in oram Africæ itum est, ibique expugnatis aliquot Lusitanorum munimentis hæc Societas aperuit sibi commercia cum illis Africanis gentibus, quæ juventutem suam vendunt in servitutem, quos servos vulgo Negros solent appellare. Qua in re multum positum est momenti. Cum enim incredibilis quidam labor sit, quem sustinere oportet in iis molis, in quibus saccharum ex arundinibus exprimitur, nulla natio Europæa, quamvis validi & compacti corporis sit, cum perferre potest. Possunt autem illa mancipia Africana, quorum statura brevis est, sed vis corporum adeo solida, ut soli & singuli ferre pondus possint, quod tres validiores ex Europæis non possunt sustinere.

41. Quanquam autem hæc sic satis feliciter cesserint, nulla in participantes ex eo tempore facta est distributio, non, quod non multæ ac pretiosæ merces bis terve quotannis: (duodecim enim septimanarum spatio ultro citroque hæc navigatio perfici potest, cum navigationes in Indiam Orientalem ad itum reditumque conficiendum, requirant plerumque spatium mensium sedecim) ex iis locis advehantur, sed quod hætenus usque ad nuperam Lusitanorum ab Hispanis defe-

defectionem, partim ad tuendos limites, partim ad eos necessario augendos, multi operis multarumque impensarum bella fuerint gerenda.

42. Regimen hujus Societatis domi se habet ad eum plane modum, quo Societas Indiæ Orientalis, nisi quod supremo & extraordinario hujus consensu, qui vulgo **De Vergaderinghe van de negenthien** appellatur, semper Præsidis locum impleant ac tueantur Generalium Fœderatorum Ordinum aliquot Legati, idque eo potissimum titulo, quod ipsa Vniversitas Fœderatæ Reipublicæ haud contemnendam pecuniæ summam contulerit ad hujus Societatis constitutionem.

43. Foris in ipsa Brasilia Imperium est penes supremum terrâ marique ibi Imperatorem, qui nunc est Mauritius Nassovius, quod crederetur illustris adeo spectatæque familiæ nomen decus aliquod ac venerationem allaturum huic Societati, inter illas gentes, quæ longe ferociiores magisque barbaræ sunt, quam in India Orientali.

44. Gubernatori additi sunt duo, vel tres qui à Curatoribus hujus Societatis ex ipso Curatorum Collegio deliguntur, & in Occidentalem Indiam destinantur: horum est conjunctis consiliis deliberare ac decernere ea omnia, quæ salutem Societatis spectant.

45. Est

45. Est & ibidem locorum Senatus, quem Politicum vocant, institutus, in quo jus dicitur & lites privatorum cognoscuntur.

46. Cætera omnia se habent ad eundem modum, quo res alterius Societatis in India Orientali administratur. Cæterum hæc Societas intra hujus Brasiliæ angustias continere se hæud constituit, omnesque eo convertit hodie destinationes, ut aditum sibi in Occidentalis Indiæ interiora, & argenti-ditissimas fodinas, quarum partem Hispani possident, partem ipsi Indi nondum subjugati ab Hispanis, eorumque contumacissimi hostes sibi servavêre. Spes vero de successu vix dubia esse potest, oblata præferrim nunc eorum bellorum occasione, quæ Chlientes populi in ora hujus Indiæ maritima positi, cum Hispanis omnium atrocissima gerunt. Quibus cum sola desint arma ac alia militiæ instrumenta, iis è Batavia eo delatis Societatem cum his ac foedus facile obtinere posse, plerisque est persuasum, & jam eo idonea Classis, armaturâ ejusmodi referta, ante menses aliquot est destinata.

47. Vtriusque hujus Societatis milites militiæque Præfecti non solis Societatum Curatoribus, sed Ordinibus Generalibus fœderati Belgii, Supremoque etiam militiæ Imperatori dicunt Sacramentum, quod neque tutum neque decorum sit, vim arma-

tam

BELGII PROVINCIA R. *Cap. VIII.* 89
tam in privatorum esse manibus, solemnibus
sacramento toti Reipublicæ non obliga-
tam.

48. Vtraque etiam Societas utitur privi-
legio illo, quo solis illis in utramque In-
diam navigare concessum est, non per-
petuo, sed vero intra certum annorum in-
tervallum constricto, viginti puta, aut tri-
ginta præter propter annorum; Cujus
instituti quidem duplex est ratio. 1. Pri-
ma est ista, quod eæ in foederatam Rem-
publicam forte aliquando incumbere pos-
sent necessitates, quibus ad incundas
cum Hispanis inducias vel quoque pacem
compelleretur, neque eas obtinere pos-
set, nisi prohibitis ulterioribus in utram-
que Indiam expeditionibus. Itaque ne ea
occasione contra dati privilegii fidem ali-
quid Ordines Generales constituerent, cau-
te placuit certo annorum spatio ejus usum
definire. Secunda est quod sic fiat, ut Cura-
tores utriusque Societatis identidem necesse
habeant eorum privilegiorum ab Ordinibus
petere continuationem, quâ occasione pro
auctis utriusque Societatis opibus Respubli-
ca identidem sibi velut redolmenti loco
ingentem quandam pecuniæ vim potest sti-
pulari.

49. Denique utraque Societas ad confir-
mandam hanc Rempublicam maxime est
comparata, dum utriusque rebus feliciter
gestis,

gestis ærarii Hispanici res inprimis conturbantur; dum etiam utraque Societas veluti perpetuum quoddam seminarium est, ex quo belli tempore, ingruente subito aliquo tumultu & arma & armatas naves, & armatorum hominum aliquot millia è vestigio possint adhibere, in quo etiam pacis & induciarum tempore plurima millia militum, quasi alio in Orbe, in perpetua quadam bellorum meditatione agunt.

C A P. IX.

*Quid de perpetuitate aut duratione Fœderata hujus
Reipublicæ judicandum sperandumque sit.*

Post ea ut licuit, explicata, quæ generalem fœderatarum Belgii ditionum administrationem spectant, ad particularem descriptionem nobilioris ditionis inter fœderatas omnes me converterem, nisi de eo argumento, quod huic Capiti præscripsimus, differendi occasionem præberet Cardinalis Bentivoglius, & aliquandiu Pontificis Romani Nuncius in Hispanico Belgio, in eo opere Italice scripto, quod Relationes appellavit, in quo etiam quærendum sibi placuit, allatisque nonnullis rationibus quæ pro perpetuitate hujus Reipublicæ facere videri poterant, tandem contrariis quoque in medium adductis, alia plane omnia de ea sentienda esse, arbitratus est.

2. Vanum profecto est de futuris; superbum

bum autem de perpetuitate alicujus Reipublicæ differere: forma tamen uniuscujusque ac moles opesque facile concedunt, ut de aliis atque aliis majora aut minora quædam præsumamus.

3. Ac inprimis, si causam videamus institutæ hujus Fœderatæ Reipubl. quam ea quidem perpetua est ac necessaria, tam perpetuam futuram Rempub. haud sine ratione licuerit augurari. Causa autem fuit vindictio oppressæ & conservatio recuperatæ libertatis, cujus immotus amor & omnibus gentibus maxime sub Septentrione agentibus, inprimis autem Belgis aut veteribus Batavis innatus est. Accedit quod in hac nova Fœderata Republica in nemine ea libertas lædatur. Causa ergo istius primæ mutationis, & in illa ipsa mutatione recte omnia expleta hoc faciunt, ut nulla plane supersit ratio, ob quam de alia mutatione aut Imperii forma sit cogitandum. Huc etiam adjecerim odium immortale Hispanorum in Belgas Fœderatos, & horum in Hispanos, nullam spem veniæ, metuendos esse quos læseris, & quæ ejus generis alia plura, posse adferre. Non enim mutatio ulla expectanda ex iis est, qui probe intelligunt, mutatione in præcipitium tandem sese ituros.

4. Eadem spes confirmatur, si ad formam institutæ primæ mutationis, post ejectionem Hispaniæ Regem, attendamus. Certissimum est,

est, ubi quis in constituenda Republica ab uno extremo ad aliud transit, plerisque tandem redire prioris istius desiderium. At in foederato Belgio vix ulla veteris Imperii mutatio est instituta, nisi quod solus princeps amotus sit, manente Ordinum Imperio, quorum potestati potestas Principis obnoxia fuit; Ergo cum manserit singulis ditionibus pristinum Ordinum Imperium, idque gratissimum libertati, & ejecto Principe insuper auctum: Cum etiam singularum Urbium pristini Magistratus, pristina privilegia & jura, ab ipsis Principibus olim indulta, manserint: quis non videt in novo & communi foedere harum ditionum, veterem Reipublicæ formam prope intactam mansisse? Nihil igitur ex iis, quæ olim fuerunt, amotum est quod utile omnibus acceptumque esset, cujus desiderium nullum posset redire. Sed & verissimum illud est axioma: Maxime ea omnia duratura esse Imperia, quæ in oblato aliquo transitu rerum, ut loquitur Tacitus, minimum passa sunt mutationis.

5. Neque minora nos præfagire vult modus regiminis Foederatarum Ditionum. In eo enim observare licuit in dissimili singularum ditionum potentia & inæqualibus opibus summam esse inæqualitatem auctoritatis, & quod inæqualitas illa sit futura causa durationis, cum sola plerumque inæquali-

BELGII PROVINCIAR. *Cap. IX.* 93
qualitas causa sit omnium ejusmodi mutationum.

6. Si ad domesticas opes oculos quoque convertamus, cum illæ præcipue consistant in opibus privatorum, atque eorundem infinita atque indefessa industria quædam sit in iis parandis, partisque augendis, nihil certe facile huic Reipublicæ est defuturum.

7. Si ad præsidia etiam externa judicium convertatur, maxime ea, quæ in Gallorum Anglorumque fœdere posita sunt, quam ab omni retro ævo suspecta his gentibus est dominatio Hispanorum, quamque æternæ atque indubitæ veritatis id est, in Fœderatorum Belgarum causa, illorum etiam causam verti & agi, tam æterna hæc præsidia Fœderati sibi possunt polliceri.

8. Si ratio etiam habeatur munimentorum, quæ natura dedit, ut maria & flumina immensa, quam iis maxime fere tribuit conservatque ejusdem cursus ac situs perpetuitatem, tam in iis secura acquiescere hæc Respublica potest.

9. Si exempla etiam similium Rerumpublicarum nostræ ætatis videamus, cum Helvetiorum Respublica eodem plane modo constituta sit, non modo adversus potentissimos Principes sese tueatur, sed ob situs quoque opportunitatem formidata iisdem ac æstimata sit, cum eadem hic & majora concurrant, non sine causa simile durationis
exem-

exemplum in hoc Imperio futurum præsumitur.

10. Non enim votis modò optare, sed ex ipso Reipublicæ ingenio ac ratione sic satis colligere etiam licet, non facile movendam hujus Reipublicæ constitutionem; At Cardinalis ille, quem diximus, Bentivoglius in contrarium nonnullas addit rationes, & quidem;

11. Quod nimirum libertas licentiam, & hæc inæqualitatem, & sic singularis sive unius Imperii desiderium pariat, ut Romani post expulsos Reges amplissima usi sunt libertate, dein inæqualitate Ordinum inter se commissi, postremo sub unius iterum dominationem, nempe Cæsaris, venêre.

12. Ast dicendum, ejus mutationis factæ exemplum frustra adduci, cum ea nata sit ex ita constituta Reipublicæ Romanæ forma, in qua æquabilitati Ordinum non satis erat provisum; quod de hac Republica affirmari non potest.

13. Quod auctoritas nimia sit Supremi Gubernatoris, ac Imperatoris; At vero magnam quidem illam, sed Ordinum multo majorem ac summam esse, habereque illum in iis, quæ summâ Reipubl. concernunt, suadendi, hos autem imperandi potestatem ex iis, quæ supra diximus, satis est manifestum.

14. Quod incredibiles ac pene immensi hic sint sumptus bellorum, & publici ærarii
attritæ

attritæ opes. Responderim vero, sed & hostium opes esse etiam attritas, itaque fœderatos & fœderatorum hostes hac ratione esse pares; in eo interim impares & dissimiles, quod exhaustæ apud hostes sint privatorum etiam opes, quæ sub Fœderatorum Imperio longe amplissimæ & prope inæstimabiles inveniuntur.

15. Quod una Provincia, e. g. Hollandia, multo potentior sit quam cæteræ, ac proinde dominationem in cæteras facile possit usurpare. At vero exciperim in illa potentiæ dissimilitudine, quoad res fœderis curandas, unicuique eandem vim esse auctoritatis, sed & altera in alterius ditionis singularibus rebus nunquam miscetur.

16. Quod diversitas hic plurima sit religionum: Cæterum illud reposuerim; interim singulis de religione diversa sentientibus, eandem datam esse & manere conscientiam, quam vocant, libertatem; quæ cum omnibus sit grata, non potest non omnibus hac saltem ratione hæc Reipublicæ forma probari.

C A P. X.

De singularum ditionum regimine, Hollandiæ imprimis quæ cæterarum omnium loco adducitur in exemplum. De supremis in ea Ordinum Comitibus.

HActenus quidem ea persecuti sumus, quæ communis rei Fœderatorum omnium

omnium Belgarum spectant rationem atque curationem. Reliquum igitur jam est, ut in singulis ditionibus administrandi Imperii rationem videamus. At vero cum id prolixius futurum videatur, satis erit Hollandiam solam inspicere in exemplum, cum ad ejus instar in plerisque sese habeant reliquæ omnes ditiones.

2. Regimen Hollandiæ, quo intelligatur propius, cognoscaturque qui supremi ejus Ordines sint, & ex quibus eorum Comitia constent, ante omnia operæ pretium fuerit audire ipsos illos Ordines ea de re differentes, in diplomate eo de argumento sub initium mutatæ Reipublicæ promulgato.

3. Ordines, ajunt illi, Hollandiæ VVest-Frisiæque bipartiti sunt, ac in duo membra distributi. Constat enim partim ex delegatis Nobilium & equestri Ordinis illius Provinciæ, vulgo *die Ridderſchap ende Edele* appellantur; partim ex Civitatibus, quæ vulgo *die Steden* vocantur. Vnde publicorum decretorum Ordinum hujus Provinciæ inscriptio sic se habet, Equestri Ordo, Nobiles & Civitates Hollandiæ VVest-Frisiæque.

4. Nobiles igitur unum membrum constituunt, tum stemmatis splendore & gentis dignitate, tum Dynastiis & possessionibus per hanc ditionem sparsis illustres.

In quibus Dynastiis vel Dominiis supremam,

mam, mediam & infimam præfecturam sive
 Iurisdictionem omnes ad unum sere soli
 habent atque exercent. Hi autem è renatâ
 in unum conveniunt de statu publico deli-
 beraturi, & in Comitibus una cum Civitatum
 Legatis in commune bonum patriæ consu-
 lunt.

5. Civitates quod spectat, cum earum
 Magistratus constituent octodecim sequen-
 tia membra Ordinum Hollandiæ, de earum
 singularum singulari regimine hic etiam est
 dicendum. Est autem in omnibus non unus
 prope idemque regiminis modus.

6. Collegium Senatorum Urbicorum qui
 à prudentia quâ cæteris antecellunt, vulgo
Doetschappen appellantur, quasi dicas
 sapientes, constat ex insignioribus civibus
 & Patriciis, numero alibi 40; alibi 36, alibi
 32, alibi viginti novem, alibi viginti qua-
 tuor, alibi viginti.

7. Atque hæc Collegia antiquitate cum
 ipsis Civitatibus certant, aut certe monu-
 menta ipsorum originem prodentia oblite-
 rata sunt. Cooptati in eum Ordinem, co-
 munere quoad in vivis sunt, aut civitate
 gaudent, fruuntur. In mortuorum vero aut
 alio migrantium locum alii ad explendum
 numerum ex ipsis civibus communi consen-
 su Collegarum surrogantur.

8. Penes hæc sola Collegia deliberandi,
 consulendi ac decernendi de negotiis tam

E

totius

totius ditionis, quam urbis jus potestasque est: quodque in iis Collegiis deliberatum, consultum & decretum est, à tota plebe volentibus omnibus admittitur, nec quispiam idem infringendi aut impugnandi habet potestatem.

9. Eliguntur in his Collegiis quotannis Ordinarii Magistratus, quatuor videlicet, tresve vel duo Consules, qui *Burgemeesters* vulgo appellantur, & septem aut plures iudices, qui Scabini aut *Schepenen* vulgo, quorum omnium annum munus est; Hi in quibusdam civitatibus absolute eliguntur, in quibusdam duplicato numero nominantur, ex quo numero geminato Supremus Ditionis Gubernator, consulta curia, eligit illos septem vel plures, quos diximus iudices aut Scabinos appellari.

10. Munus Consulium est imperare, rebusque politicis adesse tam in administrandis bonis redditibusque urbicis, quam in curando, ut generatim dicam, ne quid Respublica capiat detrimenti.

11. Scabini administrandæ justitiæ, cognoscendisque controversiis & civium potissimum causis vacant; estque penes ipsos in singulis Urbibus suprema, media & infima jurisdictio.

12. Penes hæc magistratuum collegia summum Imperium est per Hollandiæ VVest-Frisiæque civitates, idque fere pari ubique

ubique modo, ita ut Principes Regionum istarum nihil quidquam sibi vendicarint præterquam jus Prætoris creandi, qui ipsorum nomine justitiam consequeretur.

13. Hic status est Urbium Hollandicarum, totiusque adeo Reipublicæ, unde certo colligi potest, collegia hæc magistratuum & Senatorum Urbanorum conjuncta cum Nobilium conventu, totum corpus Hollandiæ repræsentare. Nec ulla alia regiminis forma facile invenitur, quæ meliore cognitione causæ de rebus publicis statuatur, decernat, aut sua decreta majori pace, auctoritate ac consensu exsequatur. Quamobrem nemini mirum videri debet, statum hujus Provinciæ reliquarumque nunquam nutasse, & nulli alii facile de perpetuitate cessurum.

14. Ut vero hæc Urbium & Nobilium Collegia apte congregentur, & consilia simul communicentur, nulla re id commodius, quam per eorundem Ordinum ordinarios delegatos effici potest atque obtineri. Quotiescunque igitur res seriæ incidunt, quæ ipsorum Ordinum operam & conventum requirunt, jam tum ad Comitia conscribuntur atque evocantur, litterisque unà præcipui articuli & capita, de quibus deliberandum erit, inseruntur, quibus in collegiis Urbanis & Nobilium ventilatis & expensis, decretoque super iis facto, tales, quibus maxime fidunt,

ad præscripta Comititia ablegantur cum potestate consulendi ac decernendi, quæ potissimum ad commune bonum, totiusque ditionis commoda spectare iudicabunt.

15. Nobiles in iis Comitiis solenni & competenti numero 12. fere aut 13. sese sistunt: Civitates vero Consulem cum nonnullis Senatoribus mittunt, idque eo numero, quem moles rei postulare videtur, delegant.

16. Atque his delegatis incumbit, res omnes, quæ ad publicam salutem & patriæ conservationem pertinent, cognoscere, pertractare, deque iis omnibus ea statuere, quæ maximopere bono Reipublicæ faciunt.

17. Hi porro delegati cum ad hunc modum convenere, exhibent ipsos Ordines, non quod ipsi per se & propriâ auctoritate Ordines sint, sed quia à potentioribus collegiis id muneris iis est demandatum, & auctores alios agnoscunt.

18. Finitis eisdem Comitiis ac dimissis, iidem delegati actorum omnium ac consultorum rationes autoribus suis exacte reddere tenentur.

19. Atque hoc ipsorum Ordinum de curandæ suæ Reipublicæ ratione publicum rescriptum est, Anno 1587. 16. Octob. cujus sententia tamen & ratio ut propius innotescat,

scat, quædam accuratius expendenda sese offerunt.

20. Igitur in Hollandia, sicut & in omni Republica, offerunt sese res duorum generum, in quibus gerendis expediendisque auctoritas & sententia publica requiritur; quædam nimirum de quibus facta jam sunt decreta, quædam de quibus ut novis & hætenus non oblati nova decreta sunt facienda. Pro harum rerum diversitate duo diversi Ordinum Conventus, alter Ordinarius, alter Extraordinarius, in Hollandia sunt instituti.

21. Qui ut utiliter in extraordinariis Ordinum Comitibus decreta tueatur curâ sua & exequatur, Senatus perpetuo Hagæ-Comitis celebratur, constans ex deputatis Ordinum, qui vulgo **Gecommitteerde Raeden** solent appellari: eum constituunt unus ex Nobilibus, & singularum civitatum singuli Legati, quorum hæc dignitas triennii spatio definitur, & unus Assessor Iurisperitus, & facundus, qui vulgo **Raedt-Pensionarius** / aut magnus Pensionarius appellatur.

22. Idem Senatus ærarium hujus ditio-
nis regit, & res eo pertinentes dijudicat.

23. Idem Senatus recipit omnes querelas, libellos supplices, desideria singulorum civium & civitatum, ut & Ordinum Generalium & Gubernatoris, si quæ sint postulata.

In quibus, si quæ sese offerunt nova, de quibus Ordinum decreta facta non sunt, idem Senatus ad ea cognoscenda convocat Ordinum Extraordinarium conventum, certumque ei diem indicit, missis simul ad nobiles & ad omnes civitates articulis capitibusque, de quibus in proxime indictis Comitibus erit deliberandum.

24. His acceptis Nobiles inter se & singulæ Civitates in Urbico Senatu sententiam exquirunt, & ex majoris partis suffragiis concludunt super iis, de quibus in proximis Comitibus est agendum.

25. Deinde ad statum diem, duodecim ex nobilitate & singularum civitatum Legatis Hagæ se sistunt, constituuntque supremum illum & extraordinarium ipsorum Ordinum Hollandiæ conventum, qui vulgo *de Vergaderinge van de Staten van Hollandt ende West-Frieslandt* vocatur.

26. Legati, quos huius causâ mittunt singulæ civitates, tres fere numero sunt, nempe unus consulum, unus ex Scabinis aut reliquo ordine Senatorum, quibus adiungitur tertius, qui Assessor sive Pensionarius civitatis appellatur, estque hic semper Iurisperitus & disertus, & quasi lingua totius civitatis.

27. Modus autem celebrandorum horum Comitiorum sic se habet: Assessor sive
Pen -

Pensionarius magnus Ordinum director est horum Comitiorum, is solus mensæ, capite semper aperto, assidet, & primo Comitiorum die breviter aperit & exponit indolem eorum negotiorum, de quibus in his Comitiiis agendum est. Dein singuli ex Ordinibus, præstito ante omnia solenni fidelitatis & silentii juramento, de oblatiis negotiis deliberant, & sententiam suam expromunt. Quod à majore parte decretum est, à magno Pensionario in acta refertur. Horum actorum exemplaria, quæ copias vulgo vocant, octavo post peracta comitia die Nobilitati & singulis civitatibus mittuntur, quo unicuique membro, ex quo Comiticia hæc constituuntur, in promptu semper sit noticia rerum ab Ordinibus Hollandiæ actarum atque decretarum.

28. In rebus tamen maximi momenti, ut novis tributis & vectigalibus, bello indicendo aut finiendo, novis fœderibus incundis non ratum habetur, quod sola major pars decreverit, sed omnium consensus necessario expectatur.

29. Si qua nova, dum celebrantur hæc Comiticia, sese offerunt, de quibus Nobiles aut Legati Vibium domi deliberationem cum suis non instituere, de iis non agitur in his Comitiiis, sed res differtur in Convantum proximum.

30. Primum votum aut jus ferendæ pri-

mae sententiæ est penes Collegium Nobilium, qui Nobiles tamen, licet 12, vel 13. numero sint, pariter unum tantum suffragium aut votum constituunt: cum e contra singulis civitatibus (sunt autem 18. numero, quarum Legati in illis Comitibus comparent) singula vota sint. Quanquam dixerim à singulis Civitatibus tres plerumque huc destinari Legatos, sciendum est, tres illos pariter, cum unius Civitatis sint, unius tantum suffragii conficiendi habere potestatem.

31. Verba nobilium nomine facit, eorumque super propositis sententiam exponit Pensionarius Magnus, tanquam Pensionarius Ordinis Nobilium; inter Legatos singularum civitatum sententiam civitatis nomine effert ac commendat Pensionarius uniuscujusque civitatis.

32. Penes unum ex Nobilibus custodia est majoris sigilli Ordinum, quo fœdera & ejus momenti alia negotia majora obsignantur; minoris sive quotidiani penes eum, qui Ordinibus est à Secretis.

33. Atque ita se habent hujus ditionis Suprema Comititia. At supersunt duo adhuc alia Collegia, quæ Collegia Rationalium solent appellari. Penes primum est administratio publicorum Comitatus Hollandiæ bonorum, quæ plerumque Regalia aut dominia solent appellari. Nomen illi est Cameræ

BELGII PROVINCIAR. Cap. XI. 106
meræ rationum, sive de **Camer van Reet-
keningen**. Constat illa ex quinque assesso-
ribus, ab Ordinibus Hollandiæ in ea digni-
tate constitutis. Penes alterum est cura in-
spiciendi rationes vestigalium, tributorum,
aliorumque reddituum Hollandiæ Comitatus.
Constat illud uno ex Ordine Nobilium
Legato, & duobus Legatis ex ordine civi-
tatum.

C A P. XI.

De singulari Urbium Hollandicarum Regimine.

HActenus vidimus quomodo in uni-
versum se habeat Hollandiæ admini-
stratio, ac per Ordines curatio. Reliquum est
ut Regiminis formam, qualis in plerisque ci-
vitatibus est, nunc videamus.

2. Urbium regimen constat ex Prætoribus,
ex Senatu, ex Consulibus & Scabinis.

3. Prætor in singulis unus est, qui non
quidem juris dicendi aliquam potestatem
habet, sed in criminalibus, quas vocant, cau-
sis, Ordinum nomine quasi publicus qui-
dam est accusator, qui adversus reos actiones
apud Scabios instituit, penes quos exami-
nandorum accusationis capitum atque
dicendi juris est potestas. Prætoribus nul-
lum stipendium publicum est; quicquid
enim in gerenda illa dignitate lucri repor-
tant, id totum resultat ex multis pecuniariis,

riis, quæ reis quibusdam indicuntur. Ac id prudenter inprimis Majores nostri instituisse videntur. Vbi enim ex convenienti & accurata cura satis lucri referri potest, curæ isti imposito, nullum stipendium debet decerni; hoc enim decreto languidior, ac remissior in cura & administratione muneris sui est futurus.

4. Senatus Urbanus amplissimus ille est, qui vulgo **den Breden-raedt** appellatur; constat plerisque in oppidis numero, ut Leidæ, 40, in nonnullis 30, præter propter Optimatum & ditissimorum civium. Tales enim solos ad eum admitti volunt antiquæ Leges: unde apparet & singularum Urbium & Ordinum totius ditionis, qui constant, sicuti præcedenti capite diximus, ex equestri ordine & Urbanorum Magistratuum legatis, plane Aristocraticam esse administrandi Imperii rationem.

5. Hic Senatus convocari non solet, nisi ubi deligendi ac creandi novi Consules, novique Scabini sunt: ad ista horum conventus quoque indicitur, quoties Comitia Ordinum convocantur, quo expendant capita rerum, de quibus in iis Comitibus erit deliberandum. Nam quicquid maiori hujus Senatus parti visum fuerit, pro sententia totius illius civitatis in ipsis comitiis exponitur atque habetur.

6. Idem Senatores quasi publici Censores

res sunt Consulum ac Scabinorum, si muneris sui administrationem, atque adeo in ipsis Ordinum Comitibus limites datorum mandatorum exceſſerint. Et quo majori libertate ac promptiori hi Senatores ea in re uterentur, jam olim prudentiſſime cautum eſt, ut perpetua eſſet horum dignitas, neque poſſent removeri loco, niſi ob crimen læſæ Majeſtatis aut delictum quod infamat. Libertatis enim cuſtodes & ejus cauſâ cæterorum Cenſores ſic tueri neceſſum fuit adverſus odium & invidiam eorum, quorum mores, actioneſque ut adverſas libertati ac Reipublicæ perſtringendas ſuſcipiunt. Adeo ut in hoc Senatu ſit & Fulcrum libertatis, & norma ad quam cæterorum conſilia & facta exiguntur.

7. Ex his Senatoribus deliguntur Conſules & Scabini pluribus ipſorum Senatorum ſuffragiis.

8. Conſules alibi 4. alibi numero tantum duo ſunt : Ad horum curam pertinet ea omnia decernere, quæ politiam civitatum concernunt, controverſias civium primo omnium excipere, iis componendis arbitros ſe interponere, aut ad eam rem è civium multitudine deligere, & ſi per arbitros ad pacem proſectum nihil ſit, tum demum ad Scabinorum tribunalia litigantes partes amandare. Quod ea de cauſa inſtitutum eſt, ut quantum fieri poſſet, conſulari hoc arbitrio

inter dissentientes interposito , forenses lites, longi earum tractus, & plurimæ in eas faciendæ impensæ , prævenirentur. Hujus rei causâ iidem Consules quotidie horâ unâ alterâve in eam rem statâ , in consulare conclave admittunt cives omnes, quotquot volunt, cujuscunque ordinis sint ac conditionis.

9. Scabini numero alibi septem , alibi novem sunt. Sunt autem hi non alii quam Iudices civitatis , qui in foro ac tribunali suo statis diebus terve quaterve hebdomadatim cognoscunt civiles causas à litigantibus civibus, & criminales ab accusante Prætorè oblatas: omnis enim causæ , nisi vel per se , vel per Personam privilegiata sit & specialiter huic constitutioni exempta , cognitio prima competit Iudici loci , in quo domicilium habet is, qui convenitur : neque hoc in oppidis tantum, sed & in pagis agrisque obtinet , judicaturque per arresta in oppidis ad summam quinquaginta florenorum, in agris & pagis ad viginti. Sententiæ definitivæ in civitatibus majoribus , quales sunt Dordrechtum , Harlemum, Leyda , Amstelodamum , Gouda & Rotterodamum, executionem suam sub cautione sortiuntur , nisi summam tercentum , in minoribus centum & quinquaginta , in agris sexaginta , & in pagis quadraginta florenorum exceßerint; si quis gravatum se ejusmodi sententiâ putat , liberum ei est appellare :
pri-

primum ad confessum judicum inferiorem, quem Curiam Hollandiæ vocant; inde ad confessum superiorem quem supremum senatum dicunt; & si nec ibi sibi satisfactum putet, ad revisionem ejusdem Senatus duplicato Iudicum numero; additâ tamen temere litigantium poenâ ad multam quadraginta florenorum, in Curia Hollandiæ; septuaginta & quinque, in supremo Senatu, ducentorum in revisione, si nullum fuisse in sententiâ commissum errorem reperitur. Et hæc quidem quæ ad causas Civiles.

10. In criminalibus absolutè & per arrestum, tam in oppidis quam in pagis & agris judicatur; nisi quatenus in civitatibus prætores aliique parem jurisdictionem sub alio titulo in pagis & agris exercentes nomine Principis (id est supremæ potestatis totius ditionis, cujus vicem gerunt) interveniunt, & petitioni suæ nimis detractum putantes graves reo poenas imponi per appellationem postulant, & eo quidem casu permittitur etiam reo ad sui defensionem per modum quem à minimâ dicunt, procedere; per se vero appellandi jus nullum habet. Talis est administratio in Hollandiâ juris, quod ibi receptum est, partim in ipsâ ditione natum, partim aliunde inductum. Natum in ipsâ ditione jus dicimus, quod ipsi Principes, vel supremi magistratus per constitutiones,

tiones, privilegia, decreta & similia constituerunt: observaturque in omnibus causis, ad quas se extendit. Aliunde inventum nihil aliud est quam illud quod Romanorum civile appellamus, ad cuius uberrimum fontem recurritur, quoties in nostro jure (quod hic natum diximus) leges decisoriæ in quæstione aliquâ deficiunt.

11. Porro ne in civitatibus, singulis minoribus causis ac litibus ad Scabinos delatis, majorum cognitio differatur aut impediarur, deligi solent è corpore meliorum ditiorumque civium nonnulli, qui **Commissarissen op de kilepne saeckten** vulgo appellantur, quasi dicas, iudices datos ad causas minores cognoscendas. Horum cognitioni subjiciuntur causæ omnes, quæ non excedunt pretium florenorum sexaginta. Præterea actiones, quæ injuriarum nomine inter cives, quæ inter heros herasque, famulos famulasque & hujus generis aliæ instituuntur. Præest hisce iudicibus semper aliquis Scabinorum, deligiturque inter alios ex civibus ad hanc curam semper aliquis Romani Juris peritus. Si quis tamen in hoc iudicio læsum se arbitretur, ad ipsum Scabinorum tribunal provocandi habet potestatem.

12. Denique Senatui Urbano & Collegio Consulium ac Scabinorum continuo additus est Assessor, quem Syndicum vel Pensionarium vocant vulgo, in quo & facundia,
& Ro-

BELGII PROVINCIAR. *Cap. XII.* 111
& Romani Iuris peritia in primis desideratur, utpotè Os, & in arduis ac difficilioribus negotiis oblati veluti commune quoddam Oraculum civitatis.

C A P. X I I.

*De tributis ac vectigalibus : quotuplicia illa sint.
Denique de eorum colligendorum per universam
Hollandiam ratione.*

C Vm, ut breviter alibi Tacitus loquitur, non sit quies gentium sine armis, nec arma sine stipendiis, nec stipendia sine tributis; idque in Fœderatorum Belgarum Republica cum primis habeat locum, ac ditiones singulæ annum Canonem, quemadmodum in præcedentibus dictum est, ad tuendam communem causam præstare teneantur: quomodo igitur tributis per Hollandiam opes illæ colligantur, nobis tandem propius inspiciendum est.

2. Tributa in usu hic sunt duorum generum; quorum alia ordinaria, alia extraordinaria solent appellari.

3. Ordinaria dicuntur, quæ semel impetrata semper exiguntur. Extraordinaria autem quæ pro diversa ratione, vel superata, vel imminente Reipublicæ necessitate subinde exiguntur, subinde non item.

4. Extraordinaria illa tributa triplicia fere invenio. Primum illud quod singulorum capitum:

capitum : Secundum, quod singulorum caminorum : Tertium, quod omnium opum ac possessionum in universum pariter æstimatorum nomine exigitur. Istud **Hoofst-gelt**/ alterum **Schoornsteen-gelt**/ Tertium **De twee honderste penning** appellatur.

5. Censio capiti ita peragitur, ut uniuscujusque capitis nomine Florenus unus in Rempublicam conferatur: quam rem ærario inprimis augendo facere; & ex infinita quadam hominum frequentia hanc ditionem incolentium cuivis esse potest apertum. Ab eo tamen onere immunes sunt homines pauperrimæ conditionis: Pro talibus autem habentur illi, quibus pudori non est extremam paupertatem suam apud censores profiteri. Semel modo, quod sciam, census iste actus est, multas civium inter querelas, quibusdam etiam imperata præstare detrectantibus, quam ego ob causam ejus postea intermissionem factam crediderim.

9. Id quod caminorum nomine exigitur, nihil aliud est, quam tributum, quod Domini ædium, sive rusticorum sive urbanorum prædiorum persolvunt singulorum caminorum nomine, qui extra tectum eminent. Florenus autem unus sive asses 20 uniuscujusque camini nomine penduntur: In qua agendi ratione Hispani in Regno Neapolitano Batavis præivere; nam is mos ibi quoque observatur.

7. Quod

7. Quod tertium spectat, quo omnium opum nomine singulis tributum indicitur, haud adeo incommode illud Ducentesima appellari posset. Nam ducentorum e. g. florenorum, quos quis possidet nomine, florenus unus in ærarium publicum conferendus est: quadringentorum florenorum nomine duo, atque ita porro. Atqui dicat hic aliquis, difficulter admodum aut vix in uniuscujusque privati opes à Magistratibus cognosci posse, aut æstimari. Neque enim facile quis fortunarum suarum vel magnitudinem vel tenuitatem solet explicare: Vnde colligi potest sæpe fieri, ut in hujus tributii exactiōne haud satis æqui sint Magistratus, dum aliter fieri non potest, quin quidam pauperiores, quidam ditiores quam sunt, Magistratum judicio æstimentur. At huic difficultati prudenti temperamento ac modamine obviam itur. Moris quippe est ut in ducentesima imponenda, Consules reliquique Magistratus Urbani, pro publica de uniuscujusque opibus ac fortunis fama ab aliis plus; ab aliis minus exigant, prout alii ditiores, alii tenuiores æstimentur. Quo fit ut nemo opes suas deferre ad Magistratum cogatur, cum ipsorum Magistratum judicio ex publica fama & celebritate æstimentur. At ista cum plerumque erret, & hic errare etiam possit fama, unicuique privato per leges concessum est, instituire nimii oneris
sive

sive impositi querelam apud Magistratum, si agnoscat opes suas majores, quam sunt, æstimatedas Si quis enim solenni juramento affirmare tum velit, non tanta se in bonis habere, quanta à Magistratibus sunt æstimata, impositæ Ducentesimæ, quantum æquum justumq; est, detrahitur; quâ in agendi ratione id observari dignum est, quòd cum homines plerique sint ambitiosi, nihilque æque affectent, quam opulentorum hominum famam atque existimationem, multi à quibus nimia exegerunt Magistratus, malint nimia illa præstare, quam fortunarum suarum tenuitatem apud Magistratum profiteri.

Adeó ut ambitio subditorum hic profit Reipublicæ, & tributum reportetur earum quoque opum nomine, quæ non possidentur.

8. Ordinaria tributa multiplicia sunt, quorum præcipua nunc prosequemur.

9. Primo autem offert sese, id quod salis nomine exigitur, quod *Sout-gelt* vulgo appellatur. Ejus indicendi hæc est ratio; Magistratus Urbanus singulas familias earumque capita lustrare solet, prout autem vel minor vel numerosior est uniuscujusque familia, major minorve salis mensura quotannis consumenda indicitur, aut potius præsumitur, ejusve nomine major minorve pecuniæ summa præstanda imperatur.

In

In nonnullis civitatibus singulis majoribus minoribusve singulis mensuris certum præstitutum pretium est, quod tributi nomine ab emptoribus persolvitur.

10. Vestigal cerevisiæ, quod promiscue omnes cives solvere tenentur, est assium viginti in vasa singula. Vasorum autem nomine, quibus inditur cerevisia tenuissima, constans tantum pretio assium triginta, nihil persolvitur; quod in pauperum gratiam est institutum.

11. Vestigal cerevisiæ, quod soli cerevisiæ coctores solvere tenentur, est assium duodecim in singula vasa. Tantum quoque solvere tenentur nautæ sive mercatores, quotquot navibus aliunde huc deferunt cerevisiam in Anglia, Germania & alibi coctam.

12. Vestigal cerevisiæ, quod præter jam dictum caupones & tabernarii solvere tenentur, est viginti septem assium in vasa singula.

13. Vestigal aceti constat florenis quatuor & assibus sexdecim in singula majora dolia, quæ vulgo *Amen* vocant.

14. Vestigal vini Gallici constat assibus sex in singulas amphoras sive stopas, ut vocant; Rhenani vero, Hispanici, & id genus aliorum vinorū vestigal constat assibus duodecim in singulas stopas. Vestigal vinorum adustorum constat assibus decem in singulas majores

maiores amphoras quas vulgo **Stoopen** vocant, si ex vino : assibus autem quinque, si ex cerevisia id sit confectum.

15. Vestigal butyri constat florenis quatuor in singula majora dolia, quæ libras butyri continent trecentas & viginti. Singularem autem particularum butyri nomine, quas vulgo **Stopsucken** vocant, solvenda est quarta pars assis sive ortha, **een oortjen** / ut vulgo loquuntur.

16. Vestigal olei constat florenis quatuor in singula majora dolia, quæ pipas vocant; singulorum doliorum nomine olei, quod ex pinguedine marinarum belluarum excoquitur, solvendi sunt floreni tres.

17. Vestigal candelarum tam ex cera quam adipe confectarum, constat florenis duobus & assibus decem in centum libras ejusmodi adipis aut ceræ.

18. Vestigal rotundæ mensuræ, vulgo **den Impost bande ronde maten** / est quod penditur omnium earum mercium nomine, quæ rotundæ formæ mensuris solent mensurari, ut sunt frumenta, semina, sal, calx & alia ejusmodi; pro vehe (vulgo **lasten**) tritici asses viginti duo, siliginis asses vigintiquinque, rotundi minorisque seminis asses triginta sex. Pro centum libris salis asses triginta septem, & sic porro. In eam rem jurati mensores in civitatibus singulis sunt constituti. Solvitur autem hoc vestigal ab

iis

iis mercatoribus, qui magnam copiam ejusmodi mercium, majoresque mensuras emunt.

19. Vestigal cespitum & carbonum constat asse uno & dimidiato in singula cespitum vasa, & florenis octodecim in centum tonnas majorum carbonum, qui ex Anglia aut Scotia advehuntur.

20. Vestigal mercium durioris rudiorisque materiæ, vulgo **de Imposten van grobe Waeren** / constat assibus quinque in centum libras plumbi, asse uno & dimidiato in mille costos lapides, aut in fornacibus induratos, & sic porro.

21. Vestigal ligni, vulgo **den Impost van byant-houdt** / constat numo octavo ejus pretii, quo ejusmodi lignum venditum est, adeo ut si hic strues ligni vendita sit pretio florenorum octo, unus vestigalis nomine solvendus sit.

22. Vestigal pannorum, quibus aurum intextum est, adeoque omnis serici, constat numo duodecimo in singulas ulnas, adeo ut si ulna serici vendita sit pretio florenorum duodecim, unus Reipublicæ cedat.

23. Vestigal pannorum lancorum constat florenis sex Flandricis in partes majores singulas panni Anglici colore nondum infecti, si pars quæque major sit pretii sexdecim librarum Flandricarum (libra autem Flandrica constat sex florenis) pro panni parte libris

bris Flandricis viginti quatuor æstimata, solvantur floreni sexdecim : pro singulis pannis tenuiorum pannorum assem unum solvere oportet. Pro tapetibus quibusvis & deaurato corio, aliisque similibus mercibus, solvendus est nummus pretii, quo æstimatur, hoc est, novem florenorum nomine, unus.

Æstimatio omnis hujus pretii quæritur ex mercatore, qui ne vectigalis hujus redemptionem fallat, vero pretio dissimulato diminutoque, prudenter institutum est, ut solutâ unâ librâ Flandrica, præter indicatum à mercatore pretium, redemptor hujus vectigalis ita, si ei videatur, merces illas sibi possit, ut venditas, retinere.

24. Vectigal vehiculorum & navium constat assibus viginti quotannis solvendis in vehicula & navigia singula minora; majorum navium nomine plus persolvitur, prout plurium vel minorum vehium, sive lastarum sunt. Carrucarum nomine, vulgo *Carossen*/ quibus vehuntur Magnates, pendendi sunt quotannis floreni sex.

25. Vectigal cujusque generis agrorum constat fere nummo sexto pretii, quo agri aliis elocantur. Si quis agros non conduxerit, sed suos colat possideatque, eorum æstimatio à Magistratu initur.

26. Vectigal consitorum agrorum, den *Impost van jaep Landen* / mensuræ terræ

terræ nomine, quæ vulgo **Morgen** appellantur, quocunque tandem semine, quibuscunque plantis arboribusq; consistæ, singulis mensibus solvendi sunt asses quatuor cum dimidio: numerantur autem menses à tempore injecti seminis usq; ad tempus demessi.

27. Vestigal ædium, **den Impost van de Huysen** / constat fere octavo nummo illius pretii, quo in annos singulos aliis ædes elocantur. Sed cum elocationis pretium non unum idemque semper sit, æstimatio singularum ædium à Magistratibus initur, ac Dominis sive proprietariis plus minusve solvendum imperatur, prout ædes majus minusve spatium complectuntur.

28. Vestigal famulorum famularumque constat floreno uno annuo, quem heri aut heræ singulorum famulorum famularumque nomine persolvunt.

29. Vestigal, quod persolvitur omnium immobilium bonorum, quorum nomine etiam majores naves comprehenduntur, constat nummo quadragesimo illius pretii, quo unaquæque res immobilis vendita est, nempe singulorum quadräginta florenorum nomine, penditur Reipublicæ florenus unus. Quæ res quantum ad ærarium augendum conferat, vel ex eo colligi potest, quod non alibi quam hic frequentiores sint immobilium bonorum venditiones. Certe de hac civitate Leidenensi natum proverbium

bium est, singulis trienniis vendi fere & alienari dimidiatam partem civitatis.

30. Vēstigal magni & parvi sigilli constat assibus duobus, quod singulorum papyraceorum foliorum, quibus Hollandiæ Ordinum minus sigillum impressum est, nomine persolvitur; assibus autem quatuor si impressum sit sigillum eorundem majus. Quod ut propius intelligatur, sciendum est, Ordines Hollandiæ non alia de causâ, quam solius hujus tributi nomine recipiendi publico decreto sanxisse, ne quæ testamenta, neque contractus, neque alia instrumenta, quæ in publicis judiciis essent valitura, neque libelli supplices, ac denique ut à privatis nihil eorum, quæ in publicis conventibus, judiciis, tribunalibusque ærariis admitterentur, nisi in ejusmodi foliis papyraceis sigillo Ordinum insignitiis essent conscripta. Placuit autem sigillum diversum, aliud majus, aliud minus, pro diverso momento majori aut minori illarum rerum, quæ sic veniunt describendæ.

31. Restant adhuc plurimæ atque aliæ vēstigalium aut tributorum species, quarum omnium rationem ac modum exponere, nimis nunc prolixum foret, neque necessum est, cum publica autoritate Ordinum Hollandiæ typis descriptæ extent.

32. Itaque tandem colligendorum, ejusmodi vēstigalium diversam rationem videamus

mus, quod quo accuratius à nobis præstari possit, diversæ sententiæ ac deliberationes publicæ, earumque rationes ante omnia observandæ sunt.

33. Cum in Comitibus Ordinum hac de re quæreretur, quidam existimavere, nomine publico quosdam è Magistratibus Urbanis, aut stipendiis conductos, alios in singulis civitatibus esse atque creari oportere, quibus colligendorum pro Republica vectigalium cura incumberet, existimantes elocationem vectigalium, eorumque pro certa pecuniæ summa factam à privatis redemptionem Reipublicæ etiam intutam & noxiam fore. Cuius sui consilii has afferebant rationes.

1. Quod in publicis personis, quam privatis plus esset auctoritatis; eam autem maxime requiri in re odiosa; rem autem odiosam esse vectigalium exactionem. 2. Quod incertus sit quorundam vectigalium annuus proven-
tus, ut eorum, quæ vini & cerevisiæ, aliarumque ejusmodi rerum nomine persolvuntur: Nam e.g. in eadem civitate subinde centena, subinde centum & quinquaginta vini dolia quotannis inter cives consumi; non igitur certâ pecuniæ summâ vini nomine solvendum vectigal privato alicui elocari posse afferebant: aut enim majore aut mino-
ge summa redemptores vectigalium vectigalia redempturos; si majore quam ipsi accepturi essent, id futurum conjunctum cum

F

damno

damno redemptorum; Sin autem minore, quam accepturi essent, id futurum cum damno Reipubl. 3. Addebant illi singulis annis increfcere frequentiam civium, illâ increfcen- te augeri vectigalium proventus. Si igitur in annos plures elocentur privatis quibusdam, vectigalia indies augenda, pro certa & eadem pecuniæ summa annuatim pendenda, futu- rum quoq; ut damnum præsentissimum Res- publica sentiret. 4. Denique & postremo ad- ferebant illi in medium, periculosum esse, proventus publicos credere fidei subdito- rum. Quid si enim redemptores eorum no- mine plurima promiserint, & nihil præstent? quid si ea convertant in privatas necessitates? quid si denique annuæ pensioni, in quam con- ventum est, solvendæ impares deprehende- rentur? In manu igitur & potestate Reipu- blicæ ea esse ac manere oportere, sine quibus Respublica consistere non potest.

34. Contra vero ab aliis differebatur, exi- stimantibus, privatis vectigalia quædam elo- cari pro certâ annuâ summâ pendenda opor- tere. Observabant quippe illi duorum gene- rum, sive duplicis conditionis esse vectigalia, quædam certis rebus imponi, & proinde eo- rum certam iniri posse rationem. E. g. vecti- galia aut tributa esse quæ singulis ædibus, sin- gulis agrorum latifundiis imponuntur, quam horum certus numerus & certa spatia cogno-
sci

se ipsi possunt, & iniri, tam certum esse horum
 vectigalium proventum. Alia esse, quæ re-
 bus incertis, & quæ eodem modo se non ha-
 bent ac judicantur, imponuntur, incertam
 igitur esse earum rationem; qualia vectigalia
 sunt, quæ ex vino & cerevisia, quæ usu nunc
 majora, nunc minora consumuntur, solent
 indici: quam horum incertus numerus, tam
 incertum esse eorum vectigalium proven-
 tum. Statuebant igitur illi, priora ista ut certa
 nomine publico, ab ejus rei publico curatore
 colligi posse: posteriora autem illa ut incerta,
 privatis pro certa pecuniæ summa elocari
 oportere. Habebant illi consilii sui has ratio-
 nes. 1. Quod in his vectigalibus multis frau-
 dibus inter subditos sit locus, quibus eludant
 illorum præstationem: In eas fraudes dili-
 gentius inquisituros privatos redemptores,
 ut tanto plus lucri reportaturi, quanto dili-
 gentius fraudes omnes observarent atq; aver-
 terint; plerumque enim ita fieri, ut anxie ma-
 gis res privata quam publica administraretur.
 2. Satis illis privatis futurum auctoritatis:
 nam contractu cum iis inito, exigendi vecti-
 galia idoneam auctoritatem & velut publi-
 cam personam in eos transferre magistratus.
 3. Addebant, quia incertus sit horum vecti-
 galium annuus proventus, pro certa pensione
 annua privatis ea necessario elocari oportere:
 Præstare enim certi quid pro Republica de-

cernere & stipulari, quam reditus ejus esse incertos; sic enim calculum in Imperio posse poni, si plus quam acceperint, soluturos se promiserint redemptores, ex contractu enim teneri ad promissam solvendam annuam pensionem. Si autem plus acceperint, quam Reipubl. debeant ex contractu, commodum etiam penes Rempublicam esse: nam anno proximo ubi iterum publica velut auctione ea vectigalia privatis elocanda venerint, aut prioris anni Redemptorem accepto commodo illectum, aut alios similis lucri spe invitatos majorem summam, pro redemptione eorundem vectigalium Reipublicæ oblaturos. 4. Iidem testabantur, non velle se in plures annos, quam unum, vectigalia privato alicui elocari, ut quotannis meliore facta civium conditione, quotannis etiam eorum nomine plus Reipublicæ offeratur, ac præstetur à redemptoribus. 5. Denique affirmabant, frustra prætendi, periculosum esse res & opes publicas credere privatis: nam illa mala illumque merum idoneis fidejussoribus à redemptoribus Reipublicæ oblatis, posse præveniri; posse etiam constitui, ut pro modo annuæ pensionis parte n ejus singulis mensibus in ærarium publicum inferre redemptor teneatur.

35. Postrema illa sententia ab omnibus tandem recepta est, isque modus agendi hodieque observatur.

36. Vc-


36. Vestigalia igitur quædam colliguntur, quædam elocantur. Colliguntur à personis publicis in singulis Urbibus institutis, ea, quorum certa, ut diximus, potest ratio iniri: elocantur autem illa, quæ diversi ingenii sunt.

37. Elocandi autem ratio sic peragitur. Quotannis in singulis civitatibus & territoriis Ordines programme, typis descripto publicisque locis affixo, tempestive indicant, se statò die & loco hæc aut ista vestigalia privatis maximam pro iis summam pecuniæ oblaturis elocatuuros, iis legibus ac conditionibus quæ formulis edictorum, de iis vestigalibus publicatorum continentur. Vbi status dies ille illuxit, Ordinum legati per præconem publicum dictorum vestigalium redemptionem velut hastæ subjiçunt & vendunt, ut in publicâ auctiõne. Is qui conductor est aut redemptor, Telonarius, vulgo **Dachter** appellatur, cogiturque idoneis fidejussoribus illo ipso momento cavere, ne quid Respublica capiat detrimenti. Si enim redemptor aut conductor deficiat in præstanda pensione annua, quam obtulit, fidejussorum ipsorum bona ac fortunæ distrahuntur, quo ex iis Respublica ea, quæ debentur, sibi possit reportare. Si enim redemptor aut conductor deficiat in præstanda annua pensione, fidejussores locum ejus subire tenentur.

38. Ad præveniendas civium fraudes duo imprimis utiliter sunt recepta. Nam & bajuli omnes civitatum, qui vehunt ac portant merces, quarum nomine vectigalia sunt instituta, solenni juramento quotannis se obstringunt, in privatorum ædes nullas earum mercium illaturos sese, nisi exhibitâ sibi & acceptâ schedulâ, quâ testatur redemptor vectigalium, sibi esse satisfactum.

39. Secundum est, quod immanes pecuniarum multæ eos omnes maneant, qui vel in re modica tantum redemptiorem fefellisse deprehenduntur. Delicta enim quæ facile possunt perpetrari, ac ex quibus multum utilitatis referri potest, qui ea impune committunt, non nisi summâ poenarum severitate, excepta, prohiberi possunt, aut præveniri.


F I N I S.



PAULI MERULÆ

De Statu

REIPUBL. BATAVICÆ
Diatriba.



PAULI MERULÆ

De Statu .

REIPUBLICÆ BATAVICÆ

Diatriba.

GERMANIAM non ignobilem Europæ portionem , posterioris ævi scriptores tradunt duplicem , Superiorem & Inferiorem. De Superiore , quæ item Vetus & Magna , non jam dicendi locus. Inferior , quæ nonnullis ab insigni præstantia ocellus dicitur orbis borealisioris, hodie vix habet provincias ; quarum quæ ad septentrionaliorem Rheni ripam , in quæ Batavia nostra , olim veteri erant Germaniæ , quæ vero ad australiorem ejusdem fluminis marginem , Galliæ quondam contributæ erant Belgicæ. Singulis ante centum, & qui excurrunt, annos, sui fere fuerunt Principes, successionē nobilissima ; qui sexus utriusque propter virtutis communionem, illustriaque exempla , nasci nobis melius , pacatius , securius consueverunt, quam eligi. Sui vero fuerunt, Braban-

E 5

tis

tiæ quidem, Limburgo, Luceburgo, & Geldriæ Duces; Flandriæ, Artesiæ, Hannoniæ, Hollandiæ, Zelandiæ, Namurco, Zutphaniæque Comites; Imperio sacro, cui suum Antverpiæ sacrarium, Marchiones; reliquis denique Frisiæ, Ultrajecto, Transisulaniæ, Mechliniæ, & Groningæ Domini. Primus universum & absolutum omnium simul Principatum adeptus est Carolus Imperator, ejus nomenclaturæ Quintus; strata ab ipsius progenitoribus regaliter ad tantum fastigium via partim matrimoniorum & adfinitatum, partim vero successionum jure & beneficio. Carolo successor fuit Philippus filius, non solum felicissimus Belgicæ totius Princeps, verum etiam potentissimus Hispaniarum, aliorumque regnorum monarcha. Sub eo variis artibus, technis, dolisque circumdicto, intoleranda constitutionum, quæ contra puriorem religionem profectos facta acerbitas; tyrannica inquisitionis contra miserorum subditorum conscientias impotentia, & odiosa privilegiorum infractio, novis Episcopatibus, multisque suppliciorum generibus comitatæ, quum jam sub Carolo ipsius patre initium habuissent, adeo invaluerunt, suasque exercere & exerere vires cœperunt, ut crudelissima bella (quibus quis tandem futurus finis?) genuerint; Philippo crebras suorum preces, contestationes, supplicesque libellos, atque adeo pias multorum

rum Principum, quin ipsius etiam Imperatoris, pro ipsis intercessionibus cum indignatione abjicienti, principatum abrogarint, & discidium, quod hodieque inter Provincias; nunc has, nunc illas, funestum sane calamitosumque fecerint: quarum quæ, scopo religionis reformatæ libertatisque avitæ proposito, fœdus inter se contra communem hostem injerint, Fœderatæ & ab unione sancta Vnitæ jam nunc appellantur. Sunt ejus hodie conditionis septem: unus Ducatus, Geldria, cui Zutphania concensetur; Comitatus duo, Hollandia & Zelandia; Dominia quatuor, Frisia, Vltrajectum, Transisulana & Groningana ditio. Hæ sunt, quarum auspiciis bellum hodie contra potentissimos hostes, cum summo omnium stupore gerit unus (nam apud nos penes unum rei militaris est summa) Mauritius Nassovius Guillelmi Principis Arausianorum filius, heros gloria plenus, Ductor copiarum Fœderatorum invictissimus: de quo, ut olim de Carthagine enuntiavit Sallustius, satius est silere, quam pauca tenuiter & jejune dicere. Is sane est, cui ipsissimæ boni legitimique Ducis adsunt & insunt notæ; gnara rerum militarium, ante pugnam, in pugna, post pugnam scientia; admirandas corporis ingeniique vigor: animi sine superstitione probitas, sua cum prole, innocentia, temperantia, fide, facilitate & humanitate; item providentia cauta, cun-

stans, nihilque agens, vel timide vel tumide, elicita denique consilii rationisque comes; & auctoritas, comi quadam severitate & severa quadam comitate temperata. Provinciæ à me commemoratæ de iis, quæ ad communem spectant salutem (nam ea omnibus certatim in pectore est & oculis) acturæ, singulæ suos Hagam (destinatum rebus agendis locum) mittunt legatos; vel unum vel plures, pro qua quæque est autoritate & potentia, viros pietate insignes, probitate venerandos, doctrina singulares, rerum experientia plane stupendos. Hi vulgata appellatione cum Generales, tum Fœderatarum vel unitarum Provinciarum vocantur Ordines. Hi gubernaculo assidentes, navim prudentia summa regunt, in qua Provinciæ, quas dixi, tranquillissime quasi vehuntur. Penes hos, supremum quoddam sanctissimumque collegium statuentes, tractatio, discussio diffinitioque est rerum, quæ belli, quæ pacis, maxime ponderis & momenti. Horum est, adhibito in consilium Præfecto, bellum discernere, de pecunia, com meatu, armis cogitare; exercitus conscribere, conscriptis peritos animososque dare duces; Ducibus quo, quousque, quando, quomodo ducendum, prudenter præsignare. Horum est, Legatos audire, Imperatoris, Regum, variorumque Principum, pacem facere, fœdera sancire, quemadmodum factum cum Christianissi-

mo.

mo Galliarum, Serenissimoque Angliæ Regibus, aliisque Principibus. Horum denique, patriam ut familiam propriam, incolasque ut filios & tanquam se ipsos pie amantium curare est omnia quæ ad totius Reip. corpus ejusque salutem pertinent & incolumitatem. Sed specialiozem publici status, qui apud Batavos, delineationem exhibiturum me sum pollicitus. Hoc igitur agam; præmonitos cupiens lectores, quæ de Batavorum regimine sum dicturus, ea in reliquis etiam foederatis Provinciis habere locum: omnia tamen apud Batavos esse speciosiora, solidiora, & majorem singulis esse splendorem & apparatus. Batavis, sui, quem res Romana staret, juris, amicis fratribusque quod veteres docent Inscriptiones, populi Romani, circa annum DCCCXIII, præesse cæperunt non absolute & imperiose, sed limitata potestate, Comites. Eorum primus fuisse legitur Theodericus, ab Carolo Simplice missus, Francorum monarcha, uti contra futes Historiographos rectissimis argumentis probat in suis Annalibus Vir nobilissimus, rerumque hujusmodi peritissimus, ut qui dignissime præfectum agit custodiendis antiquissimis patriæ nostræ chartis & monumentis, Ianus Doufa, Nortivici Toparcha. Theodericum secuti sunt illustrissima progenie, cum fæminæ, tum masculi circiter xxx: iis perpetuo legibus,

gibus, ut privilegia, immunitates, usus, consuetudines, juraque omnia sacra recta fideliter conservarent: quæ sanctissime semper ab omnibus custodita primus, ab aliis circumductus, violavit Philippus Hispaniæ Rex, cui ea propter, ut antea obiter indicavi, imperium publice fuit ademptum anno cId Io LXXXI, die mensis Julii XXI. Ab eo tempore principatus fuit penes Ordines: qui quicquid est juris publici gubernant vel universim per se, vel speciatim & distinctis muneribus per alios. Per se quidem coactis comitiis. Comitium nihil aliud, quam conventus eorum, qui post acceptos examinatosque præcipuos, de quibus agendum, articulos, cum ab nobilibus, tum ab civitatibus deleguntur ad consultandum inter se de iis, quæ ad commune bonum, & omnium spectent salutem. Constituunt autem comitia duo membra, partim Nobilium, partim Civitatum legati. Inter Nobiles primi nunc loci sunt Brederodii; olim antiquissimi censebantur VVassenarii; potentissimi Egmondani: sequuntur Brederodios Scagii, (veniam precor si peccem in ordine) Assendelfii, Doufæ, VVarmontii, Poelgeestii, Matenesii, & alii. Ex Nobilium classe sistere se consueverunt assiduo in Ordinum comitiis non pauciores tribus. Civitates, qui suos ad conventum ablegant deputatos, non pauciores duobus, sex sunt majores; Dordrechtum, Harle-

Harlemum, Delphi, Lugdunum Batavorum, Amstelodamum, Gouda : quædam item minorum gentium, Zuyt - Hollandiæ quidem, Rotterodamum, Gorichemum, Schiedamnum, Schoon-Hovia, & Briela; Noort-Hollandiæ autē Alcmeria, Horna & Enchusa. has præter Nobiles moris est ordinaria ad comitia convocare. Quoties autem de contributionibus, de ineunda cum hoste pace, de indicendo bello, deque mutando Reip. statu est quæstio, reliquis etiam minoribus, solenniter evocatis, jus conceditur sessionis & suffragii. Conveniunt autem Ordines ordinarie singulis trimestribus, intermediis etiam nonnunquam temporibus, si necessitas flagitat : idque Hagam, quæ Comitibus Batavicis ab omni tempore consecrata : quemadmodum nunc Neomagum, nunc Zutphania : & Arnhemium, Gelricis; Middelburgum, Zelandicis; Frisicis, Leovardia; Trans-Isulanis Vollenhovia; Ultrajectinis & Groningensibus urbes cognomines. Comitibus prudenter dirigendis præest, qui augusta appellatione nominatur Advocatus Provincialis. Hic Hagæ habens domicilium, non alio, vel in Hollandia, vel alibi, quam quod impositum, fungens munere, apud civitates, pagos, collegia, privatosque omnes incolas cum Hollandiæ, tum aliarum regionum neutrarum se gerit partium, nemini obligatus : curare quantum fieri potest solitus, ut
jura

jura privilegia & consuetudines Provinciæ ;
Ordinumque auctoritas illæsa servantur.
Hujus est omnia Ordinum comitia prope
observare, iisque statuto tempore, nisi morbus,
aliave necessaria causa impediat, interesse :
Hujus, congregatis Ordinibus, prima co-
mitiorum die, brevibus ea, de quibus agen-
dum, cum viva voce, tum ex scripto comme-
morare ; de singulis nobiles, civitatumque
delegatos sententias rogare, easque fideliter
notatas summa silentii fide legere, & post
rationem, quæ prævaleant indicare, ut quod
facto opus, fiat. Hujus denique catalogum
omnium actorum conficere ; constitutiones
omnes, idque genus alia, quæ alicujus pon-
deris, extendere ; intra octavum post singula
comitia diem nobilibus, singulisque civitati-
bus actorum omnium, quæ præteritis nata
comitiis, ut exscripta mittantur curare. Or-
dines solenniter coacti, præstito fidelitatis &
silentii juramento, quæ proposita in matura
vocatione deliberationem. Ea ad certa re-
ferri possunt capita. Consueverunt igitur
agere de contributionibus, consensionibus,
subventionibus, idque genus aliis ; de obli-
gationibus vel temporariis vel perpetuis,
quibus incolæ hujus religionis eorumque
bona obligantur ; de mutando regionum rei-
que publicæ statu ; de pangenda pace facien-
disque induciis ; de bello indicendo ; de fœ-
deribus ineundis ; de alienandis, cedendis,
donan-

donandis, quæ ad regionem pertinent, rebus; de stipendiis & honorariis constituendis; de conficiendis novis decretis; de rogandis abrogandisque generalibus consuetudinibus; de conferendis publicis muneribus; de remittendis publicis debitis, de varianda publica moneta; de augendis extraordinariis contributionibus, de concedendis alicui civitati, pago, collegio, privilegiis. Alia, ne sim prolixior, prætereo. In suffragiis autem ferendis, primæ debentur Nobilibus; secundæ Dordrecht; tertiæ Harlemo; quartæ Delphis; quintæ Lugduno; sextæ Amstelodamo; septimæ Goudæ; octavæ Roterodamo; quod deinde minores reliquæ sequuntur. Ex ordine suam quisque sententiam declarat, ejusque rationes sine aliorum interruptione, & quod major pars decernit, ratum habetur. Et sic quidem admirandum hoc florentissimæ Reip. corpus per se gubernant universum Illustissimi Ordines: qui quum singulis tantum trimestribus, ut antea dixi, convenire sint soliti, & intermediis temporibus frequenter ea incidunt, quæ dilationem vel moram non patiuntur, perpetuos habent deputatos, quorum continua quasi & cessante nunquam opera res administrant cum terrestres, tum maritimas. Priores quidem deputati vocantur collegæ, posteriores consiliari Admiralitatis. In deputatorum collegio sex sunt, qui ex nobi-

nobilibus & præcipuis civitatibus legi consueverunt in annum, iurejurando obstricti, se quicquid injunctum ipsis cum diligentia & fide, nulla habita personarum ratione, servaturos, nemini se obligaturos, ab nemine honoraria, pensiones, dona qualiacunque accepturos. Horum est de Provinciæ statu, omnibusque quæ incidunt, cum Præfecto Provinciæ communicare, eidem fidele, quodque Reip. est bono, consilium suggerere, ad commodum vel proprium vel alterius quod egregium publicum posset remorari, non attendere. Item quæcunque in Ordinum comitiis vel justitiæ tuendæ, vel politiæ stabiliendæ constituta sunt, ut executioni mandentur, gnaviter curare. De omnibus quæ ad regionis statum pertinent, & vel Præfecto, vel aliis non sunt reservata, maximo Reip. commodo deliberare: ad ea, quæ maximi momenti moram non patiuntur, Ordines extra ordinem convocare. Eorundem est, ut pax, concordia, amicitia inter urbes, agrorum universitates pagosque serventur; &, ne qua per aliquem vis fraudisque fiat Ordinum constitutionibus, specialem adhibere diligentiam; Rogare porro ut non solum delicta militaria, verum etiam exactiones concussionesque eorum, qui potestate præditi, rigide puniantur: utque contra seditiosos, rerumque novatores, quique aliquid contra Reip. salutem moliantur, absque ulla

ulla conniventia procedatur, instare. Ipsorum etiam est, armorum omnium, quæ in publico armamentario, fidelem habere catalogum: ut constituta præsidario militi pulveris tormentarii, fomitisque igniarii quantitas tradatur, neve quid armorum limitaneis oppidis desit, adniti: ut denique passim in Hollandia munitiones & propugnacula exstruantur, eaque (sarta-recta) conserventur sedulo, curare. Habent iidem, ne illud præteream, cognitionem & jurisdictionem controversiarum, quæ publicarum impositionum, subventionum, pensitationum & similium occasione moventur, nulla concessa appellatione: item absente præfecto, causas omnes judicant terminantque quæ pertinent ad captivos, prædasque militares. & alia, quæ inde oriri & manare sunt solita. In administratione sua hunc sequuntur ordinem, ut primo suscipiant conficiantque, quæ regionis totius; deinde, quæ civitatum, & collegiorum, postremo, quæ privatorum Consiliariorum, quos antea nominavi Admiraltatis, quæ ex præcipuis civitatibus senarium constituunt numerum, est elaborare, ut consensus sit ipsis mutuus & amica conspiratio cum Archithalasso, Ordinibus ipsis, & Ordinum Deputatis, eosque opera fidei & bono juvent consilio: oculis menteque ab emolumento privato proprioque commodo aversis. Eorum est, summo studio intendere,


tendere, ut ad navigationis securitatem, liberum maris usum, custodiamque Hollandiæ fluminum, conveniens semper sit & idonea classis: ut eadem classis perpetuo bene sit instructa omni apparatu bellico, tormentis, pulvere, aliisque ad navalia prælia hostesque pulsandos necessariis: ut denique publici per mare fluviosque comœatus negotiatoribus aliisque iter aliquo facientibus non segniter præstentur. Eorundem est peritos maritimæ rei Præfectos, ducesque cum majorum tum minorum gentium conquirere, iisque iurejurando fidelitatis obligatis ad agendum mandata præscribere. Cognitionem habent sententiæque absque ulla provocatione dictionem, cum defraudibus, dolis, imposturis, quæ in publicis comœatibus solent designari, tum de controversiis, quæ inter navales socios oriri consueverunt. Postremo quæstiones litesque terminant de prædis spoliisque maris: de mercibus naufragorum in mari repertis, de debitis, quæ contraxisse, quam diu merent, deprehenduntur duces sociique navales, de piratis prædonibusque, de delictis denique, criminibus, erratis in mari fluminibusque perpetratis. Iam quo pacto negotia, quæ ad justitiam subditis impertiendam, quæ ad dirigendas pecuniæ publicæ rationes, quæ ad conferenda feuda beneficiaque Principalia, quæ ad regendum saltus, silvas, aquas, aliaque iis, quæ hactenus commemoravi,

ravi, consentanea, quo pacto, inquam, ea Illustrissimi Ordines administrare per alios consueverint, ut jam nunc explicem, temporis, quo circumscribor, breuitas non patitur. Sed quærere jam posset aliquis, cui trium civilis administrationis formarum nostra hæc, hætenus paucis & supremis coloribus à me delineata, conveniat? Non contendam, esse simpliciter monarchicam, non aristocraticam, non democraticam; allatis in medium speciose iis omnibus, quæ pro cuiusq; præstantia & dignitate dici consueverunt. Rogari interim me sentio ex formula, quæ in habendo apud veteres Romanos senatu usurpari solita; Dic, quid censes? Ingenue dicam. Absit sinisterior, quam contra mentem meam promoveri possit invidia, interpretario. Censeo Batavor. Remp. temperatam esse salutariter ex triplici genere laudabili, Regali, Optimate, Populati. primi quidem notas esse in summo exercituum nostrorum Ductore, cujus arbitrio & nutu omnia post acceptum imperium militiæ terra marique gubernantur. secundi signa esse in ipsis Ordinibus, qui de omnibus rebus agendis consilia ineunt, viasque iis bene feliciterque perficiendis cum cura diligentiaque sternunt. tertii deniq; esse indicia in ipsis civitatibus, queis non præconsultis majora negotia insolens tractare, nefas pertractare. Plura non debeo: sufficiant illa, exque paucis deducantur multa.

F I N I S.

DECRETUM
ORDINUM
HOLLANDIÆ ET
VVEST-FRISIÆ,
DE ANTIQUO JURE
Reipublicæ Bataviæ ;

*Nunc primum ex vernaculo Latine
reditum.*



DECRETVM
De
MAJESTATE
ET

Antiquo Iure Reipublicæ Batavica.

EQUESTRIS ORDO, Nobiles, & Hollandiæ VVest-Frisiæque Urbes, repræsentantes earundem Provinciarum Ordines, prudenti deliberatione habitâ, & re communicatâ cum Nobilibus & singularum Urbium Senatu, eorumque suffragiis & responsis, super præsentî harum regionum statu, diligenter expensis; cum fidei jurisque jurandi, tum officii sui nomine, bonû factum censuerunt fore, si diplomate publico legitimum Hollandiæ VVest-Frisiæque imperium omnibus exponeretur: certo sibi persuadentes, lectores omnes & singulos benevolentiam favoremque calamitoso Patriæ nostræ statui convenientissimum adhibituros esse.

Constat, in Hollandiâ VVest-Frisiæque

G

& Ze-

& Zelandiâ, octingentis retro annis, Comites utriusque sexus summis imperii rebus admotos fuisse; quibus ab Equestri Ordine, Nobilibus, atque Oppidanis, Ordines earundem regionum constituentibus, supremum jus dominiūque traditum ab antiquo fuit, & legitime delatum. Illi autem ea moderatione ac prudentia Rempublicam gessere, ut nunquam de bello indicendo, aut pace tractandâ, de tributis & vectigalibus imponendis aliisve de negotiis publicis quidquam attentarint, absque consilio & consensu Nobilium & urbanorum magistratuum; qui semper ad Comitata publica evocabantur; quamvis & ipsis non deessent consiliarii aulici, indigenæque alii viri graves atque idonei. Atque his suis domesticis non obsecuti tantum Principes, sed & illis Senatoribus, qui ex Dynastiis suis & oppidis ad comitia vocari, benigneque semper & cum applausu exaudiri soliti, quotiescunque negotium incidisset quod ad Remp. pertineret. Atque horum omnium auctoritas pro lege fuit, & frænum quodammodo Principatus.

Hoc fundatum bonis legibus regimen, iustumque ante alia, ac nulli secundum, insignes profecto fructus publico, & peculiarem honorem ipsis Comitibus attulit: ut qui tantillæ Provinciæ præfecti summam apud omnes Christiani orbis principes existimationem, laudemque consecuti sint; tantaque in dignatione

tionē fuerint, ut fœdera non tantum, sed & nuptias cum potentissimis Regibus sæpenu-
mero contraxerint. Adde, quod anno post
millesimum ducentesimo quadagesimo se-
ptimo, Gulielmus, ejus nominis II. Hollan-
diæ Comes, Rex & Romanorum Imperator
electus sit. Denique non parum ad eorum
gloriam & virtutem facit, quod triumphatis
hostibus victores plerumque è bello domum
redierint; limitibus suarum provinciarum, ad-
versus quoscunque hostes, quantumvis præ-
potentes, fortiter defensis. Hinc imperium
majestatemque Principum Hollandicorum
vicini omnes plurimum verebantur. Quin
immo asseverare verissime possumus, Hol-
landiam Zelandiamque à nemine hætenus,
quà externo, quà intestino bello, spatio qui-
dem octingentorum annorum, ferro suba-
ctam, aut alterius imperio subditam fuisse. In
quo an ulla alia Regna & Respublicæ (Veneta
fortasse an excipienda) gloriari nobiscum pos-
sint, etiam atque etiam dubitamus. Inviictæ
vero hujus majestatis robur in solâ Ordinum
cum Principe concordia, amore, & animis
conspirantibus positū profitemur, & libenter
agnoscimus. Comitum alioqui potentia in-
valida, nisi Nobilium & Civitatum destinis
fulciretur. Nullæ enim his opes, præterquam
Dominiorum redditus, ad sublevandam Au-
lam, aliaque publica munera sustentanda,



alicam ipsam in extremum pro-
 onjecit. Cæsar Carolus, donec
 set, Tutores à provinciarum
 provinciæque ipsæ ab iisdem
 rotes accepere. Imperator idem
 Ordinum (quàmquam libertas
 te dominatione Burgundicâ
 distracta sit atque immunita)
 more & pretio semper habuit,
 ntelligeret non aliter se suaque
 ere. Quocirca & filium suum
 aniarum crebris adhortationi-
 nefecit, & ad mitiora consilia
 ue pellicere conatus est, prote-
 disertissimis: quod tum demum
 ret statum imperii sui pericu-
 m laboraturum, quamprimum
 storitatem parvisaceret. Et nunc
 m patris re ipsa verissimam ex-
 nti suo & provinciarum damno.
 Belli Belgici causa, aut tumul-
 , in medium adferri potest;
 ulgo contra dissertetur) quam
 ata per Hispanos & alios exoti-
 extorquere à nobis voluerit,
 a Ordinum publicæ utilitati ad-
 dicarent.

t sint extra omnem disputatio-
 osita, nihilominus è re nostra
 peterentur, ideo existimavimus,
 n lubrico hærentes seorsim ab

Accepimus etiam à majoribus, quâ auctoritate Ordines Comites suos, si malos consultores secuti exorbitassent, in viam reduxerint: non solummodo demonstrationibus & expostulationibus exhibitis: Verum etiam si salubria monita negligenter, adjectis pœnis & animadversionibus in capita illorum, qui Principum auctoritate nequiter abusi deliquissent, & eos seduxissent. Cujus rei exempla multa & varia circumferuntur.

Clare quoque perscriptum est, Principibus pupillis & impuberibus Tutores ab Ordinibus appositos fuisse. Quemadmodum etiam, cum Gulielmus V, ejus nominis Comes Hollandiæ, per animi ægritudinem imperio minus idoneus esset redditus, ab iisdem ipsi Procurator, & populo Rector datus est.

Extra omnem denique controversiam est, supremam potestatem atque administrationem Reipubl. penes Ordines semper fuisse, si quando provinciæ Principe defuncto, vel eo impubere, vel mente capto, aliave de causa Domino suo destituerentur. Nam in tali casu ab Ordinibus genti caput datum, quem Tutorem sive *Ruywardum* vocabant. Quod ipsorum jus tempore adhuc dominationis Burgundicæ obtinebat. Cum enim Maximilianus Austriacus statim ab excessu Ducis Caroli & filiae ejus Mariæ res novas contra jus antiquum moliretur, & apertâ vi anniceretur auctoritatem Ordinum convellere,

lere, Rempublicam ipsam in extremum prope discrimen conjecit. Cæsar Carolus, donec minorennis esset, Tutores à provinciarum Ordinibus, provinciæque ipsæ ab iisdem suos Gubernatores accepere. Imperator idem majestatem Ordinum (quamquam libertas pristina durante dominatione Burgundicâ multifariam distracta sit atque immunita) magno in honore & pretio semper habuit, quod probe intelligeret non aliter se suaque posse consistere. Quocirca & filium suum Regem Hispaniarum crebris adhortationibus commonefecit, & ad mitiora consilia prudentiamque pellicere conatus est, protestatus verbis disertissimis: quod tum demum fero intelligeret statum imperii sui periculose admodum laboraturum, quamprimum Ordinum auctoritatem parvisaceret. Et nunc ille dictionem patris re ipsa verissimam experitur, ingenti suo & provinciarum damno. Neque alia Belli Belgici causa, aut tumultuum origo, in medium adferri potest; (quicquid vulgo contra dissertetur) quam quod vi armata per Hispanos & alios exoticos milites extorquere à nobis voluerit, quod comitia Ordinum publicæ utilitati adversarium judicarent.

Quæ licet sint extra omnem disputationis aleam posita, nihilominus è re nostra esse, si hic repeterentur, ideo existimavimus, quod multi in lubrico hærentes seorsim ab

his abeant, Ordinum comitia non alio fere dignantes honore, quam quod dignos ipsi censent ad ea delegatos, resque in iisdem ventilari solitas. Haud aliter reputantes, ac si delegati illi è Nobilibus & Oppidis sese pro Ordinibus ingererent, & sibi metipsis tanquam Ordinibus supremum imperium deferentes de summis Reipublicæ negotiis prohibitu suo disponderent: contortâ omnium aëtorum invidia in ipsos ceu privatos. Sed qui præmissa, resque alias arduas à Principibus Ordinum faventiâ gestas, propius inspexerit, & attente consideraverit; præsertim ea, quæ quindecim annorum proxime elapsorum curriculo in Hollandia VVest Frisiaque & Zelandia evenêre, non in xxx. aut xl. plus minus capitum, ad comitia confluentium regimine & auctoritate, Ordinum majestatem suam esse facile animadvertet. Ipsi etiam Agentes in rebus Regis Hispaniarum, hujuscemodi argumentorum machinis Rempublicam nostram evertere, Ordinumque auctoritati detrahere identidem allaborantes, re ipsa demum didicerunt in eo se gravissime errasse, ac opinione falsos fuisse.

Vt igitur in medium proferatur ac liquidius demonstretur unde ea pullulet ac descendat Ordinum auctoritas, sciendum est, omnes omnino Principes, quotquot unquam præfuerunt, non tantum ex delatione, consensu, & volentibus Provincialium animis

mis, imperium auspicatos esse: verum etiam ita continuasse, ut omnia corporum membra, quibus ipsi tanquam capita impositi, illibata hætenus & facta-recta permanferint. Quod jactari à nobis vix possit (cum fere Principes quorundam vafritie atque ambitione corrumpi ac circumveniri solcant) nisi Ordinibus prompta ad manum essent remedia, quibus recte atque ordine malis artibus obviam iretur: & Princeps non solum officii sui in custodiendis privilegiis, & tutandâ publicâ salute, omnium nomine admoneretur; verum etiam si ad tyrannidem declinaret, ab ipsa Republica oppugnaretur. Atque cum in finem bipariti sunt Provinciales, & in Ordines duos distributi; in Nobiles videlicet, & Civitates.

Nobiles membrum unum constituunt, tum stemmatis splendore ac gentis dignitate (quæ tanta, absque jactatione, est, & tam verus, ut nulla alibi illustrior) tum Dynastiis & possessionibus per has regiones sparsis. In quibus Dominiis supremam, mediam, & infimam præfecturam sive jurisdictionem omnes ad unum fere soli habent atque exercent. Hi è re natâ in unum conveniunt, de statu publico deliberaturi: & in comitiis una cum Civitatum legatis in commune bonum patriæ consulunt.

Vnus idemque est fere cunctis civitatibus regiminis modus: nimirum,

Collegium Senatorum Urbicorum (à prudentiâ *Vroedschappen* vocant) ex insignioribus civibus & patriciis eligitur; numero alibi XL, alibi xxxv i, alibi xxx i i, xx i ix, xx iv, aut xx non excedente. Atque hæc collegia antiquitate cum ipsis civitatibus certant; aut certe monumenta, originem ipsorum prodentia, oblitterata sunt. Cooptati in eum ordinem eo munere quoad in vivis sunt, aut civitate gaudent, fruuntur. In mortuorum vero aut demigrantium loca alii, ad explendum numerum, ex ipsis civibus communi collegarum consensu surrogantur. Penes hæc sola collegia deliberandi, consulendi ac decernendi de negotiis tam provincialibus. quam urbicis, jus potestasque est. Quodque in iis collegiis deliberatum, consultum & decretum, à tota plebe volentibus animis admittitur. Nec quisquam id infringere, nedum impugnare unquam ausus.

Eliguntur in his collegiis quotannis ordinarii Magistratus, quatuor videlicet, tresve, vel duo Consules; & septem aut plures Scabini (ita Iudices appellant,) annuo muneri fungendo. Hi in quibusdam civitatibus absolute eliguntur: in quibusdam vero duplicato numero nominantur: ex eo numero geminato Gubernator provinciæ eligit illos septem vel plures (quos diximus) Iudices.

Munus Consulium, imperare rebusque politicis adesse, tam in administrandis bonis urbi-

urbicis redivitibusque , quam in conservandâ publicâ salute.

Scabini justitiæ administrandæ vacant; & penes ipsos suprema, media, & infima jurisdictio est. Penes hæc Magistratuum collegia summum imperium est per Hollandiæ, VVest. Frisiæ & Zelandiæ civitates, idque fere ubique pari modo. Ita ut Principes regionum istarum nihil quidquam sibi vindicarint, præterquam jus Prætoris creandi, qui ipsorum nomine justitiam exsequeretur.

Hic status ipsissimus Reipublicæ urbium Hollandicarum ac Zelandicarum.

Vnde certo colligi potest, collegia hæc Magistratuum & Senatum urbanorum, conjuncta cum Nobilium conventu, universum totumque corpus Provincialium repræsentare. Nec ulla alia regiminis forma facile invenitur, quæ meliori cognitione causæ de rebus publicis statuatur, decernat, aut sua decreta majori concordia, auctoritate, ac consensu exsequatur. Quamobrem nemini mirum videri debet, statum harum provinciarum nunquam mutasse, & nulli alii facile de perpetuitate cessurum.

Vt vero hæc nobilium & urbium collegia apte congregentur, & consilia communicentur: nullâ re id commodius, quam per eorundem delegatos effici potest. Quotiescunque igitur res seriæ incidunt, quæ ipso-

G 5 rum

rum opem & conventum requirunt, jam tum ad comitia conscribuntur, atque evocantur, literisque una præcipui articuli & capita inferuntur. Quibus in collegio ventilaris & expensis, decretoque super iis facto, tales quibus maxima fidunt, ad præscripta comitia ablegantur, cum potestate consulendi ac decernendi quæ potissimum ad commune bonum & provinciarum commodaspectare judicabunt. Nobiles solenni & competenti numero se sistunt. Civitates vero Consulem cum nonnullis Senatoribus, idque eo numero, quem rei moles postulare videbitur, delegant. Atque his delegatis, durante bello, (ob varias necessitates) universim incumbit, res omnes quæ ad publicam salutem & patriæ conservationem pertinent, cognoscendi, pertractandi, deque iis omnibus ea statuendi, quæ maximopere bono Reipublicæ faciant. Præsertim jura, immunitates & privilegia conservandi, & quæcunque eadem infringunt propulsandi atque amoliendi. Hi porro delegati, cum ad hunc modum convenère, exhibent nobis Ordines: non quod ipsi per se aut propriam auctoritatem Ordines sint, sed quod à potentioribus collegiis id muneris iis sit demandatum, & auctores alios agnoscant. Nec temere credendum est, quemquam suo ambitu eo potestatis se promoturum. Nam præterquam quod populares ab hoc ambitu & ambiriosis

sis omnibus naturâ suâ abhorreant ; tale quid in liberam electionem cadere , à vero profecto alienum est. Nedum ut quisquam in rebus hisce adversis, cœlitus immissis, rerum earum cupidine deflagraret , quarum administratio nil nisi summas difficultates secum vehat. Vnde etiam malevolentium , qui præstantissimos quosque fideique spectatæ viros falsis persuasionibus seducentes, sæpenumero sinistram de optimis patriæ administris opinionem concitarunt , inimicitiz odiaque veniunt , sine ullo emolumento , exspectanda. Qua de cāsa mandatorum hoc onus inter munera necessaria redigendum fuit. Et sane quibus Reipublicæ nostræ status aliquatenus innotuit, contestari facile possunt quantis molitionibus & machinationibus ad onera hæc suscipienda delegati ipsi urgeri & cogi quodammodo soleant.

Iidem delegati dimissis comitiis actuum rationes auctorib. suis exacte reddere tenentur.

Hoc Reipublicæ nostræ fulcrum , cui Hollandiæ , VVest-Frisiæque & Zelandiæ status quingentis , sexcentis septingentisque & amplius annis, juxta vetustissima quæque monumenta , innitebatur. Hoc illud ipsum est, quo iidem Status secundum Deum opt. max. in tantis bellorum discriminibus adversus potentissimum hostem unanimes animos hactenus obfirmarunt. Ita ut tempore hujus belli

nullum prorsus membrum non nisi summâ vi à corpore nostro avulsum, nullæ unquam civitates tumultuatæ, nulli milites in studia contraria scissi fuerint. Cujus post Deum omnipotentem nulla alia ratio reddi debet, quam quod maturatis consiliis de plano levatoque velo res omnis peracta sit. Vnde accidit, ut multis etiam minoribus oppidis, quæ ad comitia antiquitus non vocabantur, certe iis, quæ interesse voluerunt, loca suffragiaque libera concessa fuerint. ut ita, cum singulis de administratione Reipublicæ constaret, onera (quibus alioqui ferendis impares videmur) æquanimiter tolerentur, unioq; inviolate custodiatur. In quem quoque finem Nobilibus liberum fuit eo quo visum numero se publico conventui sistere : dummodo essent ii è Senatu majore ; exceptis, qui privilegiis excipiuntur.

Quod si quis demonstrare possit aliquem ex Nobilibus & Urbium delegatis contra præscripta & ei mandata deliquisse (quod nos latet) omni tempore coram suis auctoribus causâ dicenda est : & nolenti causâ dicere, pœna ex legibus impendet. Et qui bonâ fide talia detegunt, optimos cives & Patriæ amantissimos æstimamus. At qui Ordines suggillant & calumniantur, acta ipsorum contemptui & risui habentes, graviter profecto hallucinantur, si existiment, sibi
cum

cum nobiles & delegatis urbicis, tanquam hominibus privatis, rem esse, nisi unâ operâ ostendant aliquem eorum extra præscriptos limites evagatum esse. Et quamquam plurimis per imprudentiam & innocentiam id genus calumniæ excidat, impune tamen ipsis est: Patriæ vero hostes declaramus, qui studio & consulto id agunt, in hoc unice incumbentes, ut substructionibus & fundamentis per cunicolos quasi concussis, ipsa domus tandem subruatur & collabascant: cum damno tam Principis, quam publici boni. Primo namque, quænam Principis potestas sine subditorum consensu? Ecqua convenientia ipsi cum populo? ecqua ipsi subsidia ab eo expectanda, si eo se pertrahi atque abduci patiatur, ut cum ipsis Ordinibus, qui Commune repræsentant, vel (ut ita loquamur) cum populo inimicitias exerceat? Secundo, quo pacto stabit Respublica, si populus eo adducatur, ut ipsis Ordinibus, id est, Nobilibus, Magistratibus & Senatoribus, qui subditorum legitimi patroni & tutores, quique in defensandâ plebe Principum iras in se non raro provocant, adversetur.

Vnde ingenuis & cordatis omnibus liquido liquet, Rempublicam nullos peiores magisve nocentiores aut perniciosiores in sinu fovere hostes, quam eos qui sese universo Statui totis viribus opponant. Sed tales
eos

eos esse non censemus, qui demonstrent aliquem ex delegatorum numero commissionis suæ, cujus antea meminimus, limites excessisse, aliove modo officio suo defuisse.

Quapropter notum sit omnibus, nos qui penes Ordines summum imperium esse declaramus, non intelligere hic privatos delegatos, sed auctores ipsorum: videlicet Nobiles & Civitates, quas secundum demandata ii repræsentant. Id quod in contractibus cum Ordinibus Generalibus multi Principes & Potestates, ipsaque serenissima Angliæ majestas, excellentissimusque Gubernator, cum Præfecturæ inauguraretur, optime intellexerunt: nec à quoquam mortalium controverti aut in dubium vocari debet. Ita ut impetrare à nobis non possimus, ut credamus etiamnum existere qui sanis rationibus contrarium tucatur. Alioqui sequeretur, Nobiles, Magistratus, Senatoresque majores non nunc eadem qua olim (quod jam antea assertum) & nuper in contractibus Anglicis & admittendo Gubernatore, summi imperii exercendi potestate valere: & non solum contractus cum Anglis, verum etiam quæcunque Ordines cis annos quindecim pro libertate fortiter fecerunt, in controversiam vocari possent. Quod non nisi hostes nostri sunt facturi.

Hiscæ omnibus satis superq; liquet, quam necesse præ cæteris sit auctoritatem Ordinum

num sartam testari conservari, ceu basim imperii, cui tota salus Reipublicæ innitatur. Quæ profecto sine maximo Reipublicæ nostræ detrimento violari non debent. Vnde perquam manifestum, summum rerum imperium non minus hodie quam antiquis Principum temporibus penes Ordines stare.

Decretum Hagæ Comitris xvi Iulii, statutumque S. C. fieri quod exhiberi possit. Actum Harlemi xvi Octobris cId Id Lxxxvi i i.


Subscriptum:

Ex mandato Ordinum Hollandiæ,

Subsignatum:

C. de RECHTERE.

F I N I S.



LVGDVNIBATAVORVM.

Typis PHILIPPI DE CRO-Y,

Anno 1650.

